

AVEROIS

PARAPHRASIS

Super libros de Republica Platonis, nunc

primum latinitate donata, Iacob

Mantino Medico Hebraeo

Interprete.

M. D. XXXIX.

Inuentus J. Maria

Cum gratia, et priuilegio Pontificis
ad decennium.

Tranquillino

12-30-C-17

VEROIS

VEROIS

VEROIS

VEROIS

VEROIS

VEROIS

VEROIS


VEROIS

VEROIS



INTER OMNIA
imperandi nomina.
P.B. hoc unum pa-
storis nomen tū an-
tiquissimū, tum diui-
num, tum sanctum,
omnibusq; orbis ter-
rarum populis per-
gratum fuisse nemo
ambigit. ea siquidē
imperandi facultas misericordia, & mansuetudine,
de, et pietate est referta. Iccirco nedum Græci ubiq;
pastorem populorum regem appellant, uerū & sa-
ri antiquæ legis codices passim Reges, summosq; Sa-
cerdotes, iudices, egregiosq; Prophetas, ac aliorum
moderatores, pastores uocant: nec mehercule iniuria.
cum Deus Opt. Max. Pastor Israelis à Davide fuerit
nuncupatus. quam inter cæteras præcipuam artem, &
primi omniū parentes, & superis acceptissimus Moses
legislator æquissimus accuratè excoluerūt. Quod no-
men Christianis adeò uenerandum, & mirificum fuisse
cernimus, ut qui ad summi sacerdotij apicem, dignita-

A ij



témue fuerint perlati, illico pastoris nomine decoren-
tur: quo nihil apud eos sanctius, nihil diuinius, nihil de-
niq; præstantius reperiri posse existimē. Quod non so-
lùm hominum opinione, quam summis tuis uirtutibus
tibi comparaueras, sed diuina quadam ratione tibi de-
beri significabatur. Nam qui primus Farneſiorum co-
gnomen in gentem tuam intulit, is (mea quidem sen-
tentia) nescio quo numine afflatus prænuntiaſſe uide-
tur, aliquando fore, ut eius nominis ratio in ſempiter-
na temporum ſerie inuoluta, in ſigni aliquo dignitatis
gradu immortalis efficeretur. Pharnes enim Hetrusco-
rum lingua, quæ meo iudicio Aſſyria eſt, & ut patria
Hebræis recepta, pastorem, atq; gubernatorem ſigni-
ficat: et ſic deus Pharnes Iſraelis apud eos uocatur.
Salomon quoq; in grauiffimo ſuo poemate, populum in
hunc modum introducit loquentem: Amicus meus mihi,
& ego illi Pharnes inter lilia. id eſt paſtor: ut iam non
obſcurè ad gentilitia tua inſignia alluſiſſe intelli-
gatur. Quod nomen ex antiquiſſima Hetruscorum ori-
gine in tuæ B. familia, cœu diuinum quoddam oraculū
relictum exiſtit, quo tibi ſummam in Chriſticolas im-
perium promittebatur. Cùm igitur Dſ, hominibusq;
fauentibus in cuſtodia quadam totius Chriſtiani gre-
gis ſis conſtitutus B. P. diu mecum conſideraui, quid-
nam in publica lætitia tibi afferrem, quod animum meū

S. T. deuotissimum, mirificumq; desiderium ratione aliqua declararet. Quanq̃ uerò intelligerem nihil in me esse, quod tāta S. T. maiestate dignum uideretur, tamē minus culpæ in me residere putauī, si uel minimo quopiam argumento uolūtatem meam illi aperirem, quā si nullas omnino uoces āderem, quibus me ab ingrati tudinis suspicione penitus uindicarem. malle etenim ineptus uideri, quā ingratus, optimus quisq; debet: nam dilui hoc peccatum nunq̃ potest, illud humanitate eius, cui debetur gratia, corrigitur. Quocirca constitui. S. T. hos Aueriois Cordubensis in Platonis Remp. cōmentarios, ā me nūc primū latinitate donatos dicare: non q̃ putem eos ad S. T. rationes pertinere, quam sciunt omnes literis ā pueritia deditam, cum per aetatem licuit in gerendā Reip. scientia mirificē profecisse: sed ut culpa uacarem, quæ profecō mihi inhæsiſſet grauiſſima, si optimo, & sapientissimo principi studio rum meorum rationem non redderem: quæ ab ineunte ætate tibi debita fore semper sperauī, cui literæ omnes earumq; professores se plurimū debere fateantur. Quod meum consiliū ā S. T. improbatum nō iri adeo confido, ut etiā laudem, quæ mihi ex ratione studiū mei dubia certē esset, certissimā sola. S. T. humanitate putem consecuturum. Caterū quid causæ homini Peripatetico fuerit, ut Platonis de Rep. dialogos susciperes

interpretandos, in ipso statim operis initio explicabi-
tur. Reliquum est B.P. ut tibi me ipsum, atq; otij mei ra-
tiones, quæ in sacrorum librorum interpretationibus,
& rei Medicæ consumuntur studio diligenter com-
mendem: optemq; ut sanctissimis tuis de Repub. nego-
tijs, atq; desiderio tuo felix exitus consentiat.

Vale.

PARAPHRASIS AVEROIS IN

libros de Republica Platonis speculatiuos,

Et est secunda pars scientiæ moralis,

Iacob Mantino Medico Hebræo

Interprete.



PRAESENTIS OPERIS propositum est summatim excerpere ea, quæ Plato sub demonstrandi ratione in libro de Republica explicauit, his tamen prætermiſſis, quæ probabilia uidentur. Verum ut ordo doctrinæ seruetur, nonnulla exordiri oportet, è quibus doctrina ipsa quodam ordine deinceps tradetur. nam Plato in quosdam alios eiusdē scientiæ libros, hunc etiam postea collocauit. Quædam præterea de huius scientiæ usu, eiusq; instituto, ac partibus docebimus.

Dicendum est ergo hanc scientiam, quæ apud omnes practica esse uidetur, ex se à contemplatiuis differre. Idq; in primis ex ipsius subiecto uidetur manifestum, cum à cuiusuis contemplatiuæ scientiæ subiecto discrepet, huiusq; etiam principia longè ab illarum principijs distent. Nam res ipsæ uoluntariæ subiectum huius scientiæ sunt, quas scilicet, dum ope-

A iiij

ramur ex nostro arbitrio ipsa pendent, earumq; principium ipsa uoluntas, & electio est: quemadmodum naturalis scientiæ ipsa natura principium est, & ipsius subiectum res naturales. item diuinæ scientiæ principium deus, & eius subiectum res ipsa diuinæ. Præterea præsens scientia à contemplatiua seiungitur, quandoquidem illarum finis est tantummodò scientia: ac siquid in his operamur, id quidem per accidens fit, utpote in multis rebus, quas Mathematici considerant euenire solet: sed præsentis scientiæ finis est sola praxis. Huius tamen scientiæ partes inter se differre uidentur: q; quædam facilius, quædam difficilius ipsam praxim tradunt. nam regulæ, quæ in hac scientia traduntur, quò cõmuniores extiterint, eò minus ad præstãdam praxim conducunt: et quò minus communes fuerint, eò magis ipsam praxim docere, & ostendere possunt. Idq; in medicina liquidò patet, cuius una à Medicis speculatiua, altera uerò actiua pars appellatur. Itidem hæc ars in duas diuiditur partes, prior quidem communibus quibusdam rationibus habitus, & actiones uoluntarias, necnò Reipublicæ gubernationem in genera describit. itemq; explicat, quænam sit unius ad alteram pars ratio, atq; etiam quidnam ex his alterius gratia sit adinuentum. Altera, quonam pacto habitus eiusmodi in animo firmi, stabilesq; reddantur ex-

4
ponit. tum qualis habitus sub alio collocetur, ut scilicet
actio ex habitu proposito proueniens perfectissima
existat. Docet. quoq; & quis habitus à quo impedia-
tur, atq; (ut in summa rem complectar) ea in hac parte
traduntur, quæ si fuerint cum uniuersalibus rebus con-
iuncta, tanq̃ fundamenta, fieri poterit, ut actiones in-
de proueniant. Atq; ita huius scientiæ pars prior ad al-
teram sic se habet, uti libri de sanitate, & ægritudine,
ad libros, qui de tuenda sanitate, deq; morbis curan-
dis inscribuntur. Præterea pars prior huius artis in eo
opere continetur, quod Aristoteles ad Nicomachum
scripsit: altera in Politicorum libris, de qua & in hoc
quoq; Platonis libro, quem exposituri sumus, agitur.
nondum enim Aristotelis politicos libros uidimus. Sed
ante declarandæ materiæ exordium, operæ pretium
est, ut de his rebus primùm sermonem faciamus, quæ in
prima parte declaratæ sunt, & quæ ueluti fundamen-
ta quædam ad id, quod dicturi sumus subiiciendæ
sunt.

Dicendum est ergo (ut in prima huius scientiæ par-
te explicatum est) quatuor esse humanarum per-
fectionum genera, Contemplatiuas scilicet uirtutes,
et excogitatiuas, seu industrias (mechanicas Græci uo-
cant) itemq; morales, & artes practicas, seu operarias
uel manuales dixeris: quæ omnes contemplatiuarum

gratia adinuenta sunt, ad easq; , ueluti præludia quæ-
dam, & apparatus habentur. nam quæ ante finem sunt,
illius gratia expetuntur. Ostensum præterea in ea par-
te est, neminem posse has omnes uirtutes adipisci, uel
si id fieri possit, difficillimū tamen esse: in multis uerò
uarijsq; hominibus eas multoties reperiri posse. Quin
etiam nemo aliquam ex his uirtutibus perfectè, nisi cæ-
terorum hominum opera, & auxilio obtinebit. propter-
eaq; unusquisq; ad eam, quam sibi proposuit uirtutem
assequendam, alterius ope utitur: ideoq; natura civilis
est. sed ad reliquas etiam res uitæ necessarias compa-
randas, quæ quidē hominibus, & animantibus reliquis
quodammodo communes habentur, utpote uictum, ue-
stem, & habitanda loca inquirere, & (ut in pauca rem
conferam) cuncta, quæ uis in homine concupiscendi ui-
uendiq; exposcit. Quodq; hæc necessitas multifariam
inuenitur, nempe, uel à qua nullum sit effugium: quem-
admodum fieri non potest, ut solus quilibet homo, quæ
ad uictum, uestemq; , & domicilia necessariò acquiren-
da sunt assequatur. uel quæ rei cōmoditatem præstat:
uelut si ita dixerim, possibile est hominem quemuis ui-
uere, ut nec terram colat, nec serat frumenta: sed qui
hæc fecerit, commodius uiuet. uel præsidij seu melioris
notæ gratia id fiet: ut si à teneris annis quispiam ali-
quam artem elegerit, in qua diutius uersatus fuerit, il-

5
lius quidem opus in arte eiusmodi præstantius erit. Ea
de causa inter cetera adductus est Plato, ut crederet
neminem debere, nisi unicæ tantum arti operam dare,
idq; à nobis paulò post explicabitur. Propterea com-
plures artes quempiam exercere, uel est omnino impos-
sibile: uel si fieri quidem poterit, id minimè egregiè
erit. Ac quoniam humanæ perfectionis non nisi sepa-
ratæ quidem ipsæ, aliqua tamen definita multitudine
deprehendi omnes possunt: ideo singuli homines in suo
ortu, & creatione secundum dictarum perfectionum
diuersitatem inter se differunt. Nam si singuli huma-
nas omnes perfectiones assequi possent, natura quidem
temerè, ac frustra quid egisset. Siquidem impossibile
est, ut detur quicq; possibile, quod reduci ad actum non
possit. idq; iam in naturali Philosophia explicatum est.
Sensu quoq; comprobatur, singulos homines ita se ha-
bere. quod sanè euidentissimè patet in uirtutibus præ-
stantioribus: propterea à quòd non quilibet natura accõ-
modatus est, ut uel bellicosus, uel orator, uel Poeta,
præsertimq; Philosophus euadat. Quòd si ita res (ut di-
ximus) se habet, rationi consonum est, ut humanæ oēs
perfectiones in aliquo hominum cœtu inueniantur: atq;
illi uicissim sic ad perfectionem adiuent, ut uidelicet
is qui imperfectè aliquam uirtutem obtinet, ad eum cõ-
fugiat, qui hanc ipsam uirtutē exactissimè adeptus est,

non secus atq; præludiū quoddam suæ perfectionis ac-
quirendæ. Similiter qui huiuscemodi uirtutē absolutissi-
mè possidet, illi adiumento esse debeat, qui minus illam
perfectam habet, ostēdēns illi uidelicet suæ perfectio-
nis principia. uerbi gratia, arti equestri ars corficien-
dorum frenorum inseruit, tanq̃ eius præparatio quæ-
dam: illa quidem hanc docet quonam pacto frenum
aptius commodiusq; esse debeat, atq; etiam quo modo
in eandem intentionem coeant. In prima autem parte
declaratum est, quot modis unaquæq; ars aliarum prin-
cipatum obtineat. Si ergo talis hominum conuentus
non reperiretur, neq; etiam humanæ uirtutes reperirē-
tur: uel si reperirentur, illæ quidem essent imperfectæ.
Ac postremò hæc omnes uirtutes ita ad partes huius R.
P. se habent, sicut animæ potentiæ ad partes unius
animæ. Nanq; huiusmodi Respu. parte quidem, qua cō-
tēplatur sapiens erit, ac reliquis partibus domabitur:
sicuti homo parte, qua ratione fungitur sapiens est, ac
ceteris animæ uiribus imperat. Intellego autem per
has uires eam partem quæ rationali adhæret, annecti-
turq; utpote pars irascibilis, atq; etiam concupiscibilis.
hoc enim pacto morales habebit uirtutes: ad ea enim
se tradet, ac mouebitur, quæ & iudicio intellectus, ac
tempori ab eo constituto, & considerato conueniant,
correspondeantq;. Ad hæc, fortis quoq; ea parte erit,

qua irascitur: non nisi tamen ubi, quatenusq; sapientia
 statuerit, nec nisi quo tempore illa idipsum exegerit.
 Quemadmodum & homo ipse ea, qua irascitur parte for-
 tis est, dum ea utatur, prout intellectus præceperit, mo-
 dumq; ac tempus præscripserit. Idem quoq; de tempe-
 rantia, & alia quavis uirtute dicendum est. Sic deniq;
 ille omnibus tū rationalibus, tum moralibus uirtutibus
 præditus erit, præstantiorq; habebitur, si præstantio-
 res uirtutes fuerit assequutus. & hæc est illa iustitia
 quam inuestigat Plato in primo libro huius operis, de-
 claratq; in quarto: quæ nihil aliud est, q̃ ut unusquisq; in
 R. P. suo fungatur naturali munere quàm optimè quis-
 quis poterit hoc autem intelligi debet, quum partes R.
 P. mandato contemplatiuæ scientiæ, & ei præidenti-
 bus obtemperant. Atq; hinc manifestum est, hanc in ea
 excellere partē, quæ professores contemplatiuarum sciē-
 tiarum continet: omnibusq; dominari, quemadmodum
 iustitia in unica anima est, quò unaquæq; ipsius pars in
 suo sit officio: scilicet ut decet, & quando decet. Nec
 aliter hoc in partibus animæ fieri potest, nisi si domi-
 natur eis intellectus. quo etiam modo res se habet in
 R. P. Neq; uerò te latere debet, harum uirtutum non-
 nullas inesse R. P. dici, quòd in quadam eius parte sint,
 sicuti est sapientia & Fortitudo: nonnullas uerò, pro-
 pterea quòd in omnibus ipsius partibus existant, uti

Iustitia, & Temperantia: quod ipsum quidem per se patet. Nunc, utrum uirtus liberalitatis in omnibus huius R. P. partibus, an in una tantum reperitur, post hac inuestigabitur: indiget enim consideratione quadam. Cum igitur res ita habeat, fueritque in priore huius scientiae parte monstratum, quidnam sint simpliciter homini uirtutes: reliquum certe est, ut ad earum exactiorem cognitionem, aliqua amplius de eisdem dicamus. Primum est, ut ea conditiones seruentur, quae si in aliqua illarum concessae prius fuerint, possit quispiam operari. ut gratia exempli, si quaeritur quid sit Fortitudo, simpliciter respondebimus quidem, eam esse in anima quendam affectum, medium inter audaciam, & timiditatem, habitumque, per quem quis, ubi, quatenusque, & quando opus est fortiter se gerit. Hac nihilominus definitio non satis est, quin etiam desunt insuper propria quaedam praeccepta, quae rei agenda tempore necessaria sunt, cum alioqui non possit actio fieri. Atqui, ut Aristoteles placuit, huius cognitionis finis actio quidem est, non scientia. Secundum est, quoniam pacto uirtutes huiusmodi in adolescentium animo instituuntur, & sensim in eis coalescant, donec perficiantur ipsae: tum quae sint perfectae, quo pacto integre seruari debeant: ac denique qua cura ex prauorum animis uitia ipsa eximantur: tandemque eadem uidetur huius negotij, & artis medica ratio.

7
nam ut illic continet ultima pars, docetq; quid sit edu-
candis corporibus salubre, quidue sanitatem in eis tuea-
tur, ac si quando à sanitate recesserint, qua ratione
egritudines amoveantur: sic quoq; hic res se habet.
Tertium superest, ut habitus, quidnam sit, describamus
aut uirtus: quæ si alteri cuius uirtuti coniuncta sit,
actus inde illius exactior reddatur: quis præterea ha-
bitus alteri officiat, perinde ac Medicus, hanc illi asse-
ctionem copulatam dicit, sanitatem in corpora indu-
cere, ac seruare. Quæ omnia faciliè admodum intelli-
gètur, intellecto prius fine, atq; proposito harum omniũ
uirtutum, quatenus sunt. R. P. partes: haud secus ac ua-
letudinis membrorum tutela, eiusdemq; restitutio co-
gnoskitur quidem sapissimè, cognita ratione, atq; or-
dine omnium inter se membrorum. Quibus in hunc mo-
dum expositis, explicanda demum uia est, qua singulas
in animis ciuium uirtutes, qualiterq; reperiamus. Et si
minimè hoc te fugere debet, ad id, ut reipsa uirtutes in
Repub. insint, similiterq; in populis, non satis esse id,
quod oratiõe explicare potest, donec ad hoc quoq; ad-
hibeatur quædam coniectandi facultas, ut sit in arte
medica. Atq; hinc colligi potest Reipub. gubernacula
senioribus deberi: quippè, qui, præter quòd scientias
speculatiuas adepti sunt, obtinent præterea experimèn-
tum, longo tempore acquisitum: non aliter q̃ medicus

consummatus quidem est, qui ad præcepta artis uniuersalia, atq; immutabilia, adiecit etiam coniungendi uim, qua uniuersalia illa singulis quibusque agendis rebus experientia duce, applicet, comparerq;: quod totū iam in priore huius scientiæ parte demonstratum est. Reuertamur ergo ad sermonem unde digressi sumus, dicamusq; Platonem, cum de uirtutibus tractare instituit, de fortitudine primò initium sumpsisse. enimuero (ut diximus) ratio ipsa, modusq; sciendi, quibus eam perfectissimam ciues adipiscantur, & seruent, ea est, ut quod primum sit operum huius uirtutis propositum in ciuitate obseruemus. Dicendum ergo est duplicem omnino uiam esse, ex qua uirtutes in animis ciuium reperiantur. Alteram sū illorum animis, seu Rhetoricis, seu Poeticis orationibus altius opiniones imprimantur: quæ propria etiam est uulgo ad speculatrices scientias. præstantes alioqui uiros certiore, uerioresq; uia ad easdem perducimus, ut postea dilucidius expone-
tur. Idcirco autem uulgus Rhetoricæ, & Poeticæ opera scientiasq; attingit, quòd ex duobus unum necessarium sit: scilicet ut uel demonstratiuis rationibus id sciat, uel penitus nesciat. horum primum fieri non pòt, alterum planè est possibile: nam ingenium cuiusq; ad illam humanam perfectionem adipiscendam, pro natura mensura, atq; promptitudine intendi debet. Adde
illud

8
illud quoq; cum inducti sint ad credendum, et per-
suasi de scientia primi principij, atq; finis, quantum
eis datum est, iuuabit id quidem, atq; eò magis, si
etiam adiunctum fuerit illud alterum, nempe quod
ad cæteras morales uirtutes, et manuales artes iam
dispositi sint. confirmantur autem morales uirtutes,
artesq; illæ prædictæ in animis eorum priore (quam
diximus) uia, eis uidelicet ducendis ad illarum artium
atq; uirtutum actiones utroq; horum generum ora-
tionis, suasorio scilicet, atq; affectionum excitatio,
quæ scilicet ad bonos mores inducunt. hoc autem di-
sciplinae genus, in eos, ut plurimum conuenit ciues,
qui à teneris similibus rebus assueuerint, atq; ex his
duabus disciplinae uis, prior illa naturæ magis con-
sentanea est. Posterior etenim ea est, cuius usus in
aduersarios potissimum, ac odiosos nobis est, eosq;
qui uirtutibus illis debitis adhærere recusant, quam
quidem uiam quis nuncuparit, tum uerberibus, tum
uerbis asperioribus castigatricem. Neminem aut late-
re debet huic posteriori uia, inter ciues huius. R. P.
præstantissimæ locum non esse, sui autem quoquo-
modo esse intelligatur, non saltem summo illo puni-
endi genere, quod bellicæ artis proprium est, officijq;
militaris. Atqui nonnullæ aliæ gètes improbæ adeo
existunt, minimèq; uirtuti parentes, quarumq; mores

inhumani sunt, ut nulla alia ratione institui possint,
nisi cum illis confligatur, ut uirtutibus obsequantur.
Vtranz; igitur harum uiarum quibus uulgus corri-
pitur, naturæ haud absimilem esse manifestum est,
ducto à patribus familias exemplo, qui, et corripiūt,
et increpant. familiam suam, pueros, adolescentes,
seruos perindeat que non probarum ciuitatum custo-
des, suos ciues, tum conuiuijs, tum fustuario, tum capi-
tali deniq; pœna, coercent. uerumenim uero Rempu,
illam, de qua nunc nobis sermo est institutus, rarissi-
mè continget illa castigatrice uia uti. In externos
uerò opus quidem est, ut huiusmodi uia adhibea-
tur, utpote cum rebelles populi non nisi bello emen-
dari possint. Similisq; ratio est in legibus, quæ ab hu-
manis legibus non discrepant. Quemadmodum no-
stra hæc lex diuina, cum uia ipsa, quæ ad deum glo-
riosum ducit, sit duplex. Altera quidem, quæ sermo-
ne, atq; oratione nititur. Altera, quæ armis. Sed cum
hæc particularis ars, non nisi morali uia tutò perfi-
ciatur, qua scilicet maximè ad id, quod decet, acce-
dimus, habita tamen, & temporis, & modi ratione,
hæc certè ipsa uirtus fortitudo est, quæ circa ipsa ea-
dem in optimè instituta Repub. ad huiusmodi officiū
adducit: quæ tamen opus suum perficere posse non
uidetur aliter, q̃ arte illa propria addita. Id quod in

pluribus moralibus uirtutibus, artibusq; operarijs
 perspicitur, multæ siquidem uirtutes artium gratia
 acquiruntur, uicissimq; artes non paucae ob uirtutes
 repertæ sunt, estq; quod Aristoteles sensit de præ-
 stantissimæ Reipub. bellis, ut Alpharabius memorat:
 quod tamen à Platone hoc in libro dictum uidetur
 non in eum sensum, ut hæc ars ad eum finem adin-
 uenta sit, uerum ob necessitatem: hoc scilicet præci-
 pio instituto, ut ab alijs ciuitatibus rapiant eas fa-
 cultates, quas ab eisdem possideri molestè ferant, idq;
 certè propter necessitatē, aut q; ita satius est. proxi-
 mū etiam propositū esse possit, ut id custodiæ causa
 faciant, ne exteri illis incōmodent: quæ sanè senten-
 tia probabilis est, si hominū genus quoddam dare-
 tur, quod procliuē ad hūanas perfectiōes, contēplati-
 uas præsertim, esset. quod ipsū, etsi Plato de græcis
 opinari uidetur, eosq; recipimus plurimū natura ad
 recipiendā scientiā habiles, negare tū nō possumus,
 alios quoq; & multos ita affectos repiri: ut in propin-
 quis Græciæ natiōibus uidere est, nec nō in regiōe no-
 stra uādalia Samiaq;, atq; Egipto, certè tū in Græcia
 hoc ingenū frequētius est. Verūtamen, ut id cōceda-
 mus, possumus amplius dicere, in alio uirtutū genere
 nihil ob stare, quominus aliqua alia natio natura pa-
 rata sit (ut sit plærūq;) ad certam aliquā uirtutem, ut


B ij

uerbigratia, pars scientiæ capax in grâcis præstan-
tior, in Gallis, aliq; huiusmodi gentibus iracundia;
& quidem locus hic eximiæ quæstionis est. Cum ubi-
cunq; pars illa scientiæ addicta polleat, ibidem eò;
& uirtutes appositiores, præstantioresq; sint, idq; na-
turali præstantia. Vt cunq; uerò res se hæat, ita in ma-
iore gentium parte comparatum est, ut per eas gen-
tes uirtutes huiuscemodi dispensentur, diffundan-
turq; præsertim hoc in quinta, quartaq; regione (cli-
ma ali uocant) quæ reliquis temperatiores sunt. Idq;
pro Platone facere apparet, qui dicit homines eiu-
smodi uirtutibus præditos esse posse, si à teneris (ut
aiunt) unguiculis in illis fuerint, et educati, et uersa-
ti. transactis uerò his annis, si uirtutes has ex-
cluserint, nulla amplius ad eas spes relicta est.
Igitur neq; obuirgatio, neq; pœna in eos, qui iam
sunt proeectiore ætate, et non in studiosa admodum
administratione educati, aliquod momentum habe-
bit, rerum quandoq; id necessario fit ad liberos
eorum ui auferendos, qui uirtutibus instituuntur;
neq; uerò fieri non potest, ut à q̄ plurimis, quorum in-
uenilis ætas est transacta, uirtus aliquatenus acqui-
ratur, idq; in primis, & si non sint in ea institutione
educati, quæ uirtuti est maxime proxima, quod si ne
id quidem eis cōtingat, tunc eis ut alterum istorum

accidat necesse est: uidelicet, aut interficiantur, aut
 seruiant. sintq; in repub. propemodum loco animan-
 tium irrationalium. Itaq; cum ex superioribus cla-
 rum sit quodnam propositum sit iusti belli, non ab re
 nunc uidebitur ad singula quæq; sermonem transfer-
 re, quæ a Platone de eligendis ad huiusmodi uir-
 tutes aptis, disputata sunt, et qua sagacitate, in illo-
 rum animo uirtutes ipsæ confirmetur, easq; ipsi exer-
 ceant in hunc modum, ut proficiscentes ab illis uir-
 tutibus actiones optimæ sint. Ac Platonem quidem
 ipsum censere opinamur, neminem in ciuitate plusq;
 una arte debere institui. Quippe cum nemo unus na-
 tura idoneus sit ad plures artes. Ad hæc, habitum
 ipsum artis sic melius adipiscitur, quiniis, quò perfe-
 ctum opus artis efficiat, si a pueris in ea fuerit edu-
 catus, ac si nemo in æquestribus ludis, atq; congres-
 sionibus illis armatorum æquitum hastis infestis con-
 currētium id efficit, quod optat, nisi in utraq; re usq;
 a pueris exercitatus assidue, ac planè institutus fue-
 rit, quantò minus in arte militari id consequetur?
 Adde etiam complures artes, & rationem, & tem-
 pus inter se communicare, quò necesse est conse-
 quens, ut eorum, qui plures artes aggressi sunt per-
 turbentur, implicenturq; opera. Eoq; est Plato opina-
 tus custodes, reliquarum artium expertes esse de-


B ii

bere, neq; non eius potissimum natura debere eligi
ad huiusmodi officiū, cui cum corporis robore, insit
etiam mouendi uelocitas, sensus perspicacitas, adeo
ut simulac senserit aliquid, quod in rem sit, accurrat,
indaget, assequaturq; id ipsum q̄ celerrimè: ueluti est
natura uenatici canis, seu maris, siue fœminæ. utri-
usq; siquidem, et canis, & custodis par ingenium est,
quod ad ea spectat, quæ sunt custodiæ necessaria.
Atq; eæ sunt custodum, militūq; corporales affectio-
nes. Quod uerò ad animi mores attinet, eos natura
iracundos esse oportet. nam quicumq; est iracundiæ
expers, efferuescere non potest, atq; ita, neq; arcere,
neq; abigere hostem. Idq; in homine est haud secus,
atq; in reliquis animantibus: uideturq; quisquis est
his moribus tum corporis, tum animi natura prædi-
tus, utranq; rem ex æquo seriò, grauitèq; accipere,
odium uidelicet, et amicitiam. atq; in his tamen opus
est, ut duo maximè discordia cōcordi nectantur, iun-
ganturq; uinculo: quorum alterū est, ut maximo amo-
re, studioq; ciues prosequantur, alterum, ut, et maxi-
mo odio persequantur hostem. quid igitur, an fieri
non pōt, ut homo quispiā duabus his affectionibus in-
structus nascatur? præsertim cū rarus omnino custos
sit, qui non has duas cōiunctas habeat. Quod ipsum,
et si fieri non posse uideatur, fieri tamen pōt, quem



admodum in nonnullis animantibus perspicuum sit,
 ueluti in cane: qui cum acres, uehementesq; affectus
 habeat, natura tamen contrarios etiam admittit, cū
 nihil magis homini sit domesticum, ac māsuetum ei;
 qui cum ipso ludit, à quoue sit enutritus: ut è contra-
 rio ei, quem nō cognoscit, nihil infestius est. Dixit in
 super Plato, inter custodis mores esse, ut naturali
 quodam ductu diligat agnitos, quæ ipsa quidem na-
 tura philosophica est. Quoniam qui aliquid ob idi-
 ipsum, quod eius notitiam, aut scientiam habeat eli-
 git, hic natura probus esse uidetur, dum etiam quem
 ignorat odio prosequatur: non propterea tamē quod
 aliquid prius ab eo incommodi receperit, uerum na-
 tura ignorantia, qua cum ignorat, incitante: quem-
 admodum amor, quō prosequitur eum quem nouit
 inde est, quod ab eo aliquo sit beneficio affectus,
 scilicet cognitionis natura. uelut ita præcipiente
 quod, et in eo ipso animante, à quo paulò superius
 exemplum duximus, quodq; diximus custodi esse
 simile, uidere est. etenim, dum ignotum sibi quem-
 piam intuetur, malè afficitur quandiu est præsens,
 quanq̃ nihil antea mali ab eo acceperit: contra, si
 notum aspicit adblanditur statim, etsi nihil etiam
 ab eo commodi senserit. Hac autem lege prædixi-
 mus debere esse custodem, ut contrarios illos duos

B ii y



affectus consummatissimos habeat, quibus, & notos, qui ipsi sunt ciues deament, et ignotos, hostes scilicet exteros oderint. namq; et amicitia utilitatis alicuius causa, et inimicitia ob dānum, aliquod susceptæ perfacile cessant, indeq; efficiatur, ut inimici sint principes, et uicissim principes inimici. atq; id quidem per se clarum est, potestq; ex superioribus uideri consequens custodes, atq; defensores natura debere esse philosophos, uidelicet scientiam, seu cognitionem diligentes, ignorantiam respuentes, iracundos, motu ueloces, robusto corpore, perspicaci sensu. Ac rationes quidem, quibus institui, exerceriq; debent, duæ esse uidentur, Gymnastica. altera, altera Musica: & gymnastica quidem, ut corpus exercitatione ueram, solidamq; uim adipiscatur. Musica uerò, quò animus eruditione, uirtuteq; excolatur ipse, eiusmodi tamen eruditio, per musicam scilicet tempore prior existit. Quoniam quidem, quæ in intelligendo estabilitas, citior est, præceditq; quamlibet corporis aptitudinem, quæ gymnastica acquiritur. Intelligo autem per musicā poeticos sermones, concentu, numerisq; compositos, quibus ciues instituuntur, eaq; causa consonantiam inesse uoluit, quod tales sermones altius, magisq; animum moveant. Namq; ut iam superius dictum, poetica musica in-

seruit, ad illiusq; propositum se format. Sermones uerò, quibus ciues edocentur (ut dictum est) nonnulli de scientiis tractant, nonnulli uerò de rebus agendis, sermonum quidem illorum duo sunt genera, quorum alterum in demonstratiua, alterum in probabili, topica scilicet rethorica, et poetica ratione uersatur. Inter has uerò poetica erudiendis pueris maxime propria est, qui iam adulti, si idonei sunt, qui ad alium disciplinae ordinem sese transferat, ea certe iam ita sunt affecti, ut, si natura permiserit possint ad demonstratiuas disciplinas promoueri, quo in gradu sapientes sunt. At qui, si relictabitur natura, eo in loco restabit, quem transire natura non concesserit: aut scilicet in topicis orationibus, aut uulgaribus alijs duobus disciplinae generibus rethorico, & poetico, quamq; poeticum ipsum communius, pueris tamen magis proprium. Res uerò, quæ in contemplationem ueniunt omnibus ferè cōmunes sunt, nisi fortè cogeremur certi cuiuspiam finis gratia singularia, ac propria quædam fingere ob simplicem, seu incōpositam alicuius hominis intentionem, & opinionem. Idq; his præsertim conuenit, de quibus paulò antè sermonem fecimus, utpote, qui mortuos uiuere dicunt, alijsq; fabulis à uero alienissimis utuntur. In contemplatiōe uerò, quæ per uirtutem fingere licet,

ea iam narrauit Alfarabius in libro, quem de rerum
ordine conscripsit, quamobrem ab ipso petēda sunt:
quæ uerò supersunt ætina, in hac etiam scientia tra-
ctata ex his, quæ finguntur, ut dicetur, alia sunt ue-
risimilia, alia à uero abhorrentia, alia uera, alia fal-
sa, ut cum figura ex homine, & boue fingitur.
eiusmodi in hac Repub. figmenta recipi nulla debēt
quod maximè perniciofa sint. Abhorrentia quoq; à
uero, quantum fieri potest summoueri debent. Est
tamen propinquis, ac similibus uero figmentis oīno
hac in repub. locus, quemadmodum, si primum prin-
cipium, et secunda deinceps principia, principijs simi-
libus ex ratione ciuili desumptis imitemur, operaq;
diuina operibus principiorum illorum ciuiliū: effin-
gamusq; potentiarum, et principiorum naturalium
æctus similitudine quadam uirium, ac artium uolun-
tariarū: similiterq; harum intellectiones sensilium si-
militudine, ut materiam per priuatiōem, et tenebras
uelut depingimus. Nec minus ultimæ fœlicitatis ge-
nera, quæ ipsa æctiōibus uirtutum humanarum finis
est his bonis, quæ apud nos summa esse uidētur, utq;
uera refertur fœlicitas, eò quòd fœlicitatem esse cen-
semus. Atq; ut paucis dicam, quasi ob oculos series,
gradusq; rerum omnium in uniuerso exponuntur si-
militudine, ac propinquitate quadam localis, tempo-

talisq; ordinis. enimvero Platoni uisum est pueris
 nihil perniciosius esse posse, q̃ si in hac ætatula, falsis
 fabulis imbuantur: quandoquidem eo ipso tempore
 maxime proclives sint ad quasq; uelint fictiones
 concipiendas. Quocirca eo imprimis tempore ca-
 uendum est, ne falsa audiant, atq; iam inde ab edu-
 cationis exordio potissimum custodiantur, quippe
 cum sit actionis cuiuslibet initium apprime efficax.
 Cauendum quoq; est, ut inquit Plato, ne, aut exer-
 ceantur, aut assuefiant absurdissimis fabulis. idq; di-
 ligentius, q̃ si tenera eorum corpuscula niuib; com-
 mittantur. Statim igitur nutricibus tradamus, si-
 mulq; dum sunt paruuli, pro tempore erudiantur,
 moxq; hinc ipsi paulò maiusculi ad sacras ædes, et
 sacrificijs dedicata templa abducantur. Turpes si-
 quidem, mendacijsq; scatentes sermones, ad finem
 optimum eos perducere nequeunt. Et Plato quidem
 his tractandis commemorat quæ suo tempore in usu
 eant, admonetq; ne illis ipsis adhæreant. Nos quoq;
 ipsi eum in hoc genere sequemur, ac narrabimus id,
 quod apud nos uulgò committitur.

Dicamusq; inter absurdas huiusmodi fabu-
 las, ut scientijs speculatiuis est demonstra-
 tum, hanc quoq; esse, quam passim uulgus agitat,
 boni pariter, atq; mali deum causam esse, cum mani-

festum sit puram; simplicemq; bonitatem nihil ullo
tempore mali facere, atq; ideo illius causam non esse.
Id præterea, quod nostrorum temporum Theologi
dictitant, bonum, & malum comprehendere in deo
optimo maximo non posse. quin etiam quod omnia
ad ipsum relata opera bonum quiddam sint, manife-
ste absurdum est. propterea quod, si ita esset, tunc
nec bonum, nec malum naturam in se definitam ha-
beret, sed esset boni & mali quasi quædam ex re-
spectu consideratio: malum itaq; ad aliud debet prin-
cipium referri, ueluti ad Asmedai cacodæmonum
principem, aliosq; similis naturæ dæmones, etsi si etia
huiusmodi ex alia ratione existant praua, nempe si-
quidem, quum puerili ætate quis acceperit esse dæ-
mones quosdam, qui parietes in homines euertant,
nec ullo possint obice cohiberi, tum qui cum uideant,
minime uideantur, et se quodcumq; uoluerint of-
ferant, transformenturq; qualicumq; figura. tum pro-
fecto uerendum est, ne custos optimus ille possit effi-
ci, eo quod sermones huiusmodi in puerilibus ani-
mis mollitiem, pauoremq; conciliant, confirmantq;.
Nec paulò turpius id ipsum est, quod dicitur transfor-
mari angelos uariè, quod ipsum inter miracula repo-
nendum est. Ideoq; magis conueniebat ad rationem
figuratæ materiæ malum referre, ut qui, uel ad te-

nebras, uel ad priuationem illud referunt. Multa autem malorum genera sunt, quæ ad deum referri sunt solita. at ea quidem illum non fallunt, qui huiusmodi multa in legibus perspexerit. Inter commenta quoque praua connumerabitur cōmentum fœlicitatis ipsius: ex præmio operum, quibus fœlicitatem acquiri persuasum est, necnon ex mercede ab his operibus abstinendi, quæ fœlicitatem minimè inducunt. Sic namque dolor uelut pœna est inflictæ negligentiae probatum actionum, ac studio prauis actionibus nauatorum: nam si quæ figmentis similibus acquiruntur uirtutes, uitia potius quàm uirtutes uideantur, uti sanè continens non aliter à uoluptate se contineret, quàm ut maiore aliquando fruatur, nihilosecius, et fortis, propterea fortis non est, quod bonam esse mortem censuerit, sed metu mali alicuius grauioris. Similiter neque iustus abstinet à reliquorum hominum facultatibus, putans id ipsum per se honestum, uerum ut postea duplo amplius consequatur. sic itaque ad cōplures egregias uirtutes instinctu uitiorum ageretur. Sic ergo maior figmentorum pars, quæ uirtutis mercedem exprimunt (ut inquit ipse) sensibilibus illecebris explicata est, ita certe, ut iustus sit quispiam, fortisque, et uerax, uirtutibusque quibusque præditus, ut Venere donum, et cibo, et potu fruatur, quod minimè eum fallat,

qui disciplinis se exercuit. Et sanè quidem impressus
animo ab huiusmodi fictionibus affectus, haud dissi-
milis est ei, qui ita cuiuspiam animum affecerit, ut se
ille tantum cohibeat: at nihilominus in illo nihil ine-
rit uirtutis, uerum fœlicitas ex his operibus parari
credendum est, quibus par est, quo modo sanitas ex
cibis, medicaminibusq; sequitur. Idē quoq; de pœna,
ac dolore sentiendum est eodem modo, illa causam
suam sequi, quo sequitur scientia disciplinam. Quo-
circa, si ita beatitudinem effinxeris, ut sanitatem
animi esse facias, ipsiusq; immortalitatem, erit pro-
fectò sermo huiusmodi non absonus. Inquit insuper
Plato custodibus, qui fortes, pugnacesq; futuri sunt,
nihil planè eorum, quæ post mortem futura, & offen-
sura feruntur, formidinem incutere. Nam quisquis
imaginabitur talia, non præferet, siquando pugna
accidat, mortē captiuitati, aut seruituti: eoq; sermo-
nes eiusmodi procul omnino à contēplatione reijciē-
di sunt: quin etiam ab actione illi, quicunq; ad uitia,
aut turpitudinē cōcitant, sunt excludendi: quā rōne
à muliebribus cantiunculis, ut ne eas audiant absti-
nendum. Eodem modo nec cuipiā credēda est mors
amici, aut socij quiddam esse, quod tristitia, aut mo-
lestia mortuum illum afficiat, aut ob mortem cuiq;
damnum esse, proptereaq; sit in luctum maximum,

ciulatumq; erupendum. At uerò longè aliter custos
 se habere debet, ut qui nihil penitus tristetur defun-
 cto quouis amico, uel affini : aut saltem, si qua tristi-
 tia attingitur, ea ut minima sit, ac uelut, si quid lu-
 ctuosum est ei contingat, ferat id ipsum æquo ani-
 mo. nam flere, muliebre, abiectiq; planè animi offi-
 cium est, quod utrunq; est à natura custodis ualde re-
 motum. ideoq; neq; Prophetis, neq; Magistratibus
 formido, aut metus conueniens : quemadmodum in-
 quit Plato, eos ipsos in risum, atq; cachinnos profu-
 siores esse non debere. nanq; si quis animum ueheme-
 ti risu soluat, nō modicæ obnoxius erit mutationi, ut
 à cōtracta iā consuetudine eximatur, quo certè pro-
 bari possit sūmæ authoritatis uiros nō debere esse in-
 immodicū risū propēsos. Ad hæc inquit quoq; Plato
 ueritatē plurimi faciendā esse, magnāq; de ea curā
 habendā, ac sollicitudinē. Mendaciū etenim, ut nō di-
 uino numini, ita nec regibus, nec priuatis hōinibus cō-
 uenit, quo nullo mō assuefaciēdū. Ampliusq; quisquis,
 aut artifex, aut alius mentiens deprehēdatur, statim
 dare pœnas debet: ac uulgò dicendū est, q̄icumq; quis
 ex plebe magistratibus mentiatur, nō aliter sibi dā-
 num consciscere, q̄ ægrotū medico falsa narrantē:
 contra uero, qui Remp. administrāt possunt honestè
 nōnunq̄ mendacium dicere, quēadmodum ægrotis ē

medico, qui pharmacum porrigit, dicitur. At qui, uti
qui pharmacum exhibet Medicus est, sic quoq; qui
in negotio regni populo mendacia subiicit, Rex est.
quæ mendacia in instituendis ciuibus persæpe neces
saria sunt, neq; ullus est omnium legis latorum, qui
non mendacijs utatur, idq; populo est pernecessariũ
ad suam felicitatem adipiscendam. Ante omnia au
tem caueri debet, ne sermones uoluptatem prouo
cantes inter eos audiantur, cuiusmodi sermones in
Arabum carminibus frequentes sunt, ea autem au
diant, quæ à uoluptatibus potissimum auertant. Tem
perantia namq; (ut Platoni uisum est) est cum conti
nencia, & abstinentia illecebrarum sensualium con
iuncta: ut post hæc ex illius uerbis enarrabitur. ope
rum uerò Temperantiæ hoc demum præstantissimũ
est, superioribus suis fideliter obtemperare, ac uo
luptatibus dominari, non autem parere. Quocirca,
qui ad illecebras sermones alliciunt, nullis omnino
auribus permittantur, nec magis noxium quicq; co
gitari potest, quàm, ut magistratus, principesq; uel
minimo quidem tempore his illectamentis capiãtur.
Nec certè potius sit eos sermonibus assuescieri, qui
ad congerendas pecunias, et rem acquirendam inci
tant, his enim artibus maxime (ut inquit Plato) quæ
stus officit, quin, et adolescentes admonendi sunt
ne hæc,

ne hæc, aut similia his audiant. Neq; uerò te lateat Arabica poemata nefarijs his rebus scatere: ob idq; perniciosius quicq; esse non potest, q̃ cum adolēscētes à pueris, hisce imbuti fuerint. hætenus igitur de fabulis. Plato autem rem magnam censuit ostēdere, quæ fabularum genera à custodibus non audiri debeant, distinxitq; quibus sermonibus illis utendum non sit. Atq; insuper dixit, narrationes, uel præteritarum, uel præsentium, uel futurarum rerum esse. Talis autem narratio, aut est simplex, aut quid fictum: et illud quidem rursum rem eam, quam tractat dupliciter explicat. nam, uel uoce, seu figura, ac transformatione quadam, uel imitatoris uerbis. Antiqua autem illa poesis prima uocis tantum sapius, et figuræ imitationem capiebat, donec tandem ad uerborum etiam æmulationem deuentum est: cuiusmodi sanè imitandi studium arti poeticæ magis appositum est, cum ea rationi orationis insit, non exteriori quidem rei. modò poetæ Arabes postremum hoc imitationis genus usitatissimum habent. Ac posteaq; genera duo orationum narratiuarum exposuit Plato. fingentiū, seu imitantium uidelicet, et simplicium, fingentium sanè id, quod narratur per figuram, ac similitudinē, cum talia apud eos tum imitandi genera ualidiora essent: perquisiuit etiam, num liceat custodibus imi-

tari: aut, si liceat, qualiter, quot modis, & quatenus id eis concedatur: planeq; ostendit, eisipsis non conuenire imitationem, utpote, cum in hac Republ. (ut dictum est) nemo, nisi ad unicam artem se conferre debeat: & enim hoc pacto in ea efficietur, et aptior, & melior. quæ etiam ratio in imitationibus eadem est, ut, si quis bene, ac perfectè imitari uelit, in unicum se imitandi genus tradat. Natura itaq; ingenio quosdam tulit ad uituperandum, quosdam ad laudandum summos: quod posterius de quodam Benaltas Arabo dicitur in laudando eum, non in uituperando ualuisse. Et siquidem nõ eis conceditur imitationis quouis genus, non tamen idcirco necesse est, ut unico in genere imitandi uersentur, si eis decretum sit imitari quicq;. Id quidem à pueritia, quod eis conueniat imitentur, ueluti similes se fortibus facere, nec non tēperatis, ac liberalibus, similibusq; his, uitiosis uerò haud licet: quandoquidem imitationes, si à teneris annis cœptæ continuentur, abeunt certè quidem in naturam, atq; habitum: atq; id quidem non secus in animo, q̃ corpore. quocirca nec præstantibus illis, ac summis uiris concedendum est, mulieres parturientes imitari, eoq; in dolore uociferantes: neq; uerò concumbentium, aut rixantium cum uiris, dum se

maximè dominio dignas contendunt, morè eos
imitari decet, earumq; , aut eiulatum, aut fletum,
seruòsue, aut seruas æmulari laudabile est: sicuti,
neq; ebrios. Neq; uerò id solummodo, quin etiam,
neq; eis permittemus Coriariorum, uel Calceario-
rum artem imitandam, sed ne aliam quidem quam-
libet artem. non minus enim deforme sit, si huius-
modi artes studeant exprimere, q̃, si ipsas uerè
exerceant. quantò igitur minus, aut equos hinnien-
tes, tauròsue mugientes, fluuiorumq; , aut strepitum,
aut murmur, maris fremitum, fragoremq; , ac toni-
trua eos agere sit tolerabile, quia enim id totum
meræ insanix est. Ad hæc id quoq; dicere iuuat,
ut assolita Arabibus carmina, quibus solent hæc
nugarum genera effingi, abiici procul debere.

Quapropter huius Reipubli. poetis non cuiusli-
bet rei permittenda est imitatio, idq; compluri-
bus de causis. prima est autem, quoniam quando-
quidem illius imitatione actio erit exactissima,
ut sit etiam in artibus, qui unam tantum spe-
ciem exercuerit. proxima est, quòd res turpes, aut
quæ nullius sunt ad inflāmandum, uel deterrendum
efficaciæ, quales innumera propè in arabico poema-
te, has inq; , aut imitando exprimi, aut referre huic

C i i

Reipub. non est consentaneum: quanq̃ etiam illis nō-
nullarum mulierum probarum quidem, et orationes,
et ea, quæ ad exemplum pertinent, referre conceda-
mus, uirtutesq̃ ipsas, quæ in moribus sunt imitari. et
quod in poetis cauemus, id etiam in pictoribus huius
Reipub. curandum est, ne temerè quidlibet pingant,
præsertim ne uitiosos homines, sed probos oīno: uti,
et puerorum, et adolescentium ex pari auditui, ui-
suiq̃ consultum sit, ac pulchri quauis ratione ætus te-
neris animis affingantur, ueluti, qui salubri in loco
morā fecerit, oībus quæ hic sūt iuuabitur, suauis aura,
florū fragrantia, herbarum salubritate, alijsq̃; id ge-
nus plurimis. Hæc utiq̃; est summa eorū, quæ de fabu-
lis, quibus instituendi sunt custodes, disseruit Plato.
Deinde autē aggreditur, quonam genere musicæ,
cum illis simul fabulis, disciplina illorum instruenda
sit: ac melodia quidem (ut à Platone dictum est) si
orationem comprehenderit, tribus ex partibus con-
sistet, uidelicet consonantia, modulatiōe, orationeq̃;
ipsa modulatoria: ac, cum exposuit formulam oratio-
num earum, quæ modulos suscipiunt, superest, ut hūc
sermonem instituat, quo genere consonantiæ, quæue
harmonia utendum sit. Plato quidem censeret queru-
los modulos, ac timore afficientes harmonias mini-
me recipi, quemadmodum neq̃; hoc genere consonā-

tia modulata orationem: nihilo plus etiam eas, quæ
 diversis concentibus componuntur, quales in conui-
 uis frequentes, ac nuptiis esse solent. Tandem con-
 uenit, ut omnes reiciantur modi, qui genere ipso idē
 tidem sunt uariabiles, nam cuiusmodi uiri sunt in
 hac Repub. nō habent in rebus gerēdis aliquid ocij:
 si quod tamen genus illis conveniat concentuum, du-
 plex id quidem est: aut enim, quod animum ad forti-
 tudinem, constantiamq; in bellis inducat: aut id,
 quod animum apparet ad eas uirtutes suscipiendas,
 quas potissimum sectamur facile, tranquille, & quie-
 tē: quæ præceptiones certē actiua musica definiēda
 sunt, quas tamen Plato definit, uirorum ætate sua in
 hac ipsa arte celebrium exemplo, quæ certē his no-
 stris temporibus exoleuit. Neq; in ciuitate organum
 admitti debet, quo uti assuescat, cuiusmodi tibia, &
 multa alia id genus instrumenta sunt: sed iubet ille,
 & lyram, et citharā in ciuitate recipi, ac ut (inquit)
 rustici proprios aliquos mores habent, ita harmonias
 quoq; sibi peculiare. Est igitur in delectu ipso labo-
 randum, ut nos genus illud modulationis prosequa-
 mur, quo, neq; mulieres, neq; ociosi homines utantur,
 quinimō id sanē, quod fortitudinem animi, atq; ma-
 gnitudinem conciliet, eamq; rem, quam quisquis in
 primis concupiscat, assequi: quod genus rhythmorum

Platonis tempestate cognitum, nunc nostra inuesti-
gādum sanè est. Censet insuper Plato, si ex ciuibus
eligantur, qui natura ipsa ad hascè uirtutes accom-
modati sunt, ac in musica ipsa quasi educuntur, fore,
uti ipsi ad consummatam temperantiam, fortitudi-
nemq; atq; animi constantiam, ac liberalitatem per-
ueniant, amoreq; rerum pulchrarum, et studiosarum,
et iustitiæ quoq; qualicunq; forma, aut eleganti scili-
cet, aut turpi ipsi fuerint, incendantur, uoluptatesq;
maximè repudiant, neq; enim uoluptatibus, et tēpe-
rantia cōmune quicq; esse potest. Siquidem uoluptas
mentem hominis subducit, nec secus q̃ in furiosis fit
perturbat, quòq; est ipsa ualidior, eò id fortius, robu-
stiusq; agit ut gratia exempli, uoluptas, quæ circa
uenerea est, inter cætera incōmoda, hominem quoq;
dementissimum reddit. Igiturq; nullum esse potest
uoluptati cum amore musici cōmercium, immo ama-
bit ille ex ipsa temperantia pulchrum, atq; honestū.
habēt autem incontinentia, ac reliqua uitia cum uo-
luptate affinitatem. At uerò, et qui amat, et qui ama-
tur (si rectè inter se perament) nihil omnino uolupta-
tis is amor continebit, cum nihil omnino hæc inter
se communicatum habeant. Sic igitur in rectè insti-
tuta ciuitate leges condi debent, quibus ciuium in-
ter se amicitia, et charitas ab ea nihil differat, quæ

inter parentes, & liberos intercedit, qui sanè quidē
musici operis finis est. Atq; Plato hæcenus de ipsa
musica, postea gymnastica, ac uictus rationis tracta-
tum aggreditur, neq; non earum rerum, quas uirtus
uendicat, non quatenus tamen uera uirtus simplici-
ter est, ut, et Galenus, & reliqui medici aiunt, sed
ea quidem ratione, qua ad ueram illam animi uirtu-
tem confert, quæ custodiæ potissimum est, estq; ipsa
equidem fortitudo. proinde ars ipsa gymnastica,
quæ huiusmodi custodiæ conducit, uictusq; modera-
tio non sanitatem solum corpori, sed animo etiam
eam uirtutem, ad quam sit paratus præstabit: ut sim-
plex quidem exercitium, supra quod corpori com-
modam ualitudinem comparat, præterea etiam ex
uiribus animæ iracundiam concitat, redditq; ualidio-
rem. Ideoq; in exercendo Plato præcipit, ut ne mu-
sicam negligamus, neq; uerò doceamus sine Gym-
nastica musicam. sola etenim musica animum ener-
uat, ac mollit, & maximè tranquillitatem, & re-
quiem conciliat, præsertim eo in genere, quod
delicatum est, et molle, contra gymnastica ani-
mum imprimis iracundum, atq; acrem efficit,
minimèq; suasorijs orationibus acquieturum: quin
habiturum potius omnem sermonem odio, ut in
his primatibus est perspicuum, qui intractabilis,

C iij

cuiusdam, ac rudis sunt ingenij, ea de re utraq; certè
illarum artium ex animæ uiribus ei, quæ est irascen-
di, officit, eiq; quæ ad philosophiam maximè accõmo-
data est, quousq; illarũ tẽpatura, ac cõmixtiõe quaddã
uirtus illa comparetur, quæ ad custodiam potissi-
mũ spectat. Id autem tale est, ut custodes diligent
ciues suos, et consuetudine eorum capiantur, exteris
uerò uires suas obijciant. Maximè autem congruens
illis exercitium, simplex quidem, ac rectum, qualeq;
belli expeditionibus comparetur: cibi quoq; ipsi q̃ fie-
ri potest simplicissimi, qui præterq̃ quòd obuij, & fa-
cilè parabiles sint, corpus insuper robustius, quod
ipsum desideratur, efficiant. Huius autẽ generis car-
nes sunt, nec temperaturam æquabilem, nec modum
excedentes, holeraq; cibus simplicissimus, utpote qui
aqua, & sali, ac oleo incoquatur. nam siquando alio
fortè ciborum genere usi postea priuentur, facilè in
castris grauissimis morbis corripiantur. haud secus
in exercitatione sentiendum est, q̃ in ratione uietus,
animiq; affectibus: ne his cõsuetudinibus adhæreāt,
à quibus siquando discedere cauentur, ægrotandi
causa impendeat. Nam (ut inquit Plato) uiri eiusmo-
di necessariam corporis salubritatem opus ita habēt
perinde atq; canis perspicaci uisu, auditu expeditissi-
mo, ac sagacissimo ante omnia indiget. Idcirco, &

illi maximè ab ebrietate caueant: neq; enim cuiq; minusq; custodi ebrietas conuenit, ridiculum enim esset custodem custode indigere. proinde, et temulentia, et uaria etiam obsonia his ciuibus fugienda sunt, bellaria præterea, condimēta, et alia id genus. Circa rationem itaq; uictus, et exercitiij, non aliter q̃ musicam se habeant, ut scilicet in utraq; simplici genere utantur. nam, ut multiplex, ac uaria musica in animo uitia plurima parit: itidem, et gymnastica nō simplex in corpore simul, atq; anima ægritudines excitat. Ac musicæ quidem imperitia, ac uehemens gulæ malum in ciuitate si augeantur, indigebimus, ob id frequenti, et Iudicum, et Medicorum opera. neq; certè quidem, aut maior, aut uerior de affectibus ciuium uitiat, corruptaq; opinione coniectura haberi potest, q̃ si medicis, iudicibusq; opus sit, qui ipsi quidem per se nulla dignitate, aut honore censentur, nisi ob necessitatem: quantoq; magis hæ duæ corpori necessariae sunt artes, quoq; magis florescūt illæ, & uigent, eò longius ciues absunt à recto. Est ergo consequens, ut Reipub. huic proprium sit, neutra istarum artium indigere, nec ullum omnino, aut medicum, aut iudicē postulare: nisi fortè una uoce, diuersa significemus, differantq; illæ ab his, quibus nunc in ciuitatibus utimur. nanq; ciuium alimenta

si modo, si ordine, si tempore, si genere temperata
sint, eodemq; modo exercitatio, cōsentaneum est ita
institutos non habere opus tot medicis, quot hac tē-
pestate nostra, et retroactis etiam temporibus usi su-
mus. Siquidem Plato existimat genera hæc morbo-
rum in ciuitatibus oborta, noua quidem esse, neq; du-
rante Aesculapij dogmate iam extitisse, nouaq; pe-
rinde nomina illis fuisse imposita. ac morbos quidem
eos intelligit, quos mala materiae temperatura ef-
ficat. quod genus sunt abscessus, et febres, cæteraq;
eiusmodi. Atq; sanè hoc mō nullus aduersus hæc mala
in hac Rep. medicaminis usus erit. quod, mea quidem
sententia de his medicaminibus intelligendum est,
quæ non ad exteriores morbos conferunt, uti uulne-
ra, luxationes, fracturas, aliaq; id genus. Est tamen
super hæc nonnunq; etiam medicus necessarius, puta
siquis magno aliquo, nec tolerabili uitio deformatus
nascatur, uti dignoscat curabilis sit illa naturæ cul-
pa necne, quò alium quidem curet, alium morti desti-
net. Quanq; ut possit quis medicamine sanari, atq;
ita uiuere, nullo tamē in ciuitatis munere postea uti-
lis sit, illum inter debiles, et uitiatos Plato annume-
rat, quoniam qui nequit in ulla uirtute consummatus
euadere, ille certè nihil refert, ut curetur: Quæcūq;
quidem res finem suum, cuius gratia est facta, indi-

pisci nequit ipsa prorsus sit ne, an non sit nihil inter
 est. quapropter Socrates haud immerito mortem
 uitæ prætulit, cum præuideret uera hominis uita, ac
 studiosa se frui non posse. Ad hunc modum, cum ita
 q̄s natus sit, ut huius Reip. sit particula, ac munus ali
 quod in ea exequatur, si nullum officij sui usum esse
 posse animaduertat, tum demum uita equidem mors
 potior est. Nō dissimiliter quoq; id membrū, quod, et
 putridum, et inutile est solent medici amputare, uti
 digitos, dentes putrefactos. Ad hoc tales homines, si
 in ciuitatē recipiātur, similes sui, ut sæpius fit, ac inu
 tiles nasci faciant. quod ipsum potes in manualibus
 artificibus percipere, qui, cum ægrotant à medico
 pharmacum petunt, quo, uel aluo soluta, uel uomitu,
 aut uenæ sectiōe euacuentur, ut citius artis suæ opus
 repetant. quod, si ille præstiterit, obtēperant ipsi eius
 mandato: at, si longius quoddam regimen iniungat,
 quo uidelicet diuturniore cura, ipsi diutius à consue
 to opere cessant, recusant profectō, ueluti superua
 cuam uitam suam existimantes, nisi ipsi munere suo
 fungātur. cōtrā uerō ociosi, et inertes nihilominus
 uitæ cupidi sunt, et si insigni aliqua labe, atq; uitio no
 tati sint. Qui autem uitio in aliquo nati possunt ni
 hilominus non adhibita cura uiuere, nulla tamen
 in Reipu. re robori, ac firmitati conferant, debeant.

admitti, an interim questionis est. At qui eos ad aliquem usum ciuitatis tolerandos putant, nihil equidem dicunt. Est itaq; huius necessitatis medicum in hac Repub. non inutilem fore: ut uidelicet externas ægritudines curret, ac naturæ defectū à non naturali dignoscat. Quin, & alioqui uideri possit medicus huic Reipub. necessarius: ut ciborum, & modum, & ordinem definiat pro singulorum quorunq; differentia, temporisq; ac regionis, idq; coniectura duce, quam ab experientia adeptus fuerit, ideoq; medicus professioni nunq; sufficiet, nisi præter artis ipsius studium, ac disciplinam, plurimis in morbis uitisq; periculum fecerit, eoq; cum in seipso, tum in alijs usus fuerit, et enim ipse, si aduersis morbis laborauerit. assequetur inde cognitionem, quam ex aliena ægitudine percipere nō possit. Estq; in hac Repub. quāobrem sit necessarius iudex: ut certè qui uitiosus sit natura, neq; curabilis idem consideret, hic autem est qui sit disciplinæ, quæ animū respicit minimè capax: quem certè perimere iudicis officium est, quemadmodum eum, qui sit ad disciplinam idoneus, instituere. Nec sanè, nisi diuturna, longaq; peritiæ artis suæ iudex notitiam assequetur. prauitatis enim causas ita demum agnoscit, si in alijs perquisitas deprehenderit. Ac inter reliquos eius mores hic non postre-

mus est, ut ne sit prauī animi, quin à teneris annis re-
 eta illa, & simplici musica institutus. Neq; non tamē
 iudex à medico differt. nam medico quidem, si cor-
 pore ægrotauerit non officit: iudex uerò, qui prauī
 fuerit animi, nemo unq̃ bonus, peritusq; erit, cum ani-
 mi illa peruersitas, neq; uirtutem, neq; seipsam co-
 gnoscit: uirtus uerò, & se, et alterius cuiusuis mali-
 tiam longo experimēto internoscit. Hinc quoq; per-
 spicuum, est iudicem haud dubiè senem esse debere:
 siquidem adolescentes id quod bonum est solū co-
 gnoscunt. quod de adolescentibus intelligi uelim,
 qui, & ingenuæ illi musicæ, probisq; poematis sint af-
 soliti. Quibus sanè quidem ratioibus demonstratum
 esse arbitror, et iudicia, & medicinam in hac Repu-
 esse posse. His explicatis Plato narrare aggreditur
 quibus moribus custodum illorum principem ornatū
 deligamus: eumq; debere esse dicit custodum omniū
 præstantissimum, utilitatisq; & disciplinæ ciuium cu-
 pidissimum hoc autem ita demum accidet, si in quē-
 piam hæc omnia conuenerint, quorum primum est:
 ne unq̃ à grauissima illa sententia quocunq; modo,
 nec metu, neq; dolore, neq; errore inuitus dimouea-
 tur, aut illecebris ullis peruertatur, sed nec obliuio-
 ne, quæ ex maximo temporis interuallo imminet.
 Opinio nanq; duplex, scilicet, & quæ uolētibus ela-

bitur, falsa scilicet, nam unusquisq; quod malū est lu-
benter abiicit: altera est, quæ inuitis eripitur, uera
ipsa quidē. quis enim mortalium non inuitus boni ali-
quid amittit? Sed adimitur quidem hæc sana opinio,
aut ui aliqua ingruente, aut erroribus, aut præstigijs
quocirca ab eo genere errorū cauendum illi est, nō-
dum opinionis sententiāq; suaoblito, qua sibi persua-
sum habet ea agi oportere, quæ maximè Reipub. con-
ducant, dandaq; opera, ne in eo ipso aliquando falla-
tur: hisq; maximè illi assuescendum est, quæ animum
à uoluptate auertunt, rebusq; timorem incutiētibus,
et sermonibus huiusmodi nihil moueatur. Quisquis
igitur eorum, ita penitus affectus fuerit, nunq̃ de sen-
tentia decedet, constabitq; suo in arbitrio, non secus
q̃ ipso in igni aurum purissimum. Atq; is sanè est, qui
dignus sit, ut Reip. imperet eamq; custodiat, cui uiuo,
et mortuo honores habendi sint, necnon cuius sepul-
chrum, ac funebria ornentur, laudesq; quæ splendi-
dæ in funere dici solent, procurentur. Super hæc autē
reliqua, quæ in principibus desiderantur ornamenta
uirtutum, quæ tum in moribus, tum in animi quadam
facultate (quam speculatiuam uirtutem dicunt) post-
modum explicabimus. Et quidem in hac Repub. prin-
cipes planè sapientes sunt, quibus etiam ultra sapien-
tiam, cum illæ uirtutes, tum aliæ insunt, quas enu-

merabimus. Quandoquidem uerò fieri potest, ut inter custodes nascatur custodiae minime idoneus, quanquam id quidem rarò, ita nec desperandum est, ut in reliquis ciuibus aliquis ad custodiam aptus exoritur, etsi hoc quoque perrarò accadat, imprimis ubi inter similes, uniusque generis matrimonia contrahuntur, uidelicet custodum inter se, atque aliorum, ut agricolarum cum alijs sui generis: namque omnes ad id, quod agunt natura prompti sunt, atque habiles, sic enim filiorum natura, ut plurimum non dissimilis euadet quandoquidem (ut sit frequentissimè) parentes substantiam, similitudinemque suis liberis infundant. Sed quoniam nonnunquam (ut diximus) ea secus accidunt, neque quicquam huic Reipublicae perniciosius esse potest ad corruptelam, et uitium, quam ut cuiusuis actio immisceatur, eiusque natura ad illam inepta sit, ideoque Plato Reipublicae orationem proponit ad permutandos nonnunquam inter se custodum, et reliquae plebis liberos, ut de genere in genus adoptetur. Haec autem oratio est, Vos o egregij, probique uiri medijs quidem in uisceribus terrae concepti estis, in eaque uestra aptitudine naturae cum ad arma, tum ad alia quaecumque, idque sanè quidem antequam essetis perfecti: tum enim cum perfecti fuissetis, uos quidem terra, communis parens, enixa est omnes fraterna

necessitudine coniunctos. Sententia igitur uestrum
omnium una esse debet, Reipu. in commune consule
re, eiusq; causa ita doctos, institutosq; esse, ut qui-
cunq; eam, aut inuadere, aut oppugnare tentauerit,
eo inter uos animo sitis, quo, qui fraterno inter se
amore accensi sunt, ut qui eiusdem genitricis terræ
nati sitis quid enim, nonne ex eadem parente geni-
ti omnes in hoc ciuium conuentu fratres estis? utiq;.
Deus autem optimus maximus uobis procreandis
quosdam principatui destinabat, quorum in procrea-
tione aurum immiscuit purissimum, quæ de re sunt,
et ipsi certè honoratissimi: at enim horum ministris
in ipsa generatione eorum ita prospexit, ut tempera-
turæ argētum inderet. Alia fuit inferiorum, ut agri-
colarum, artificumq; generandorum ratio, quippe
quorum nonnullis ferri aliquid insertum sit, alijs uerò
æris nonnihil. Itaq; postq; uos ita estis æditi, etsi eius-
dem omnes generis, ingenijs tamen, ac moribus di-
uersis discernimini: ac ita, etsi omnibus penè compa-
ratum est, ut sui generis, ac planè studio similes uo-
bis liberos procreetis, nihilosecius, quādoquidem ex
auro argentum, ac uicissim ex argento aurum pro-
ducitur, reliquisq; in generibus hoc modo, scilicet
ex ære, uel aurum, uel argentum oritur, et è contra-
rio, illud ex his deus principibus ipsis mandauit, ut
nihil

nihil æque, ac liberorum naturam, et ingenium current, et siquid eis deterioris immixtum sit naturæ extrahant. Quòd si illis fortè æneus filius nascatur, ne eius curam negligant, at uerò corripiant, corrigantq; quatenus in eum obiurgatione profici possit deinde opificibus, uel agriculcoribus tradatur. Rursusq; si ex obscuris istis contingat, ut aureus aliquis nascatur, aut argentus, eum honoribus. ac dignitatibus promoueant, in custodes, et auxilios transcribendo. Hæc ergo ille Rempub. curans præcipit. nam propheta siquando Rempub. interituram prædicit, id eo accidit, cum princeps illius custos, uel ferreus extiterit, uel æneus. Hæc igitur persuasio ciuibus ad huc pueris tradetur, ut aliæ. quoq; tradi solent illi ætati. Deinde locum habitandi custodibus maxime opportunū, et principibus Plato debere esse ait in sublimi, atq; unde ciuitatem omnem oculis subijciant, et quicunq; legi non obedire uelit ab illis puniatur: præterea ea in parte urbis, unde siquis aliunde hostis ciuitatem inuasit, eum facilius arcere possint, et ulcisci, et persequi. Ac postq̃ de habitatione differuit, quæsiuit, num par esset custodes proprium aliquid, seu habitatio sit, seu aliud quiduis possidere, quod cæteri non habeant: dicitq; quemadmodum nihil iniquius est, q̃ si à pastoribus canes custodes gregis ita

D

educuntur, ac doceantur, ut incitante, uel fame, uel
formidine, uel consuetudine, atq; instituto prauo in
gregem ipsum irruant, ac deuorent, aut quouis affi-
ciant incommodo, ut profectò ex canibus lupi effecti
uideantur. Similis, & in custodibus ratio est, nihil ab-
surdius esse, q̃ eos, ita deprauata natura fieri, ut suis
ciuibus sint incommodo, ac noceant imprimis, quòd
ciuibus reliquis, et potētiores, et ualidiores sint: quo
circa id ipsum maximè in illis ipsis Reipub. propugna-
toribus cauendum est. possit autē id quiuis faciliè ex
his, quorū nunc maxima in Rep. auctoritas est perspi-
cere. nā ut primū princeps tyrannus decessit, is scili-
cet, qui eos cohibebat, cōuertūt se potentiores illi ad
eos deuorādos, qui prācipui sunt, ac uelut reliquorū
pastores. Est ergo dāda maiorē in modū opera, ne ita
custodes affecti euadāt, ut nō solū optimi custodes,
sed ne ullo quidē mō custodes habeātur. Est itaq; ma-
gis consentaneū, ne quiuis eorū propriū aliquid seiun-
ctū ab alijs possideat. seu habitationē, seu supellectilē
seu aliud quidcūq; uolueris. Quæ uerò ad uictū, et in-
dumentā eorū attinēt, ea certè quidem tot, tantaq; ab
alijs ciuibus accipiāt, quot, quātisq; opus erit, ut nec
desit quicq; nec supersit. Auri uerò, atq; argētī usus nul-
lus planè eis cōceditur, quin admonēdi sūt hoc pacto
Satis uobis abundē esse debet, ò custodes, quòd diui-

num in animo donum continetis loco pecuniarum,
 neq; corruptibili illo auro uobis opus est. quid enim
 magis absurdum, quàm aurum id præstantissimum,
 quod uobis in genitura infusum est, auro isto morta-
 lium contaminare? et uulgus siquidem pecuniaria fa-
 cultate abutitur multa per inhonestà, et turpia: aurū
 uerò, quod uobis inest, immaculatum prorsus, ac purū
 existit. Sic igitur nec uobis fas est aurū aliud, uel ar-
 gentū acquirere, aut sub tectū recipere, nec quicq; hu-
 iusmodi pquirere, sed ne aureis quidē, aut argenteis
 poculis uti. Cur aut nociuū sit, custodes, bona quæuis
 aut pecunias possidere, eo est, quod, si, uel agros, uel
 domos, uel pecunias proprias hēat, uelut sibi ipsi quisq;
 possideat, cupiatq; in cōgerēda esse unicus inter oēs
 ciues quatenus possit, sicq; ut reliquos, et odio hēat,
 Et ab illis quoq; odio hēatur, cæteri; illi inter se eodē
 agitentur odio. neq; illis custodibus hoc mō ullū ma-
 gis necessariū bellū sit, q̄ ppter rem suam, nō ppter
 Rēp. tandemq; ipsis atq; ciuibus reliquis, quinēt ipsis
 inter se id inimicitiarū, odi, insidiarū mutuarū inter
 cedit, qđ in his nostris reb. pub. agētibus accidit. q̄
 sanē cā est nonnūq; ut in Rēp. ipsam coniurēt, illamq;
 cōficiāt, ac perdāt. ac, ut paucis dicā, ciues reliqui il-
 lis p hostibus erūt, ac uicissim nec secus ipsi q̄ hostes
 externi ciuibus erunt formidabiles: neq; si quādoq;

D η

cum exteris pugnant, uerum hoc certamen, & natura sua proprium erit, quippe pro possessionibus, pro seipsis, non pro ciuibus periclitabuntur. quanquam hi certe ciues ipsos libenter periculo eximant, si possint, hoc tamen libentius, siquid inde uelut mercedis à ciuibus recepturi sunt, quod hostes à fortunis ciuium repulerint. Super hac possessio etiam custodes impendit, retrahitque ab eo officio, ad quod penitus sunt comparati. quod si eorum agri, aut possessiones cuiusuis generis ab hostibus infestentur, tunc certe ciues non pro natura officij sui defendent, sed ex accidenti: pugnantque maxime, dum id bonorum suorum cura exiget, pugnam uero detrectabunt, si nulla talis impendeat necessitas. Neque quidem certe fieri potest, quin hoc eis accidat, si locupletes, et opulenti fuerint. Quam obrem si quales optimi esse possunt custodes tales eos fingamus, eos oportet nihil possidere, etiam si in possessione, et opibus aliqua uirtus, seu felicitas comprehenderetur: custodes tamen, ut custodes sunt diuites esse non debeant, cum non simpliciter quaeratur, ut probi, seu felices: sed ea tantum ratione, qua sunt custodes probi. seu felicitates. Verum enim uero, si quis ita obijciat, o uiri cum se iungatis opes à custodibus non animaduertitis rem optimam uos illis adimere, nepe illos hoc modo (ut Plato inquit) seruos, et inopes fa-

citis, et omni possessione exuitis: responderi potest, perinde nos facere, ac si quis (exempli gratia) dicat pictori humanam figuram pingenti, ne membrum corporis praestantissimum praestantissimo colore exornaret, nepe ita alioqui oculos, si pingendi essent, exornari debere colore purpureo, non nigro: at uero ipse persuasum habeat, oculi figuram non simpliciter speciosam esse debere, aut quolibet praestanti colore pictam, uerum eo colore, quo oculi actio significatur, expeditissima redditur. Quae quidem ratio in custodibus eadem est, ut non in eis desideremus simpliciter, atque absolutè felicitatem, sed quatenus custodes sunt. Id inquam ita intelligimus, si modò sumptus facienti modus, ac moderatio pro uirtute habeatur. Tandem, posteaque custodibus nihil esse possidendum probauit, ad artifices, & reliquos operarios orationem transtulit, quaerens num in hac Repub. huiusmodi hominibus ita permittenda sit possessio, ut ex sua arte, uel opera quæstum faciant, et sic acquirant sibi rem, atque augeant. Atque in eam ille sententiam conuenit, unam esse scilicet: quod ad congerendas opes attinet custodum, & reliquorum rationem, neque quicquam huic Reipub. deterius accidere posse, quam si uel inopiam, uel opulentiam sibi recipiat. Et quidem, si opificibus artem suam quaestuariam esse permittamus, ad eum

D in

finem dirigent, ad quæstum scilicet, et ad ea, quæ-
cunq; congerendis opibus conducunt: ita ut non nisi
casu quodã ciuibus suis utiles sint, sitq; eorũ ars non
ad id, quamobrem instituta est tractata, et agitata,
quin eius (quẽ diximus) quæstus gratia, quò necesse sit
peruersum iri, uerũ, legitimũ finem artis, ipsum ciuiũ
emolumentum. Illi insuper diuites facti, consequẽs est,
artem suã ut negligãt, ac contẽnant, et exinde otio,
ac desidia corrũpãtur, ut cũ necessitas artis suæ usũ
repetat, carius sua oĩa uendant, deterioraq; multo fa-
ciant. Propterea in hac Repub. Plato uoluit non lice-
re cuiq; aliquid seorsum ab alijs possidere, ueluti ex ar-
bitrio suo: prætereãq; neq; auri, neq; argenti usum ul-
lum esse necessariũ. aurum siquidem, et argentũ, quẽ
admodum in Ethicis Aristotelis ad Nicomachũ pro-
batum est, necessaria quidẽ sint in his nostris Rebus-
pub. propter rerum inter se permutandarũ difficulta-
tem, atq; molestiã, ueluti quasi mediũ quiddam inter-
cedant, rebus à se inuicem differentibus, quò æquitas
ea in permutatiõe conseruetur, in re planè, quæ agrẽ
admodum æquitatem admittit. Difficultas autẽ hæc
permutandi atq; inæqualitas est huiusmodi, ueluti si
agricola aratorio aliquo instrumento indigeat, nihil
certè habeat, quod Fabro ferrario permutet, nisi
quod ad uictum pertineat: quid autem si Faber fer-

rarius annona affluens indumento eguerit, aut aliquo alio genere, quo pacto inter istos permutatio contrahetur? nonne cogentur rem excogitare, quæ ui sua quasi res omnes comprehendat? quam cum colonus ille fabro dederit, & acceperit inuicem aratorium instrumentum, consultum etiam sit fabro ad eam rem, qua indigeat. Itidemque hoc ipsum in reliquis ciuibus eandem rationem habet. Congerent igitur agricolæ id frumenti, atque annonæ reliquæ, quatenus ad se spectat, quod, et sibi, et ciuibus necessarium est. Adhuc fabri ex sua arte, quæ ciuibus conducunt, curabunt: sic textores, sic architecti, structoresque. Et est in ciuitate genus quoddam numarium, ad quod uelut ad regulam frumentum, instrumentaque, et reliqua inter se et comparantur, et compensantur. Atque ita facile ciuibus omnibus communicantur, pro cuiusque necessitate, & comodo. De his autem artibus id intellectum esse oportet, quæ ipsæ necessariae sint, non quidem ad uoluptatem, et delectationem adinuenta sunt: cuius generis ars est unguetaria pictoria, sculptoria, et annulorum conficiendorum, aliaque id genus, quales in Rebus publicis nostris plurimæ usurpantur. In illa autem Platonica certum est nulla pecunia, ac nullo opus esse. Nec numerus quidem artificum ita temere in ipsa esse debet, ut nunc diminuatur forte, nunc crescat, eo modo, ut quandoque artes ipsæ aboleri possint,

ac deficere: ut in tonsoribus, et alijs, qui in Rebuspu.
nostris artes suas exercēt manifestum est. uerum sin-
gularū artium necessariarū, atq; utilium omnibus ci-
uibus, tot assumantur artifices, quot possint publicē
sufficere: ut in: agricultura, et textoria arte est faciē-
dum. Quæ uerò nō omnibus sed generi cuidam ciuiū
utilis fuerit, eius proportionē, ac rationē eorum, qui-
bus prodest, artifices numerabuntur. huius autem ge-
neris est, ars conficiendorum frenorum. Hinc quoq;
rationabile est, huius Reipub. ciuem nullum pro arbi-
trio, ac uoluntate liberis procreandis operam dare,
neq; cum qua uoluerit congregari, sed adhibito modo,
ac ratione, pro generis cuiusq; conseruatione, cuius
in Repub. certum, et definitum numerum esse uolu-
mus, ut postea dicetur planius, quo in sermone de cu-
stodum concubitu agetur. Postq̃ igitur ab hac Rep.
auri, atq; argenti usum exclusit, subdubitare uisus
est, qui hæc ciuitas aduersus opulentiam, atq; amplam
bellum sustentare possit, ac periculum uidetur, ne
amplæ illi ciuitati impar futura sit. Tandem respon-
dit, re diligenter considerata, contrarium potius ui-
deri. siquidem diuitiæ, opesq; possessores suos tum
contumaces, tum bellicæ rei imperitos, et expertes
maximè efficiant. quamobrem si quo pacto diximus,
custodes educati, institutiq; fuerint, et militaris, bel-

licæq; facultatis morem, ac experientiam induerint,
 ad quæ etiam naturalis aptitudo accedat, haud secus
 se aduersus diuites illos, et opulentos gerant, quàm
 lupo aduersus benè pingues, et obesas oues: adeò cer-
 tè, ut non sit alienum credere, cum duplo, triploq; plu-
 ribus illos congregi posse. Hoc sanè possit quis ex la-
 tronibus desertæ Arabiæ, et alijs huiusmodi fortibus
 uiris egenis, qui nihil secius opulentam quamuis, et
 diuitem gentem facile subiugāt, diiudicare. Id quoq;
 rex Arabum aduersus Persarum regē expertus est.
 Præterea quoq; huic Reipub. bellum, si quando con-
 tingat id, necesse est, contra ciuitatem unam, aut
 contra duas accidere. sed finge duas, eò certè faci-
 lius, quandoquidem missa in alterutram illarum ciui-
 tatum legatione, aut exhortabitur, aut deprecabi-
 tur, hoc modo: Nobis quidem ò uiri, neq; auri, neq; ar-
 genti usus ullus est, sed neq; id leges nostræ sinunt,
 quod ipsum uobis sanè fas est: uobis igitur, rationi-
 busq; uestris conferat, nobiscum aduersus alios belli
 societatem inire, donec facultates illorum, et pecu-
 nias diripuerimus, nonne certissimum est, qualiscūq;
 sit illa ciuitas, ab illa eos in amicitiam, & fœdera re-
 cipi. Enimvero si quispiam obicit, timendum esse, ne
 contracta amicitia, & percusso fœdere, parta etiam
 uictoria, actis prædis, cumulataq; pecunia, altera illa

ciuitas opulētior inde, ac ditior huic ciuitati nostrā
pauperi bellum inferat, ac forsā etiam superet: huic
respondet Plato, secus rem esse atq; opinatur ille,
cū nulla, ne cogitari quidē ciuitas possit uerē una,
præter hanc, quam condere conamur. Aliæ quidem
certē ciuitates quotquot sunt, etiam singulæ, multæ
quidem in se sunt, et uariæ, quamuis unius circumscri-
ptione loci capiantur. illis enim Reipub. administra-
tio curæ rei familiaris inseruit, nō rei familiaris cura
administrationi Reipub. quare in illis hoc unius ciui-
tatis nomen profecto est supposititium: in uera autē,
ac legitima Reipub. ac partibus eius ea est ratio, quā
in uniuerso corpore, et membris cernere est. partes
etenim corporis, ut sunt manus, pedes, ac reliquæ,
anteq̃ corpus uniuersum constaret, factæ eius parti-
culæ gratia sunt, quæ toto in corpore princeps est:
nostris autem Rebuspub. non is est partium consen-
sus in uniuersum. nam ueluti ui quadam inter eas con-
cursus fieri solet, eò scilicet ut singuli rem suam do-
mesticam curent custodiantq;: id quod minimè eum
fallere potest, qui aliquantisper in hac scientia uer-
satus sit. Et tandem Plato huiusmodi ciuitates bifa-
riam diuisas asserit, in pauperes siquidem, & opu-
lentas, atq; utroq; ex membro multiplices, ac uarias
prodire: et tum etiam, cū pauperibus. ciuibus eius

ciuitatis concessa fuerint bona diuitum ciuitatis
 eiusdem, non minus perniciosum, et exitiale bel-
 lum exoriturum in ea imperita ciuitate, quàm si re-
 uera duæ essent ciuitates inter sese pugnantes.
 Proinde hæc, quam instituimus, ciuitas ampla qui-
 dem spacio erit, ualorisq; ac roboris (ut inquit
 Plato) eximij, quanq̃ propugnatoribus duntaxat
 mille defendatur. de illis etenim hoc dicitur, ex
 eis uiginti omni negotio liberos, hostes ducentos
 uincere. Ad hæc, hæc ciuitas, neq; magnitu-
 dine quauis, neq; spatio esse debet, ex qua nu-
 merus hic bellatorum exeat: neq; tam exigua,
 paruaq; , ut finitimis populis sit facilis expugna-
 tu: neq; etiam uasta, ut in ea, et arari, et seri facile
 possit. At principes huius ciuitatis, puta de magni-
 tudine, et exiguitate ipsius constituere debere, nec-
 non de custodum, et cuiusuis artificum generis
 numero. Res enim in hac Repub. non aliter atq; in
 natura se habet. uelut enim humanæ actiones, hu-
 manaq; corpora non mensura quauis perficiun-
 tur, neq; exigua, ut in fabulis fertur Pygmaeos
 cubitalis, aut unius palmi stature esse: neq; ma-
 gna, atq; enormi, ut Gigantes olim fuisse ferunt.
 altitudinis sexaginta palmarum, hisq; similia mon-
 stra: uerum quædam certa magnitudine, qualis com-

pluribus in hominibus reperitur. Nec hoc tantum in natura perspicitur, uerum in artificialibus etiam rebus: sicut non ex quauis uocularum mensura in musica id harmoniæ resultat, quod musica sit cōueniēs. Quærat ergo fortasse aliquis, quæ ciuitatis huius, quantaq; magnitudo, quis custodum numerus esse debeat? cui equidem, eam rationem uariari pro temporis, loci, uicinorumq; populorum uarietate, atq; natura respondebimus, quocirca, ut de ea re constituat, proprium ipsius ciuilis coniecturæ est: quæ facultas experientia constat, et uniuersa illa, atq; generalia dispicit, quousq; singulis in rebus, ueluti materijs subiectis uersentur. At Plato quidem, dum, et temporis sui, et gentium finitimarum ratioem habet, huius Reipub. custodes, propugnatoresq; mille satis futuros arbitratur. In quem rationibus Calenus inuectus est, dicens, illam opinionem Platonis, si ad ætatem nostram transferetur, absurdā fore. Qua in re Galenus quidem, regni illius præstantiam, quod sua ætate maximum fuit, spectabat: at Plato uideatur quidem non ita sensisse, ut rem aliter esse nō posse putaret, sicuti neq; alijs in rebus, quas in uniuersum tractat, sed id tantum dixit, quantum, et ætatis suæ ratio, et generis uidelicet Græcæ conditio postulabat? quis enim aliter intelligere possit, cum hanc Reipub. ad-

uersus omnes mortales pugnaturam esse certum sit?
 Quod igitur Plato hoc non aduerterat minimè con-
 uenire. Forsan, et quis dicat, Platonem uniuscuiusq;
 ciuitatis benè institutæ multitudinem nō debere esse
 numerosiore, quæ uno loco, unaq; urbe cōtineatur:
 ad huius tamen exemplum multæ aliæ ciuitates debi-
 tum, certumq; modum, numerumq; ciuium habebunt.
 Quæres, si ita habet, nihilominus tamen ex locorum
 uarietate ratio quoq; uaria erit. Ac uerissimum quidē
 est, diffinitum esse debere fœlicis cuiusq; ciuitatis, &
 multitudinem, & magnitudinem: quis autem unicuiq;
 numerus præfiniendus sit, non nisi explorata, & re-
 gionis, et incolarum natura dyudicari potest. cuius
 rei significationem quandam dictum illud à profes-
 soribus nostræ legis habet, Missit aiunt ad rubrum,
 atq; ad nigrum. quod quidem, etsi Plato non censeret,
 hæc tamen est Aristotelis sententia, cuius de uerita-
 te minimè dubitatur. Inquit igitur Plato, egregiam
 administrationem in hanc formulam compositam, cu-
 iusmodi ciuitatem hanc esse diximus, definitæ, & ma-
 gnitudinis, & multitudinis esse. quod non paulò qui-
 dem facilius est, q̃ id, quod paulo superius diximus,
 oportere sicui nascatur ex custodibus æneus, eum ad
 inferiorem ordinem traduci: contra, si alijs cōtingat
 aurum filium, aut argenteum gignere, inter custo-

des eū coaptari. Quæ omnia ita præcipiuntur, ut oēs in hac Repub. nati in unam rem natura magistra cōsentiant. siquidem uno in opere omnes, ac singuli inter se cōueniunt: id autem opus intelligo, ad quod natura quisq; comparatus. utque summam comprehendam, præcepta hæc omnia, et admonitiones, quæ ad harum legum obseruationem faciunt, neq; non aliarum etiam, quæ postea commemorabuntur, ut quæ de uirorum, ac fœminarum copulatione, de procreandis liberis agunt, hæc inq; præcepta difficilia nō sunt, nec quæ uiris huiusmodi, aut molesta, aut grauiasint, quin potius leuia his, qui in hac, quam educandi, atq; instituendi rationem præscripsimus, musica uidelicet, atq; gymnastica adoleuerint. Et quod ad musicam quidem attinet, cauendum imprimis est, ne quid præter constitutum prioribus legibus modum innouet. nanq; id, si contingat, ciuitas ipsa faciliè ægrotauerit, idq; erit clam omnibus. Nec minus propterea interim affectus, animi tranquillitate, et quiete retinebitur, quousq; insinuante se magis, magisq; perniciæ, ad ultimum res ad legum corruptelam, et morum redierit. Est præter ea manifestum, quotquot his in legibus institutionibusq; uniuersalibus enutriti fuerint, suoapte ingenio ad quāplurimas priuatas leges optimas deuenire

posse. quo in genere est, reuereri parentes, & coram
 maioribus natu, senioribusq; tacere, atq; reliquæ etiã
 leges, quæ in actione uersantur. Quãobrem priuata
 hæc officia nihil attinebit, tãq; leges atq; statuta de-
 scribere. nam uniuersarum rerum leges illæ, si rectè
 atq; ordine ferantur, ciues quidem ad has particulas
 sua sponte mouebunt, ac faciliè cum unicuiq; ita con-
 stet puerilis educationis, & naturæ, initijq; ratio, ut
 tota deinde uita quod sequitur, & appetit simile sit,
 atq; conforme illis, seu bona fuerint, seu mala. Ac
 equidem, qui partialibus legibus mores formare
 instituerit, omisiss generalibus illis, quod ipsum
 quidem non pauci legum conditores fecerunt, is
 sane medico similis sit, qui ægrotos curat, quorum
 dissoluta in cibo, & potu, & uenere libido obstat, nec
 ulla profit cura, quia non cohibita intemperantia:
 eorum, quicquid adhibetur medicinæ augebit, mul-
 tipicabitq; ægritudine, potiusq; sedabit. Proinde, &
 quisquis partiales has leges, & ueluti singulares im-
 ponere conabitur, nunq; à corrigendis his, emendan-
 disq; quiescet, in quo uno oès nihilominus, & acquies-
 cunt, & confidunt, quin ipse quoq; ea ratiõe putat se
 finè attigisse, à quo profectò permultū abest. hoc qui-
 dē non in paucis legū conditoribus quorū ad nos hi-
 storia tradita est, probatū fuit. Quisquis itaq; hmoi

Respub. corrigere (ut inquit Plato) enitetur, perinde
erit, ac si unū ex hydræ capitibus amputet inutile qui
dem id, atq; absurdum faciens, quandoquidem per re
liqua capita uenenū. nihilosecius emittatur. Est ergo
necesse legibus his, quæ de uniuerso genere præci
piunt inniti imprimis, quales à nobis nonnullæ dictæ
sunt, dicenturq; in posterum Inquit insuper Plato le
gem, quæ de templorum ædificatione, de constituen
dis oratoris deniq; de precibus, de sacrificijs, de do
narijs agit, docetq; quæ omnia & humanarum ani
mum subigunt, et Deum, atq; Angelos laudibus ex
tollunt, coluntq; eam scilicet legem Prophetæ, qui di
uinum mandatum referat arbitrio permitendam:
quasi rem huiusmodi diuinam esse uelit, et quicquid
eius in ciuitatibus reperitur, acceptandum qualiter
cunq; traditum est, quoniam hoc, uelut legitimis oī
bus constitutionibus legibusq; ipsis commune est. At
quandoquidem in huius libri primordio de iustitia
quidnam esset Plato attentauit requirere, confuta
uitq; quicquid de iustitia celebriores sua ætate opi
niones asseruerant: ac erat ipse pollicitus primū na
turam iustitiæ in Repub. ostendere, ob id ipsum post
modum iustitiæ ipsius in aliqua una anima naturam
explicabit, ut fuerit in Repub. id clariū expositum,
quemadmodū, si quis scriptū aliquid ex gignissimis, ac
tenuissimis

32
tenuissimis literis, & procul à nouis intervallo separatis, ut legamus præcipiat, nosq; idem illud alibi maiusculis, grandiusculisq; literis scriptum uideamus, paruoq; id à nobis spatio seiungatur: nobis certè congruentius uidebitur, ac commodius grãdiusculis his characteribus primùm uti, quibus facile perceptis, deinde minutulas illas nullo legemus negotio. ita res se habet, quod ad iustitiam Reipub. & alicuius unius animæ attinet. Qua ratiõe etiam, ut dictum à nobis prius est, anteq̃ iustitiæ naturam oratione prosequatur, tcepit illam ipsam in moribus ac uita iustæ ciuitatis describere qualis esset. Ac deinde, ut primùm in ea disputatione, quæ de uita, & instituto Reipub. instituta est, natura iustitiæ manifesta erit, iustitiam ipsam per se qualis sit ostẽdere aggredietur: eademq; opera ciuitatem illam sapientem esse, fortemq; ac tẽperatam ostendet. De quibus uirtutibus quatuor, quæ in hac Reipub. inueniuntur, hic inuestigat, quænam sit uniuscuiusq; natura: in qua Reipub. parte singulæ eniteant. Incepitq; à sapientia disputationem, ac dixit neminem latere Rempub. hanc sapientia, & sciẽtia instructissimam nam, & quacunq; de re deliberat consilio ualeat, & prudentia in instituendis legibus atq; sanctionibus, quarum nunc mentionem facimus. At optima gubernatio, optimusq; modus, etsi

E

quædam scientia omnino sit, non possumus tamen dicere eiusmodi optimam gubernationem, atq; modum in hac Repub. reperiri, propter operarias artes, exempli gratia, propter agriculturam, uel artem tectonicam. est ergo illa quidem sapiens, ac ipsa, de qua nunc tractatur, scientia. Neq; quis, nisi immerito, abnuat hanc scientiam ex cognitione finis humani perfici, cum hæc administratio ad eam maxime accedat. Nec quenquam fugere potest, humanum nos finem scientiis contemplatiuis considerare, cognoscereq;. Quocirca hæc Respub. duplici scientiarum genere sapiens appellabitur, & eo quod ad agendum, & eo quod ad cognoscendum institutum est. Quæ tamen certe sapientia in minima huius ciuitatis parte consistet, in ipsis quidem philosophis: cuius naturæ, ut præstantis sumæ, sunt semper admodum pauci, si reliquarum artium, aut fabrilium, aut quæstuariarum professoribus comparentur: & sapientia quidem illa ipso in principe Reipub. inesse debet, eademq; ciuitati dominari. Principes ergo huius Reipub. sapientes esse oportet. Atq; ita nobis non perperam explicatum esse putamus, quo in genere scientiæ hæc Respub. dicatur sapiens, & qua in parte ipsius sapientia constet. Fortitudo autem, quæ ad hanc Rempub. spectat, est nihil aliud, quam observatio fortis cuiusdam opiniõis, atq; ele-

etionis, & quasi adhibita diligentia, ut omnibus in
 hominibus natura ad eam affectis, rata sit, & perma-
 nens, contraq; terrentia, ac oīa allicientia. Intelligo
 autem per terribilia illa, timorem ipsum, atq; dolorē:
 per illecebras, concupiscentias omnes, et uoluptates.
 Est autem perspicuum, si ita populus (ut descripsimus
 suprā) doceatur, atq; instituatur, musica scilicet &
 gymnastica, fore, ut, nec timoribus nec cupiditatibus
 ab eorum animo fortitudinis opinio, sententiāq; di-
 moveatur: contra uerò, si educati fuerint aliter, tunc
 illis facile animo excidet fortitudinis propositum.
 Quod ipsum, si uis, exemplo tibi perfacile planū (in-
 quit Plato) faciam. Fullonēs quidem nosti quādo cūq;
 purpureo colore pannū adamussim infecturi sunt, ut
 color ipse deleri nequeat, eos ante oīa ex tot diuersis
 coloribus album deligere: quem deinde non modica
 opera ad recipiendum colorem præparant, ut q̄opti-
 mē purpureum recipiat: atq; ita demum compara-
 tum colore tingunt purpureo: ac demum, quod ita
 infectum est, neq; abstersione, neq; ablutione qua-
 uis colorem perdere potest. quod si fortē pannus
 nō fuerit ita præparatus, facile color ipse à detergē-
 tibus, aut dilui, aut deleri potuerit. Quæ ratio, & in
 custodibus eadē est, si non ea, qua diximus institutiōe
 atq; disciplina educati, & quasi præparati fuerint,

neq; natura eorum ad idipsum deleta. tunc enim magnopere uerendum esset, ne fortis, ac constans opinio, quasi color ab eorum animo facile fugiat, atq; deleatur. Neq; quidem est quod sit ad detergendas, extirpandasq; uirtutes potentius uoluptate ipsa, aut cupiditate, aut dolore, aut metu. At uero uirtus hæc fortitudinis, qua in ciuitatis parte, quo in negotio emineat, neminem latere puto: eam si quidem maxime eorū propriam esse, quorū natura, ut maximopere idonea ad custodiam deleta est, quo sanè ad hanc partem adimplendam delegimus. est enim (ut puto) clarum, nullam ciuitatem, aut fortem, aut timidam dici, ita ut, uel in omnibus eius partibus, aut in quauis earum existat fortitudo, uel timiditas: quarum neutra, neq; in diuitum genere, neq; in genere fabrorum inueniatur, uerū custodibus ipsis illæ ipsæ sunt peculiares. Est itaq; à nobis expositum, & quid sit hæc uirtus, & quam Reipub. partem spectet: supersunt igitur duæ in ciuitate uirtutes examinandæ, Temperantia, & Iustitia: tumq; quidnam ipsæ sint, et cui ciuitatis parti attributæ dicendum.

TEMPERANTIAM certè non malè in cibo, & potu, & uenere mediocritatem quandam dixerimus: eumq; appellamus temperatē, qui per se moderationem hanc continuare possit. Simile id quoq;

quod de Temperantia dicitur, eam quidem esse abstinentiam quandam animæ, & cohibitionem à uoluptatibus & cupiditatibus. Dicimus insuper, temperatum hominem seipso potentiorē esse, & sui ipsius uictorem. Qui sermo in hunc sensum accipiendus est, ut cum præcipuarum in homine partium altera præstantior sit, et nobilior intellectus quidem ipse, altera uiliior, ipsa scilicet concupiscendi pars: si præstantior illa præualeat, imperetq; uiliori, ac uilior illi subiecta sit, dicimus tunc ipsum sibi ipsi dominari. E diuerso, si abiectiori parti melior illa subiiciatur, idq; aut propter uitiosam educationem, aut propter aliud quiduis incommodum: ipsum, tunc sibi ipsi imparem esse, atq; seruire affirmemus. quæ ratio utrobique perpetua est. Hoc igitur modo dubitari non potest, ciuitatem nostram, et sibi, & alijs imperare eamq; uirtutem non in uno tantum genere esse, uelut in principibus, sed in uniuerso etiā populo. At nec in opere humano perfectum quicq; unum, atq; adeò humanum dici potest, quacumq; ex uirtute acquiratur, nisi quod temperatum sit secus in sapientia, & fortitudine res habet: quibus uirtutibus necesse est partes aliquas Reipub. carere, cum hæc temperantia per uniuersas currat, ac diffundatur: statimq; ac primo quoq; tempore tradenda est omnibus in ipsa educatione, contrariumq;

E in

28
uitium arcendum. Atq; in hunc modum quid ipsa es-
set Temperantia, quatenus Reipub. inesset, dictum est
à nobis: restat ut de quarta uirtute, cuius gratia ab
initio iniecta quaestio est, sermonem instituamus.

IUSTITIA itaq; est in hac Repub. & Prudentia,
quæ eadem iustitiæ ipsius actus est, nihil aliud, quàm
quod superius diximus, cum de regimine huius Reip.
agebatur. Siquidem illic dicebamus, singulosquosq;
in hac ciuitate opus unicui præstare debere, ad quod
eum ipsum natura præparauisset: eamq; iustitiã esse,
quæ optimum statum ciuitati, ac perpetuum quidem
exhiberet, quandiu in eadem exerceretur, ac tres il-
las superiores, quarum paulò antè disputationem ter-
minauimus, ciuitati eidem præberet. quod totum nõ
nisi uno, & imperantium, & subditorum, plebisue cõ-
sensu ad obseruationem, reuerentiamq; legum fieri
potest: tanq; hæc sanè quidem facultas promiscuè in
pueris, in mulieribus, in seruis, in liberis, magistrati-
busq; & priuatis, ac demum in omnibus Reipub. par-
tibus insit. quod ita intelligitur, si unusquisq; desti-
natum sibi à natura opus amplectatur, nec alienum
unq; concupiscat. Erit igitur hæc Respub. ita demum
iusta, si conuentu, atq; multitudine iustorum consti-
terit, dum singuli propriã sibi, atq; assignatã actio-
nem ciues exerceant. Quo in genere civilis quoq;

*æquitas comprehenditur: sicuti in ciuitatibus iniqui-
 tatem ponimus, ipsam quidem iniustitiæ causam non
 aliter esse, quàm si singuli ciues plus una re agenda
 aggrediantur, ac ex alia in aliam se transferant,
 ex alioq; munere in aliud, ac per multos deinceps
 ordines, gradusq; uagentur. Quod licet uideri
 possit ciuitati minimè nocere, præsertim, quod ad eas
 artes attinet, quæ opificum sunt, atq; artificum:
 manifestum tamen est, in his quoq; artibus eam per-
 mutationem Reipub. incommodare: quemadmo-
 dum, si quæstarius natura, uel diuitijs, uel robore
 elatus, aut cuiusuis generis alio impulsu in milita-
 rem ordinem transire conetur, siue (quod indignius
 quidem est) miles in consularem, & custodum ipso-
 rum dignitatem ascendere contendat: utrunq; enim
 ciuitatem magna afficit iactura. Id quod etiam tu
 ex ciuitatibus nostris facile comprobes. Quibus
 omnibus expositis, iustitia quid sit perspicuum est,
 ipsamq; in uniuersas huius ciuitatis partes esse diffu-
 sam. Cuius naturam, ut in ciuitatibus esse intelli-
 gitur, postq; est Plato executus, ad eam se ratio-
 nem conuertit peruestigandam, an ipsa in uni-
 ca quapiam anima inueniri possit, quæ sit ciuili
 iustitiæ similis, an secus. si sit, bene quidem: si
 non sit, se ad tractatum ciuili iustitiæ referet.*

E iij

Et quidem quæcunq; secundum magis, ac minus tan-
tummodò differunt, unius esse generis necesse est:
nec hæctenus in uno quicq; est, quod sit alteri cōtra-
rium. qua ratione in unica anima iustitiam, et æquita-
tem nihil differre clarum est ab ea, quæ in ciuitate
ponitur. Inquit ad hæc, huiusmodi ciuile esse iustitiã,
si ex tribus naturis illis singulæ uidelicet, et qua dis-
cimur, et qua irascimur, & qua concupiscimus in offi-
cio suo sint, idq; ipsum, & modo, & tempore debito
agant: ex qua etiam ratioe hanc Rempub. ponimus,
sapientem, fortem, temperatam esse. Quòd si hætres
naturæ in una quadam anima reperiantur, ac perfi-
ciantur, non aiter in ciuitate iustitia erit, & prudē-
tia, quàm partibus illis ita affectis, ut ratio ipsa impe-
ret, reliquæ duæ iracundia, & cupiditas obtempe-
rent: cum neminem lateat, non potuisse has partes in
ciuitate fingi, nisi in anima inuenirentur. nam quali-
ter iustitia in ciuitate esse intelligitur, nisi quatenus
in ciuibus est? Ac in naturali quidē philosophia osten-
sum est, duas inesse nobis contrarias inter se uires,
rationem, & concupiscentiam, in duo uidelicet cupi-
ditatem, & iracundiam. hoc secundum manifestum
est, cum ipsi sæpe experiamur cupiditati iracundiam
repugnare, atq; imperare, ueluti instrumentum quod-
dam sit, quo cupiditatem retundimus: ideoq; accidit

non infrequenter, ut si quando cupiditate præter rationem agitamur, atq; distrahimur, irascamur quidẽ. Cum igitur res ita se habeat, ac tres illæ in anima facultates existant, quẽadmodum in ciuitate non sunt, nisi ea ratione, qua ipsæ in anima inueniuntur: erit quidem iustitia, & æquitas unius cuiuspiam animæ ita demum, si singulæ illæ partes suo, ac proprio munere perfungantur, quẽadmodum in ciuitate diximus. Ac sic itaq; omnes animæ partes conspirabunt, ut ratio, tanq̃ sapiens dominetur: irascendi uis obsequatur illi, atq; subiiciatur, ac proprio incitata feruore aduersus contrarium quidlibet pugnet. Quæ sanè concordia, & uelut consensus una in anima per muscam, & gymnasticam conficitur. quandoquidẽ gymnastica ipsa irascendi partẽ corroborat, & fortitudine instruit: musica eã ipsam, & disciplinæ capacẽ, & rationi obsequentem facit. ac illæ duæ quidem partes, si sic componentur, atq; conuenient, tertiæ, quæ superest parti instituendæ conferent, atq; coaptabuntur. Quamobrem eadem ratione, eademq; parte, unumquemlibet hominem sapientem uocamus, quæ ciuitatem similiter, & temperatam, & fortem: idq; cum eum, qui rationis præcepta prima quæq; obseruat, ac retinet, fortem appellemus. Id uerò, quod semper dixi, intelligo in ipso formidinis tempore, ipsoq;

dolore imminente, uel uoluptate: & ita ciuitatis fortitudinē diffiniuimus. Itidem, & homo etiam ipse sapiens est, in quo penes rationis partem rerum oīum est arbitrium, cæteris partibus illi morem gerentibus, ut in ciuitate esse solet: neq; non hic temperatus uir est, qui est temperatæ ciuitati similis. ob idq; quisquis naturam huius, quæ instituitur ciuitatis fuerit affecutus, maximè is uirtute erit præditus, sicut hæc quoq; ciuitas studiosissima est, & optima. Quibus omnibus facile est colligi, non aliam esse in ciuitate æquitatem, & iustitiam, aliam in anima. Ex quo ipso etiam perspicuum est, eādē, & in ciuitate improba, & in anima iniquitatē, iniustitiamq; esse. utrobique enim illud ipsum uitium nihil est aliud, quàm partium ipsarū peruersum dominium, obsequiumq;: quæadmodum, si in anima pars iræ, aut cupiditatis dominium obtineat. Idq; non malè sanitati, atq; ægritudini corporis comparetur. etenim, sicut prospera corporis uale tudo in humorum æquabilitate consistit, ac naturæ in illos ipsos dominio: contrà ægritudo est, si illi naturam superent, atq; opprimant. Ita res quoq; in anima habet. nam eius demum consistit sanitas, si parti rationali tota anima conspiret: ægritudo, si illi reliquæ partes imperent. hoc modo uirtus, sanitas quædam est, & pulchritudo: uitium uerò, deformitas

quædam, atq; ægritudo. ac ita sanè sanitas est una, ut
 uirtus, nec alia de causa proba ciuitas una est: uitia
 autem sic diuersa sunt, & plura, ut morbi ipsi multi-
 plices, & uarij. Ob idq;, malè institutæ ciuitates, sin-
 gulæ etiam, plures quodam modo sunt, & diuersæ:
 quæ tamen quatuor generibus, ut postmodum dice-
 tur, comprehenduntur. Vera autem, ac recta admi-
 nistratio duobus tantum nominibus appellatur. nam
 uel unius gubernatione, regnum dicitur: aut plurium
 optimorum, status optimatum appellabitur. Absolu-
 to itaq; de uirtutum generibus sermone, earum, quæ
 in hac ciuitate existunt, refert se ad ea persequen-
 da, quæ de custodibus reliqua erāt: quo uidelicet mō
 cū uxoribus congregi debeant, qualiter liberos edu-
 care, quō modo etiam generare. Ac dicamus quidem
 id neminem latere posse, ut quandoquidē custodū na-
 turas in ciuitate perpetuari uolumus, nec id aliter q̃,
 ut sibi similes cum plurimum generent. hoc fieri non
 possit, si cū quauis muliere cōmisceātur, uerūm tantū
 modo, si cū similis naturæ mulieribus similisq; edu-
 cationis coniungantur. nec id solum custodibus con-
 uenit, sed reliquis etiam, suo cuiq; in genere. Hinc
 exoritur sanè quæstio, num mulieres ipsæ sint similis
 naturæ, ac uelut congruant naturæ ciuium, uiro-
 rum, præsertimq; custodum, an ipsarum natura,

à masculorum genio discrepet? Prius, si dabitur foemi-
næ eadem munera, officiaq; explebunt, quæ maribus
quoq; ipsis assignata sunt, ita ut, & militarem facul-
tatem, Philosophiamq;, ac principatum, reliquaq; si-
militer assequi possint: sin secus, tum mulieres ipsæ
nonnulla ad munera habiles erunt, ad quæ uiri ipsi
erunt penitus inepti, cuiusmodi sunt nutriendorum
liberorum partes, pariendiq; labor, & alia id genus.
Nos uerò eiusdem speciei esse, & mulieres, & uiros,
in humano fine adipiscendo affirmamus: nec quicq; in-
teresse, nisi prout, aut magis, aut minus id ipsum agāt
uidelicet quòd compluribus in rebus uir sedulitate,
ac diligentia mulierem superet (quanq̃ non adeò ab-
surdum sit, aliquando nonnullis in actionibus mulie-
res uiris diligentiores esse, ut in musica practica ui-
dere est: ideoq; fertur, musicos modulos tum demum
perfectos esse, si à uiris excogitati, à mulieribus ab-
soluti, & cōsummati sint) Itaq; cum uiri, ut diximus,
& mulieres speciei eiusdem sint: atq; ea, quæ natura
specie non differunt, ad eundem actum in ciuitate se-
conuertant. hinc credo manifestum esse, eodem mu-
nere hac in Rep, & uiros, & mulieres uti, etsi suapte
natura illæ ad illud quiduis imbecilliores sint: quate-
nus benè consultum sit, si leuiora illis opera, ac faci-
liora assignentur. Nec id inquirentibus difficile est

inuestigatu. uidemus enim mulieres nonnullis in arti-
 bus masculis nihil esse dispares, præter q̄ ipsæ ad
 eas minus ualidæ, minusq; perferentes sint: non tamē
 excluso, quin mulierum aliquot aliqua in arte uiris
 ipsis præstantiores sint, ac diligentiores, ut in arte
 textoria, sartioraq; & alijs nonnullis. At uerò quòd
 militarem artem, industriamq; participant, uidere est
 cum in alijs pluribus, tum in his, quæ nonnullis in par-
 tibus Africæ habitant. Qua ratione colligi potest, ni-
 hil alienum uideri, si quæ mulieres ingenij quadam
 perspicacitate, ac prudentia maxima à natura orna-
 tæ fuerint, sapientes sint in ciuitate, & principes.
 Verum, quoniam id perrarò cōtingit, ideo est, quòd
 leges nonnullæ mulieres prohibuerunt ad sacerdo-
 tium, præsertim pontificiam dignitatem promoueri.
 Cæterum, & inductione, & similitudine à brutis ani-
 mantibus ducta, probabile est, quemadmodum inter
 custodes gregis canes fœminas, nihil à masculis,
 quod ad custodiam attinet, ac pugnam, inimicitiasq;
 aduersus lupos differre, nisi quatenus sunt imbecillio-
 res: sic mulieres quoq; custodes in ciuitate esse debe-
 re, habita ratione eius animalis, cui nos custodē antè
 assimilauimus. Na ura uerò (q̄q̄ id rarò) nonnunq̄ ta-
 men aliquibus ad pugnam armis, quibus fœminæ ca-
 rerēt, mares instruxit, ut de suis clarū est, ea uerò,

quibus plurimum instructa sunt pugnacia animalia,
sunt certè eadē ferè, & maribus, & fœminabus: quasi
idem, quod masculus, fœmina agere, & exercere
debeat. Enimvero in his nostris ciuitatibus nūc per-
spicere non licet, quanta sit mulierum, quamq; ampla
facultas, eas cum tantūmodò ad liberorum procrea-
tionem habeamus, tanq̃ sint imperio mariti, liberis pa-
riendis, laetandis, enutriendis, addictæ: quæ seruitus
quidem liberam illis aliarum rerum administratio-
nem, curamq; abstulit. Ea demum causa est, cur his
in ciuitatibus nullæ mulieres sint, ad aliquam huma-
narum uirtutum paratæ, sed plantis potius similes,
graues quidem, & molestæ uiris ipsis. Qua etiā ex re
potissimum paupertas, & miseria his ciuitatibus in-
gruunt: quòd mulieres ibi uiris duplo plures sint, nec
aliquid ad necessaria quærenda conferant, neq; in il-
lis exercitæ sint, nisi perrarò admodum aliquibus
se operibus adhibet: quæ certè ferè, non nisi quando
necessitas cogit, suscipiunt, ut inopiæ suæ opem fe-
rant, cuiusmodi nendi, & texēdi artificium est. quæ
omnia de se sunt manifesta. Et cum ostensum sit fœ-
minas bellicam artem cum maribus communem ha-
bere, ac aliquas alias: conuenit, ut in eis deligendis
ad quācunq; rem earum naturas spectemus: eādēq;
adhibeamus diligētiam in eis, & quærendis, & eru-

diendis, tum musica, tum gymnastica, quam in uiris
 ipsis præstitimus. Et sic mulierum corpora, quæ cū ui-
 ris in gymnasio bellico exercētur denudanda erūt,
 cum uirtus illis pro optimo uestimento inducēda sit.
 Ac, ut primū mulieres ostendit simul cum uiris cu-
 stodes esse debere, unaq; habitare, & uersari, & epu-
 lari, cum nullus in hac Repub. custodibus ad habitan-
 dum, uel epulandum assignatus sit locus, inquit insu-
 per necessitatem quoq; uirum, & mulierem custodes
 ad mutuā cōmixtionem impellere. Nec temerè tamē
 quæuis ad arbitrium cōgressio permittenda est, neq;
 cum quocūq; uoluerit, idq; ex instituto proposito. nos
 enim eum actum humanum quidem esse uolumus, non
 qualitercūq; cōmisceri cōtingat: sed ita Venus in-
 stituatur, ut quātoptimè ad generationē, ac propa-
 gationē custodiæ apposita sit, certis q̄busdā, determi-
 natisq; t̄pibus, scilicet more quoq; definito pro unius
 cuiusq; rōne. Hic aut̄ mos, etsi à reliquis ciuitatū, ac
 populorū legibus maxio ope discrepare uidetur, idq;
 ex ui quadā uerborū potius, atq; specie, nihilominus
 cōis certè reliquis oībus institutis, ac cōsuetudinibus
 apparet. Et nos quidem breui admodū dissertatione
 de hac re, q̄d Plato sentiat exponemus. Dicendū itaq;
 est horū custodum cōmiscendorum tempus observa-
 ri debere, ac cōsiderari, maximè ad cōtinuationē, &

perpetuitatem sui generis: similiterq; , & coeundi
modus determinandus est. quod ipsum uariari ex bel
lis superuenientibus potest, atq; multa alia interueni
re possunt, quæ congregiendi modo, uel adycciant,
uel detrahant. Et inter priuatos quidem in hac ciui-
tate , matrimonium ita contrahitur, ut non nisi si-
miles coniungantur: ac boni bonis, ut hac ratione na-
tura eorum optima in liberis sobolescat. Quis enim
uenatorios canes, aut aues ad uenationē quoq; aptas
desiderat, qui non idem curam quàm maximam præ-
stet, ut horum generosam naturā cum generosa con-
iungat: ut ex eo congressu, quod natum erit paren-
tum generositatem referat? At quantò magis in hac
Repub. circa procreandos liberos cura hæc habenda
est? Quocirca. qui huiusmodi curam in Repu. ge-
rit, committere non debet, ut quælibet temerè ætas
ad coitum admittatur, quin florida tæcum, & firma:
quæ in muliere à uigesimo anno incipiens, ad qua-
dragesimum durat: in uiris uerò, à trigesimo usq; ad
quinq; & quinquaginta annos producat. quæ in
utrisq; ætas liberis procreandis attributa est. Est
quoq; in his custodibus, ac prole eorum (ut ipse cen-
set) ea nuptiarum habenda ratio, ut mulieres omni-
bus uiris communes sint, nullaq; uni tantum propria,
ac sua assignetur, ita ut uno in contubernio cohabi-
tet, ut

tet, ut in his nostris ciuitatibus fieri solet: et rursum,
 liberos omnium fore communes arbitratur. Quod
 uerò ad uxorū communionem attinet, ita mihi sanè
 intelligendum uidetur, ut illæ cum omnibus uiris ha-
 bitent, nullo, quod ad id spectat, discrimine: non ta-
 men, ut libera eis commixtio, coitusq; permittatur.
 Verum, cum principibus necessitas uidebitur suffi-
 ciendæ sobolis, uidebunt ut publicè apparentur nu-
 ptia: tumq; hinc sponsi, inde sponsæ conueniant, sa-
 crificia fiant, ac uota Deo nuncupabuntur, Deū opt.
 max. orabunt, ut sui ille misereatur. Ad hæc quoq;
 præcipient, ut poetæ hymnos epithalamios, quales in
 nuptiis celebrari solent, conficiant: ac deniq; ex hu-
 iusmodi uniuersorum ciuium concursu, uiri, ac mulie-
 res ad nuptias seliguntur. Tum deinde nō sine arte,
 atq; ingenio iudices sortem agitabunt inter eos qui
 uxores ducturi sunt. cuius sortis ea moderatio esse
 debet, ut quæcunq; cuiusuis uxor obuenerit, id casu
 nō arte factum uideatur. sic itaq; communes omni-
 bus uidebuntur uxores. Neq; tamen sors, nisi inter si-
 miles, atq; unius speciei iniri debet, sic, ut optimam
 mulierum speciem ad optimum uirorum genus con-
 ferat, deteriorem quoq; deteriori: data opera in pri-
 mis, ut nullus id ciuium percipiat, præter senes, &
 iudices ipsos. Galenus autem commemorat librum se

hoc genere sortiendi cōposuisse, quod ipsum appella-
tur octogenariū. quo ex opere cōmoda duo egrediē-
tur, prius est, ut id, quod putabatur de mulierum cō-
munione, ratum existimetur: alterum, ut optimè ad
procreatiōem prolis naturæ obseruentur. Et præter
hunc quidem modū, possunt adhuc alij excogitari.
Mox mulieres, inquit, grauida à uiris seiungentur,
Et cum prægnantibus reliquis habitabūt, donec pe-
pererint. Post partum autem omni opere cauendum
est, ne ulla suam prolem uideat, sed continuò quod
natū erit aliò ad nutrices transferatur: ad nutrices
quidem, si matres sufficienti non abundabunt lacte.
Hoc autem propterea institutum est, ut nati omniū
cōmunes uideantur: idq; adeò, ut singuli quiq; uniuer-
sillius generis natos credāt esse suos, uicissimq; nati
arbitrentur omnes illos parentes suos esse. quod to-
tum ad conciliandum amorem fit. Nec in hac ciuita-
te ulla erit alia necessitudo, quàm patrū, Et auorū, fi-
liorumq; atq; filiarum, Et nepotū, Et fratrum, atq; so-
rorum. Quo in genere huiusmodi ciuitas uarios co-
gnationis gradus cōplectetur, in quibus unum ordi-
nem filij conficiant, alium patres, alium aui, alium
proau: ita ut quiq; in filiorum ordine patrum ordi-
nem suspiciant, Et uenerentur, colentq; ea reueren-
tia, quæ patribus à filijs debita est. Rursumq; ordo

ille paternus, quotquot filiorum gradus complectitur amabit, eo scilicet amore, quo solent filij à parentibus diligì. Propterea fratrum, sororumq; matrimonia, ac congressus legitimi sunt: parentum uerò, & liberorum inter se congressus, licet hinc ascendatur, illinc descendatur, huiusmodi congressus tolerabiles nō sunt: ne dignitas illa paterna, ac reuerentia insolente Venere cōtaminetur, & filiaris ille cultus amore uoluptario cōfundatur: ac demū, ne, si deposita fuerit liberorū erga parētes obseruantia, & reuerētia, ipsa etiā Resp. penitus corrūpatur. quæ cā in oī legū institutiōe obseruata est, & licet inter se circa huiuscemodi graduū determinationē differāt, sintq; & ipsæ inter se inuicē rationis diuersæ. A Etatum et nō in postremis habendus est ad Venerē delectus. qui. n. atate ad generādū præfinitā egressi fuerint, non indignū est inuestigatione, an præterea cū muliere congredi ad subducendū seminis excrementū liceat, cum nullū magis inter omnia superflua excretiōe indigeat. Ac Plato pmittit id quidē, sed ex eis siqui nati fuerint, nullo loco, nulloq; numero esse censet, nutrimentumq; eis interdicit. Verūm, & id nō nisi pro ratiōe sanitatis concedi, ac mensurari debet. Superiores autem nuptiæ sine dubio repetūtur toties, quoties usus, ac necessitas postulant procreā-

di: ita habito, & raritatis, & frequentiae respectu,
ut Reipub. huius, atq; ciuitatis non excedatur deter-
minata multitudo, prout etiã mulieres ad conceptũ,
aut faciles, aut tardæ sunt. Huius autem loci intelle-
ctus Galenum habuit peranxiumnum, scilicet huius
modi copulationes deberent iterari. Hinc autem illa
fuit anxietas, quòd Platonis in hoc loco mentem nõ
assecutus est. Nam nisi renouarentur nuptiæ, sed sin-
gulæ singulis coniunctæ permanerent, nimium in cõ-
munionem illa cessaretur, communisq; amor de medio
tolleretur, essetq; longè maior pro seipsis consorti-
bus, ad bona acquirenda mutua diligentia ipsorum,
& cura, quàm pro alijs: eaq; ratione familiaris potius
administratio, quàm ciuilis nasceretur. quod manife-
stum est apud eum, qui in hac disciplina uersatus fue-
rit, Eò ergo absurdius esset alicui uni concedere, ut
priuatim sibi ad habitandum domum haberet. nemo
enim in hac Repub. proprium sibi quicq; obtinere de-
bet, ac omnium rerum cõmunio perinde in hac Rep.
atq; in membris corporis se habet. Per has quoq; nu-
ptias tãtum tẽpus uir unusquis liberis operam dabit,
quantũ, ut plurimũ, ad cõceptũ sufficere diiudicabit:
& hoc mihi esse uidetur, quod de cõmunionem, & fi-
liorum, & uxorũ Plato intellexit.
Deinde demonstrationibus probat cõmunitatem

huiusmodi necessariam esse: dixitq; primum huius Reipub. legislatorem in ciuitate constituenda spectare debere potissimum, quod sit ciuitatis summum bonum, non secus ac repellere à ciuitate debet, quod maximum est malum. Ac nullum profectò est perniciosius ciuitati ea gubernatione, quæ pro una plures efficit ciuitates: nihil e contrario salutaris, quam id, quod Rempub. conuertit, conglutinatq; , atq; unam facit. Neq; quenq; latere arbitror communicatiõem, & emolumentum, & damni ciuitatem solere colligare, atq; unire, ut illis, & uiuendum pariter, & moriendum sit, si ita sors tulerit: itidemq; ualet, & lætitiæ, & doloris communitas. contrà his in rebus dissidia, & quasi abalienationes ciuitatem dissoluunt, ac perimunt. Ihs enim gaudentibus, alij dolebunt: quin etiã quandoq; ex aliorum dolore alij uoluptatem accipient. Quamobrem non temerè fertur commercia, atq; communicationes huiusmodi hominum inter se esse perutiles. Et summatim ut dicam, ciuitati nihil magis officit, nihil magis perturbat, quam ea uerba, si inter ciues euulgata fuerint, meum uidelicet, & nõ meum. Ac illa demum ciuitas hoc pacto constituta, ut nihil unius sit, quin idem etiam sit omnium, id, si tale est, ut uniuersis facile congruat, hæc certè ciuitas unita, illigataq; , & uera dici pòt. Ciuitatis enim

partium ad totam ciuitatem communio, non alia est,
quàm membrorum ad corpus totum animalis, quod
ad dolorem spectat, & uoluptatem. nam, & quoties
uni digito dolor est, totum huic corpus cōdolet, to-
tumq; afficitur ita, ut ægrotum dici possit. idem etiā
in gaudijs, ac uoluptatibus accidit. Res igitur ita si
se habet, ut descripsimus, huiusmodi est ciuitas, cuius
ciues probos, & bonos esse uolumus. Et manifestum
hinc etiam est, communionem illam uxorū, ac pue-
rorū esse pernecessariam. nanq; nullum horum cu-
stodum fas erit quēpiam omniū, nisi affinem, atq; pro-
pinquum appellare: immò quicumq; occurrerit, cum
ipsum, ut patrem, uel auum, uel matrem, uel auiam,
uel fratrem, uel sororem, aut filium, aut filiam apud
se existimare debet. & in patres quidē (ut diximus)
ea utentur reuerentia, quam lex in uniuersum lata
præscripsit. Hoc etiam maximè ciuitati conducibile
est, ut singulæ partes in lætitiā, & dolore ita cum
uniuersa consentiant, sicut unius corporis particulæ
cum corpore. Nec dissimilis est uxorū, & liberorū
cōmunicatio bonorum, atq; opum cōmunioni: eratq;
quod dicebamus, nullum omnino istorum propriam
habitationem obtinere, neq; quicquam seorsum, sed
unusquisq; domum suam habeat, in qua, & alij habi-
tare possint: similiter etiam reliqui faciant. Multo

minus equidem, aut liberi proprij, aut uxores propriae permittendae erunt. sic enim propria, & mala, & bona fierent. Quin etiam huiusmodi proprietates non raro (ut diximus) alieni mali causa est, seminatq; rixas, atq; seditiones inter cives: quae mala propter pecunias, propter liberos, propter uxores frequentia oriuntur. E' diuerso recte, & ordine administrata ciuitas, inimicitias, emulationes, inuidiam, paupertatem, & reliqua mala, quae has nostras ciuitates opprimere solent, effugiet. In hac uero ciuitate nihil est, quod furta, & rapinae prohibeantur, reliquaq; alia, quae his Rebus pub. nostris prohibentur. Et illi etiam cives summa dignitate, summa prosperitate faelices quidem sunt, ac beati, his omnibus malis liberi, atq; immunes, quae nostrorum temporum ciuitatibus ingruunt. Idq; totum per se manifestum est, si quales nunc sunt conuentus, quis exacte contemplatus fuerit. Et postq; ostendit necessarias esse illas communicationes, ac uxores custodum, non minus quam uiros ipsos custodiae attentas esse oportere, seu domi, seu foris uidelicet belli res regenda sit, quae admodum in canibus feminae cum maribus ipsis custodiae, et ipsa opera praestant: tum inuestigare incipit, debeatne ita pueros militiae, ac praелиjs assuefacere, ut illo spectaculo praeliorum, et tyrocinio, ac deinceps

experimento imbuantur, ut alijs in artibus fit, quibus non antè operi, atq; artificio applicantur tyrones, quàm sint frequenti inspectione eruditi. uerbi gratia in fabrica, & nò paucis alijs, patres, dum artis suæ dant operam, præsentibus filios adhibent, ut se operantes illi aliquandiu intueantur, priusq; ipsi quicq; ea in arte agant. Nec parui refert an discipuli à teneris annis artis ipsius spectatores fuerint, necne. quod ipsum, si in alijs artibus cõprobabitur, quantò maior eadem circa custodum liberos diligentia esse debet? cum, & cupiamus, & expediat maximè eos peritissimos, doctissimosq; effici. Adde etiam quòd committendo prælio, si liberi adfuerint, patres acrius multò, atq; ardentius pugnabunt: quemadmodum in reliquis etiam animantibus cernitur, quoties alicui eorũ præsentibus prole decertare cõtigerit. Ita tamen adsint pugnantibus patribus liberi, ut ob eorum imbecillitatem, ac pusillanimitatem mortis periculum nò subeant, si parètib; adhaferint: quin etiam propter id possent parentes ipsos in discrimẽ ducere, uerũ hoc in arbitrio sit parentum, ac iudicio, cum ipsi maximè illorum naturam cognoscant, ut siquem illorũ meticulosum, atq; timidum norint, eum ad bellum exire non committant: & è contrà, qui firmiore, & ualidiore animo est puer, ad id ipsum non est alienum,

44
si egrediatur, tum in primis, cum equitandi artem
exactè est affecutus. Et quod ad puerorum quidè eo
in spectaculo curam, atq; tutelam attinet, omne stu-
dium nauandum est, ut uidelicet in equis maturioris
iam ætatis, atq; obsequentioris naturæ equitent, ab
ipsis prælium spectent. Præterea autem huic ciuitati
ferentur leges, quæ, quicumq; in acie desertor ordinis
fuerit, aut abiecerit arma, aut similem aliquam igno-
miniã ex timore, uel ignauia admiserit, in opificum
ordinem manuariorum eum transmittant. Quicumq;
etiam apud hostes captiuus fuerit, idem hostium arbi-
trio relinquatur: dç; non iniuria, cum se ille in la-
queos, & captiuitatem dederit, ut cerui se in retia
uercordia, atq; imprudentia coniungunt. Lex itidem fe-
renda est alia, ne quis occisos in pugna spoliet, iam
enim plurimi exercitus hac causa periere: licet tamẽ
mortuis etiam arma detrahant tantummodò, si quis
modò indiguerit: utpote, quia, uel gladius, uel hasta,
aut rupta, aut inutilis fuerit. Ad hæc Plato his custo-
dibus cõcedit, q̃diu in castris agunt, ut singuli obla-
tum sibi fortè captiuum ciuẽ recipiãt, si uelint, eumq;
trucident, quò sint reliqui animosiores, pugnacio-
resq;. Inquit præterea Plato ex custodibus, qui se
egregiè gesserint, eis summos, ac plurimos in ciui-
tate honores haberi debere: ac pro eorum dignitate

32
sacris rebus operandum esse, orationibusq; atq; car-
minibus esse celebrandos. Atq; ex his, quicunq; in
acie strenuè pugnantes occiderint, post eorum obi-
tum honorificentissimè de eis ipsis mètio memoriaq;
habenda est, ac commemoranda, tanq̃ ipsi in Ange-
los terrestres, sanctosq;, & puros transmutati sint,
atq; tum maximè sint mortalium custodes, & mala
illis imminèntia auertant, atq; uitia. Nec non sepe-
liendos esse fas est singulari quodam honore, ac loco
maximè ad dignitatem exposito: quorum quidem se-
pulchra, uelut oraculorum sedes erunt, in hisq; ado-
rabitur. secundū hos reuerentia quoq; illis exhibebi-
tur, qui fato è uita concesserint, fuerintq; genere
uite, et ciuilis disciplinæ laudabiles. Omnibus autem
his explicatis, in eam se confert inuestigationem, an
huius Reipub. ciues fas sit, aliū quempiam generis,
ac linguæ societate sibi coniunctum in seruitutem
redigere: & per genus quidem intelligo cognatio-
nis ordinem, ac seriem, præterea etiam patriam. Ac
illud quærit, nū ex odio, quod sit utrinq; in bello cō-
flatum, iustum sit hos ciues illorum domos incendere,
atq; incidere arbores: quod quidem nemo in genus
suū admittere debet. ueluti non est æquum, ut Græci
ipsi aduersus Græcos ita bellum instituant, ut de ser-
uitute, atq; libertate contendatur: neq; hoc in bello

ædes comburi decebit, aut excidi arbores. huiusmo-
 di enim Græcorum inter se dissidium seditio potius,
 quàm iustū bellum appellari debet: & seditio quidē,
 nō nisi inter ciues, & uelut familiares, atq; domesti-
 cos, amicosq; malum intestinum exoritur. Quocirca
 hæc custodibus huius ciuitatis lex imponatur, ne do-
 mos græcorum deuastēt, arbores concidant, ullōsue
 in seruitutem redigant: quos error quidem, non re-
 bellis natura in seditionem agit, & morbo potius,
 quàm natura peruertuntur. quæ Platonis sententia
 multorum opinioni contraria est, qui hætenus leges
 condiderunt. Cōtra barbaros uerò omnia illa depop-
 ulationis, & uastationis genera exercere licet: sicq;
 conclusa est Platonis opinio de institutione huius ci-
 uitatis. ipsorumq; maximè custodum, tum quo pacto
 inter eos, qualisq; rerū cōicatio sit. Neq; uerò te fuge-
 re debet, maximam eorū partem, quæ de cōione, &
 institutione per musicā, & gymnasticam artem di-
 cta sunt, omnibus in hac Repub. ordinibus cōuenire,
 licet tamen nō una sit gymnasticæ in oībus generi-
 bus formula. Idē de fabulis quoq; putandū est, quæ p
 musicā tradi solēt, affectus scilicet cōmouentibus, ac
 inducētibus imprimis ad eā actionē, ad quā quisquis
 natura maximè paratus est. Quam diligentia Plato
 non p singula ciuiū genera executus est: cū sit facile

ex his, quæ de custodibus differuit, eandem ratioem
ad reliquos etiam ciuium gradus transmittere. Est
igitur nunc consequens, ut detur generi sapientum
propria, & quasi sua disputatio: & hoc quidem Plato
ipse, ut instituerat perficit. sicq; dicetur, qua ratione
naturæ ad sapientiam idoneæ dignosci possint, qua
diligentia ad eam deinceps effingi, & formari de-
beant, tumq; deniq; quo modo iam perfecti illi in sa-
pientia uiri, atq; consummati ciuitati imperare de-
beant. Hic tamen huius compendij primo tractatui
modum imponemus.

TRACTA

T V S S E C V N -

D V S.



VONIAM Quidem, & quæ à nobis instituitur Resp. si cōtingat, tum demum esse intelligitur, cum Regem habuerit Philosophū, illoq; tantummodò præside seruatur, atq; permanent: ubi Platoni

erat propositum de eorum natura differere, ideo hic non alieno loco de Philosopho tractare exorditur: eumq; sanè ipsum esse dicit, qui ipsum quod est (ens uocant) scire cupit, eiusdemq; naturā à materia longissimè separatam cōtemplatur. cuius quidem totius fundamentum in ipsis Platonis uerbis consistit. Est autem scitu non indignum, quòd philosophi nomen ipsa in prima; atq; præcipua eius notione, accipitur pro eo, qui scientias contemplatiuas est assequutus, illis quatuor cōditionibus, quæ in libro posteriorum

analyticorū Aristotelis enumeratæ sunt. Earum autē una est, ut possit is eas ædere, atq; docere. At docere quidē non uno modo contingit, uerūtamen duobus: quorū alter, præstatiū, atq; egregiorū ingeniorū proprius, rōnibusq; demonstratiuis innititur: alter uulgaris quidē ille, & cōis, uis quibusdā inducētibus probabiliter, atq; persuadentibus poeticaq; industria pcedit. quo eodē modo si quis docere aggredietur, eū oportet, & rerū agendarum usu, eaq; facultate excogitandi, qua res adinueniuntur, quæ in sciētia ætīua declaratæ sunt, pro populis, ac ciuitatibus instructū esse. Ad hæc ẽt Philosophia, quæ de eximijs hominū moribus & uita cōtemplatur exornatū, quæ ad ministratio ciuitatum, & iustitia populorū eligitur. Neq; aliter Philosophus optans ipse perfici, atq; consummari hoc obtinebit, priusq; cōtemplatiuas scientias, ac rerum agendarum artes simul assequutus fuerit: et uirtutes illas morales, cum excogitatiua etiam facultate unā contulerit: imprimisq; illarum omnium præstantissimas cōplectetur. At uerò quod ad Regis quidem nomen attinet, id illum imprimis significat, qui ciuitatibus dominatur. atq; planum est, illius officium, atq; opus, quo ciuitatū administrationi præest, his omnibus simul, quas supra memorauimus artibus, & uirtutibus p̄fici. Similiter de legislatore dicē-

dū, quanuis noīe ipso is primo intelligi uideatur, qui
 facultate illa excogitādi eas res, quæ inter gētes in
 rebusq; publicis ætitātur, & exercētur præpollet: su-
 periores tamen illas uirtutes necesse est, ut habeat.
 Quocirca uideri hæc oīa possunt eiusdē sensus nomi-
 na, scilicet Philosophus, Rex, Legisator, atq; Sacer-
 dos. siquidē, & lingua nostra Arabica sacerdotis no-
 men p̄ eo interpretatur, cuius operatiōibus fides est
 adhibēda. hic igitur, cui fides habēda ē, ppter actio-
 nes eius, quibus Philosophus est, sacerdos simpliciter
 est. Num uerò præterea, an ēt in eo prophetia deside-
 rari, & regri debeat, eximie cōsideratiōis quidē lo-
 cus est, quē nos (si Deus annuerit) in prima huius sciē-
 tiæ parte tractabimus: interim tamen sciri debet, si
 ita fortē sit, id quidē nō esse necessitatis, sed, & cō-
 moditatis, & melioris cuiusdā status gratia. Tū, po-
 stea q̄ de Philosopho quidnā esset disputatū est, ac cō-
 uenit, nullū esse in hac Rep. iure atq; natura principē,
 ac dominū, nisi philosophum: consentaneū est, ut eos
 mores enumeres, quibus natura, atq; ingenio orna-
 tus esse debet, quæ ornamenta, atq; insignia sunt
 quidem illa Regis ipsius naturalia, & propria. Ho-
 rum autem primum est, atq; præcipuum, ut ingenij
 claritate sit aptus à natura ad eas sciētiās com-
 prehendendas, quæ contemplationis tantū sunt.

id autem maximè continget, si ab ipsa natura quid
per se ipsum sit dignoscat: ac deinde id ipsum ab eo,
quod ex accidenti est, discere sciatur.

PROXIMUM est, ut acriter, ac fideliter sit memoria,
nō obliuiosus natura. Quod si hæc duo ingenij bona
non obtineat, uidetur ille sanè ad discendum mini-
mè appositus: quandoquidem cōtinuo labore obrue-
tur, ut tandem præ tædio omnē lectionem, discipli-
namq; reiñciat.

TERTIUM etiam accedit ornāmentum, ut
amet ipse doctrinam, ac requirat, neq; ullam uniuersā
sapientiæ partem negligat. nam, & qui summo-
pere aliquid concupierit eius, quod desiderat omnes
omnino partes persequitur, ac species: ut exempli
causa, qui uini auidiores sunt omnia uini genera se-
dulò, ac uehementer requirunt. simile est etiam in ef-
feminatis, & mulierum amatoribus.

QUARTUM insigne quoq; est, ut ueri ille ama-
tor sit, inimicus, aduersariusq; mendacio. etenim, qui
ipsum, quod est affectat cognoscere eo modo, quo est
ueritatem diligit: neq; ueri amicus quispiam menda-
cium non odit. nullus igitur uir, cuiusmodi eum esse
uolumus, mendacium amplectetur.

QUINTUM illi etiam pernecessarium est, ut
corporeas uoluptates exhorreat. nam quicunq; ali-
qua in

qua in re magna uoluptate capti sunt, eorum animus
a reliquis omnibus delectationibus auertitur: idq; in
philosophis, quorum animus ad nihil aliud, quam do-
ctrinam inclinat.

SEXTVM QVE hoc etiam additur, ne ullius
quæstus cupidus sit. nam, & ipsæ pecuniæ per se cupi-
ditates quodammodò sunt, quæ omnes ab his uiris
sunt omnino alienæ.

SEPTIMVM est, ut præstantis, perspicacisq;
atq; acutæ sit ratiocinationis. nam qui uniuersa co-
gnosceret laborat, nusq; se patitur cognitione rerum
defici, ut pòt uis illa cognoscēdi ferre: atq; is quidē
incomparabilis est ad contemplandum uirtutis. neq;
enim quicq; meritò huic ratiocinanti animæ compa-
rabitur.

AD HAEC Fortitudo quoq; in hoc octauum
obtinebit locum. nam sine fortitudine rationes illas
debiles, non demonstratiuas, in quibus eum educari
contigit, nec contemneret, neq; refelleret. quod qui-
dem magis etiam perspicuum est in his, qui in nostris
ciuitatibus educati sunt.

NONA deniq; uirtus, ut per se ipse moueatur ad
id, quodcunque bonū, honestumq; uidebitur, tum lu-
stitiæ, tum aliarum specie uirtutum, ac demum hoc
modo continget, si anima ipsa concupiscens totam

se credat rationi, ac excogitationi. Adde eum insu-
per oratorem perfectum esse debere, ita sanè, ut eius
oratione sua in doctrina ad id omne, quod maximè
desiderat foeliciter perueniat. ad hæc comprehen-
dat breuiter, & facillè medium in ratione (terminum
quem uocant). Hæc itaq; instrumēta animi sunt, qui-
bus uir huiusmodi instructus esse debet. Virtus autē,
uiresq; corporis in istis, & custodibus eadem ponun-
tur, ut sint utiq; firmæ, salubrisq; constitutionis, cor-
poreæq; temperaturæ. Sic equidē cui ab incunte æta-
te hæc omnia affuerint, cuiq; euenerit, ut in ea, quam
post describit institutione, doctus, formatusq; fue-
rit, profectò is ad imperandum huic Reipu erit ido-
neus. Ex quo esse uidetur id, quòd rari admodum hu-
iusmodi homines, difficilesq; inuentu sint: qua ipsa
causa, Res quoq; publica huiuscemodi non obuia pas-
sim, atq; frequens, sed inuentu rarissima.

N E Q V E sit summopere alienum, si quis hic ad-
dubitet, dicatq; non posse talem ciuitatem existere,
nisi, dum quales superius descripsimus, homines tales
inuenientur: nec sanè eos inueniri, nisi in hac ciui-
tate moribus illis educati fuerint. Quamobrem col-
lectum esse uidetur, quòd rationibus fieri posse à
nobis ostendebatur, nunc prorsus esse nunq̃ posse.

A D I D autem non incommode dici potest, non

esse dissentaneum, ut nonnulli per se, ac naturali quadam affectione his, quos perscripsimus, moribus instructi sint. ad hoc etiam, naturæ ipsius instinctu, legem aliquam communem, quam certè nonnullæ gentes, uel populus eligit, accipiant. præterea etiam, ut propria se religione astringant, quæ legibus tamen humanis non sit dissimilis. Sicq; nõ incongruum est, ut processu temporis in sapientes euadant, ueluti etiam hac ætate nostra, hac nostra lege res habet. Ergo, si contigerit uiros ita moribus, uirtutibusq; instructos potentia, atq; authoritate ualere, quanq̃ incerto, infinitoq; nobis tempore id accidat: sic utiq; talis Respub. qualem descripsimus, atq; quærimus existere poterit.

T V M uerò, simulatq; ab illo ostensum est, si quando talis Respub. contingat, oportere eius administratores sapientes esse: inuestigare incipit, quam ob causam eæ, quales nunc extant ciuitates, nihil philosophorum, & sapientum opera adiuuentur. Dicitq; idipsum duabus de causis accidere, quarum altera est, ex eo quòd hæ ciuitates nolunt ueris philosophis, sapientibusq; credere, neq; admonita eorum respicere: uideaturq; illis inter sapientes ipsos, & ciuitatum (quales nunc sunt) ciues simile quiddam intercedere, quod inter peritum gubernatorem

scientiæ nauigatoriæ peritum, nbiq; eam artem pro-
fitentem, atq; offerentem, à nullo tamen, qui artis
ipsius cupidus sit receptum, atq; imperitos alios nau-
tas, qui artem quidem primùm ipsam doceri debere,
uel posse negant: deinde, atq; arti ipsi tantum autho-
ritatis, aut dignitatis adhiberi uolūt, ut eius author,
atq; professor reliquorum nautarum sit princeps.
Quin etiam inter eos, si fortè quis artem ipsam af-
firmauerit doceri debere, ei omnes graues sunt, atq;
inimici, è nauig; eum expellunt: is autem totius nauis
gubernaculis admonetur, ac præest, qui ab illis omni-
bus de nauigandi ratione non discrepat. idq;, uel in-
uitis reliquis nauigatoribus nonnunq;, uel alio quouis
pacto, ut principatus, & iniri, & arripi solent. Sicq;
cum is nauis totius gubernator, magisterq; effectus
sit, inter illos similis erroris, atq; imperitiæ uiros,
nunq; à ueri rectoris, gubernatorisq; officio discessis-
se aduertetur, immò in eius odium quandoq; deue-
nient. Simile quidem sapientibus, cum harum ciuita-
tum habitatoribus accidit. Nec se in comparatione
illorum sapientes, aliterq; medici ad ægrotos habēt,
qui neq; medicinam artem sanandi esse putant, et ea
ipsa de causa medicos respuunt: ipsisq; asseueranti-
bus sanitatem restitui posse, ipsos lapidibus uulnera-
re attentant. Quare cuiusq; medici actio nulla per-

ficitur, ac finem suum habet, donec totum se agrotus
 fidei medici committat: quin potius, qui aduersa
 est ualitudine, ad medicorum fores (ut inquit) neces-
 sariò se confert. Par, inquam est, philosophorum ad
 eos, qui nunc sunt, ciues cõparatio. Et hæc prior cau-
 sa est, quam obrem his temporibus sapientes nulli re-
 liquis ciuibus usui sint. Altera uerò, quoniam ex his,
 qui se ad philosophiam conferunt plurimi, pauci sunt,
 atq; peruersi admodum, quod ipsum accidit, siqua ex
 his uirtutibus quæ superius sunt uero sapienti attri-
 butæ defecerit. neq; id mirum, præsertim cum raro
 inueniri possit, qui harum omnium numerum impleue-
 rit: ac si quando talem inueniri contingat, non sit
 adeò promptum, ut hanc scientiam, hoc est philoso-
 phiam perfectè assequatur. Illæ siquidem omnes enu-
 meratæ uirtutes magna ex parte philosophiæ offi-
 ciunt, illorum maximè, qui nostris in ciuitatibus nati
 sunt: idemq; patiuntur, quod plurimi ægroti, quibus
 morbus ipse ex optimis cibis aggrauatur, cumula-
 turq;: idq;, quod seminarijs egregiarum plantarum
 accidit, quæ, cum in locum incidunt minimè sibi con-
 gruentem, nec alimentum naturæ suæ aptum suffici-
 tur, in pessimum plantarum genus degenerat. Simi-
 le ergo est in his probis, generosisq; ingenijs, si in
 nostris ciuitatibus educetur, et instituatur iusta, le-

G in

gitimaq; eruditione. nihil enim aliud causa sit maximorum malorum ipsis in ciuitatibus: quandoquidem, neq; pigra, torpescensq; natura, neq; pusillus, ac debilis animus, magnum aliquid, & grande adoriatur, præsertimq;, qui temperantiam non obtinuerit. Taliq; ex genere sunt nostrarum ciuitatū Principes, ficti quidem illi, atq; simulati, qui honesta omnia, ut scientiam, & reliqua id genus uituperent, ciuilesq; disciplinas, quotquot sunt, damnant, turpia omnia extollunt: quorum dominium Reipub. pestilentissimū, causa est præcipua afflictæ scientiæ, & eruditionis, luminisq; illius extincti. Et genus quidem hoc, si exactè indagaueris, hominum, in his ciuitatibus frequentissimum occurret: quorum, quicumq; sæuitiam euaserit, hunc Deo propitio usum fuisse, diuināq; cura ita ab æterno præstituta, atq; protectione dici potest. Quotquot autem in studium philosophiæ se dabunt, nec superioribus illis uirtutibus consummabuntur: eos manifestum est non tantum ciuitatibus esse inutiles, uerum etiam sapientiæ ipsi nõ parum obesse: utpotè, cum frequentissimè accadat, ut tales uiri ad ioluptates, & turpia omnia, ad rapinas, ad fraudes uota se inclinatione conferant. quandoquidem nullam ipsi per se uirtutem obtineant, quæ eos ab huiusmodi inhonestis rebus contineat. Sed neq; sermonibus sunt

ueraces, quibus, dum ciuibus auferunt sua, atq; rapiūt,
ad incutiendum timorem utuntur. Sic itaq; philoso-
phia opprobrio sunt, neq; non maximè us officiunt,
qui ad eam ipsam parati sunt, atq; idonei: uelut hac
nostra ætate accidit per frequenter. Quod, si fortè
contingat Philosophum in huiusmodi ciuitatibus ue-
rum, perfectumq; educari, ei non absimilis erit, qui
inter feras rapaces, atq; sanguinarias morā traxit:
qui equidem, ut non cogitur inuitus esse, cum illis fe-
rocissimis bestiis nocens, ita in tuto ipse nō est, quo-
minus fontes illæ feræ in illum irruant. Itaq; ad di-
uersum uitæ institutum se referet: nempe, ut in soli-
tudine uiuat potius, ac sic frustratus sit præstātia uir-
tutis suæ, atq; perfectione, quam certè in ea ciuitate,
quæ à nobis rationibus descripta est, nancisci po-
tuisset.

T V M, ex quo probauit rationibus, cuius Philoso-
phus naturæ esse debeat, cui simplex Philosophi no-
men conueniat, dicitq; nullā uia esse, qua Resp. salua
esse possit, nisi uiris huiuscemodi imperatibus, & ostē-
dit causam, ob quam talis Resp. inuentu difficilis sit,
tum quo modo contingat, naturam hanc Philosophi
nociuam esse per accidens: sequitur nunc locus ipse.
in quo disputandum sit de eruditione huius generis
hominū inter reliqua, quæ in ciuitate sunt. Hoc autē

genus principum est, quorum non potest iniri ratio, neq; erudiendi, neq; educandi, nisi finis ipse in aperto sit, ob quem humano generi administratione horū opus sit: quem certè nobis imprimis, & inuestigari, & sciri oportere par est. sic enim, & singulorū quorumq; quibus erudi quiq; atq; institui debet, sermo fieri poterit. Nam incognito fine, haud quā eius rei necessitas, quæ ad finem perducit cognoscetur. Cuius rei inuestigatio, etsi ad primam huius scientiæ partem maximè pertinebat, nihilominus absonum nō sit, ea de re hic aliquid differere. sic igitur dicamus, Hominem, quum res quædam sit naturalis, necessarium esse finem habere, gratia cuius est: siquidem quicquid naturaliter est, suum habeat finem, ut est in naturali scientia expositum: imprimisq; id homini ipsum conuenit, ut reliquis rebus prestantior est, atq; nobilior. Cumq; homini, uelut à necessitate insitum sit ut in ciuitate uiuat, ideo qua ratione ciuitatis pars est quædam, præstitutū sibi finem habet: neq; quenq; fallere potest, finem hunc, cum certè unius rei sit, unum quoq; esse oportere: siue specie id intelligatur, ita ut à singulis percipiatur, sicut in illo uidere est fine, qui numero unus est: siue ratione, uel, ut Græci uocāt analogia, quæ gradus quosdam habet. Est quibus prius quiddam est, & posterius dignitate, siue at-

tributione, & respectu quodam, ac relatione multo-
rum ad unum: ueluti si complures perfectiones unius
alicuius gratia sint, & nonnullæ ob nonnullas alias.
sic enim res multæ una fiunt quodāmodo, alioquin hu-
mani fines plures essent. Et si humanæ perfectiones
hac ratione plures sint, possintq; uniuersæ in singulis
quibusq; inueniri: consequens erit, ut unusquisq; sui
gratia sit: essentq; in ciuitate ea ratione non plures
ordines uno, id quod fortasse nō potest fieri. Si uerò,
uel omnes, uel plures non ab omnibus, sed ab aliqua
tantum parte acquiri possint, in reliquis uerò deficiet
natura, quum eis suarum perfectionum finem de-
negauerit: tunc posterius hoc genus aptum est, quasi
alieno dominio subijci, prius illud, & excellentius ad
dominandum quidem aptum, & idoneum. Istorum si-
quidem inter se ratio, atq; dignitas similis est gra-
dibus perfectionum, quæ humana in anima insunt,
ueluti cum aliæ sint aliarum causa. At uerò, quæ pos-
sunt de humano fine à mortalibus considerari peni-
tus finita esse oportet: & nos quidem hac in parte
id exponemus, quod nostra tempestate propalatum
maximè sit.

DICIMVS ergo finem (ut quorundam fert opi-
nio) nihil esse aliud, quàm ut unusquisq; in sui corpo-
ris salubritate, atq; integritate, necnō sensoriorum

tutela summum constituat bonum. Huiusmodi mortalium si quis in unum conuentus fiat, necessitatis quidem gratia ille cogetur: neq; illis alius est finis propositus, quam necessitatis.

ALIi autem ita existimant, neminem quidem sibi deesse debere, ac res suæ uitæ necessarias negligere, uerum tamen finem illustriorem, ac maiorem, quam si necessitatem tantummodò spectaret, oïno habere. Idq; in rebus naturæ permultis perspicere est. Visus siquidem non homini ad necessitatem, uerùm ad præsidium. Contrarium de tactu est, neq; enim ullum est animans, quod sensus eius expers sit. Præterea tamē qui de humano fine in hunc modū arbitrati sunt, dissident inter se q̄maximè: utpote cum ex his alij in diuitias, alij in gloriā, alij in uoluptates humanarū rerū finē conferunt. Ex quibus qui uoluptates asserūt, inter se bifariā diuiduntur. nonnulli. n. ex his ipsis corporeas uoluptates, sensoriasq; finē esse autumauerūt: qui sanè supiori illi primæ sententiæ proximè accedere uidetur. Alteri i intelligēdi delectatiōe fœlicitatē cōstituerūt. Præter hos ēt oēs alij summū bonū in imperio cōstituerunt, ita sanè, ut alijs imparēt, atq; dñarētur: tumq; delectabilia oïa rerū oïum genera, tū diuitiarū, tū gloriæ, tū reliquorū etiam, quæ ipsi apud se magni esse existimāt, sibi uendicent. Leges uerò nō-

stræ, quæ his t pibus uigēt, de ea re quid sentiāt, Deus
scit uerū. id sola prophetia sciri pōt. Quod quidē, si le
ges inspexeris, faciliē apparebit, duplicem hunc esse
finē. alterum si quidē ex rerū à materia liberatarum
scientia esse: alterum in rerum humanarū actiōe exi
stere, qui ipse ad mores, de quibus leges ipsæ admo-
nent pertinet: sicq; idem, & legi, & philosophiæ ge-
nere, atq; tractatione propositū erit: ob idq; non de-
sunt, qui opinati fuerint, leges ex antiqua sapientia
emanasse. Oībus ergo ex supioribus sententijs faciliē
possit colligi, bonū, ac malū, utile, atq; nociuū, hone
stū, turpe esse nō ex suppositiōe, sed ex natura certū
quiddā. qñquidem quicquid ad finē pducit, id qdem,
& pulchrū, & bonum est: quicquid aut à fine inter-
cludit, aut auertit, malum, & turpe. nec aliud uidetur
esse quod eæ religiōes agūt, curantq; in hisq; nostra
imprimis: quin ēt non pauci ex his, q; regiōes nostras
incolūt idipsum de nostra lege sentiūt. At uerò Theo
logi nostri, qui loquentū (ut uocāt) sectā imitantur,
ex ipsa religionis contēplatione ducti sunt credere,
quòd id, quod Deus uult nullā habet præfixam, ac de
terminatam naturā: et sic nihil esse, quòd non ad di-
uinam uoluntatem, & arbitrium redigatur. At
eo modo, neq; honestū quicq; neq; turpe nisi ex po-
sitione, atq; arbitrio quodam dici poterit: ampliusq;

eo modo finis humanus nullus erit, nisi sola positiōe. Id autē adducti sunt, ut crederent, conantes, ea, quæ in lege Deo assignari, atq; attribui uiderant, defendere, atq; seruare, ut quod de eo dicitur posse omnia, uelle omnia, uoluntatemq; putent diuinam ad omnia ferri posse. quod cum per singula currat, feraturq; omnia igitur hoc modo possibilia sint. Sapissime autem solet idem in contemplatione legis euenire, ut uidelicet primū quæcunq; Deo ascribuntur enumerent: deinde studeāt, ut in re ipsa ea omnia comprobentur, ac respondeant, præter ullam huiusmodi attributorum positionis confusionem, & offendiculum. Enimuerò non sine maxima perplexitate dubium illud dissoluent, idq; etiam, si, quæ imaginantur, sibiq; affingunt, ex eorum sententia, in lege clara, manifestaq; essent. Sed ipsi ex hac opinione in errorem, atq; hallucinationem maximam inciderunt, maximeq; ab humana natura adhorrentem: quin etiam absurdum uideri possit, legem aliquam ea de re commemorare. Et de humano quidem fine, quæ hominis est beatitudo, ea sunt uulgares, magisq; tritæ opiniones: quæ ipsæ apertius falsæ sunt, q̃ ut id ulterius declaretur. Philosophorum uerò sententias tunc exequendi locus erit, cum ad id, quod inter se disceptant, rationibus indagādum peruenierimus. est enim eorum inter

se controuersia, de parte animæ, quæ rationem continet. Nunc igitur ad eum sermonem, undè digressi sumus reuertamur, deq; uero fine disseramus, si tamè prius à naturali philosopho id, quod conueniet, repetierimus, ac receperimus: sic tandem enim adipiscemur facilius, quod ex hac ipsa scientia elici potest. Sic ergo dicimus, huius artis ciuilis professorem cū naturali philosopho, hac in quæstione sentire. nam, & de fine (quæ naturalis corporis pfectio, seu actus est) ipse naturalis philosophus disputat, eamq; ipsam alijs perfectionibus comparat, & confert, si plures in eo animaduertat inesse. Enimuerò, cum ex humanis perfectionibus nihil planè natura, nisi præparatiões exhibeat, uel principia quædam, ad illas facilè assequendas. sic igitur cum illas, nec perfectè nec integrè natura præstet, si non, & uolūtas, & electio animi, atq; diligentia adhibeatur: ex eo scientiæ ciuilis professor non ab re de fine humano pertractat, scilicet quatenus electio, consiliumq; animi, atq; uoluntas eum ipsum finem efficiunt. Insuper, cum in naturæ scientia iam sit probatum abundè, hominem ipsum ex corpore constare, & anima: eamq; esse corporis ad animam rationem, quæ materiæ ad formam: atq; è contrario animæ ad corpus, qualem formæ ad materiam: ipsamq; materiam esse formæ gratia, formæ

præterea gratia actionum ab ea prouenientium, atq;
affectionum. humana igitur perfectio, humanusq;
finis, ex illius actionibus operibusq; dependet. In-
biq; satis præterea demonstratum, actionum huma-
narū nonnullas, & hominibus & rebus cæteris, tum
simplicibus. tum compositis cōmunes esse, quas sanè
quidem ex communibus formis necessarium est pro-
duci: nonnullas uerò proprias, quæ sine controuersia
propriæ ex formis, siue una, siue pluribus insunt.
Ampliusq; illic monstratum, simplicia corpora, quod
habent cum homine cōmune, id potentiæ est, ac mo-
menti cuiusdam ad hoc, uel illud inclinātis. quæ cer-
tè inclinatio ex tali potentia coorta, atq; in hāc for-
mā inducta, neq; anima est, neq; ipsius animæ actio-
nes. Illic etiam nunc expositū est, quomodo necessa-
riò homo id, quod habet cum corporibus compositis
commune, sit ipsa anima: suntq; talia corpora bifa-
riam diuisa, nempe aut in plantarum genus, aut in
animantium. Stirpes autem, herbæ, plantæ uegetati-
uam, nutritiuam, generatiuamq; uim animæ: animā-
tia uerò, sentiendi, & imaginādi facultates cum ho-
mine communicāt. In concupiscentia uerò, partim cū
homine conueniunt, partim ab eo ipso discrepant.
Homini uerò nemo ambigit uim rationis necessario
propriam esse: rationis autem potentiam in duo di-

vidi, in rationem scilicet, quam actiuam, seu practi-
 cam: et in contemplatiuam, quam scientiæ esse dicunt.
 Illic insuper ostensum est, formas illas communes ad
 has proprias, ac præcipuas eam seruare rationem, ac
 proportionem, quam materia ad formam, & homi-
 nem quidem ob propriam formam suam esse. Simili-
 terq; de unaquaq; re dicendum, ex propria forma sua
 esse id, quod est, ex eaq; proprias actiões exire. Ve-
 rumenimverò, cum, & bonum, & malum aliqua in re
 ita inueniantur, ut in eodem actionis genere consi-
 stant, quemadmodum ipsa in pulsatione chordarum
 sonus, & bonus, & malus dignoscitur: ipsisq; actiōis
 laus in homine, atq; uituperiū, propriæ quidē actiōis,
 non alterius cuiusq; intelligitur. Sicq; humanus finis,
 humanaq; felicitas in hoc tota uersatur, ut operatio-
 nes ppriæ, in eo ipso sint maximope bonæ, & probæ:
 atq; ideo definita est felicitas, ut animæ actus sit ra-
 tiōalis, cū uirtute cōiunctus. At quoniā rōnalis quoq;
 animæ partes, ut ibidē monstratū est, sunt duæ, idcir-
 co, & uirtutes non una sunt specie, nec ipsæ per-
 fectiones etiam. Et rationalē quidem ipsam bipartitā
 esse ibidem ostensum est, quippe in actiuā, seu practi-
 cam (ut paulò antè dicebamus) & in contemplati-
 uam: consequens ergo, est perfectiones ipsas, alias
 contēplatiuas quoq; alias actiuas, seu practicas esse.

Verum, cum concupiscibilis, seu cupiditas, pars etiā ipsa sit animæ, uideturq; illa in homine excitari, & concupiscere, prout ipsa contemplatiua præcipit, ac ei maximè adhæret: ex quo sequitur etiam partem illam cupiditatis, ad rationalem ob hanc causam attingere. Quocirca perfectiones ipsas trium generum esse apparebit, uidelicet contemplatiuas, præterea morales uirtutes, & postremò artes ipsas effectrices, seu operarias. quæ etiā ipsæ, cum bifariā diuidantur. Alterum enim est genus earum, quæ, ut munus suum in proposita materia exequantur nulla re alia indiget, quàm scientia, & cognitione præceptorum uniuersæ artis. Alterum, quod ad agendum alia quadam uirtute aduentitia, & coniectura præter hæc uniuersalia præcepta indiget, ut singula elaborètur, atq; efficiantur ipsa ex arte, additis præterea temporis, loci, aliorumq; similium circumstantijs. Quocirca hæc planè intellectus, seu rationis pars ab altera omnino differt, et sic utrobique differentes uirtutes. Quatuor ergo perfectionum, uirtutumq; genera sunt, scilicet contemplandi, excogitandi in artibus, atq; in eisdem, quod excogitatum est opere exequendi, ac morum. Ex quibus quoq; manifestum est, humanas uirtutes plures esse. quæ cum unius rei perfectiones sunt, necesse est alias propter, alias esse, seu eas ipsas

huntur, simpliciaq; inspiciuntur. Verum sedulo danda est opera, ut illi sensim rebus intuendis luminibus assuescant: primumq; lunæ, aliarumq; stellarum radijs committantur, & tandem, uelut per gradus ad solis intuitum comparentur, resq; tandem clarissime diiudicent. eodemq; modo paulatim philosophi instituendi, atq; effingendi sunt: ab hisq; eruditionis primordium ducendum, quæ facile ipsi perdiscere possunt. Cumq; Plato inuestigauisset, quæ illis primum scientia maximè accommodata erat, eam certè numerorum notitiam esse uoluit. Nam illi, iam simul cum custodum liberis, à pueritia musica, atq; gymnastica institui sint. Atq; gymnastica ipsa ad corpus certè magis attinet, musica uerò, quæ illis traditur, ea quidem est, quæ fabulis utitur: quæ certè non potest tantum efficere, ut possit intellectum scientiarum contemplatiuarum alicui præstare, & tradere. Hæc autem numerandi scientia inter contemplandi facultates omnino enumerari debet, & est doctrinarum certè omnium facillima: & huius rationis sunt aliæ mathematicæ disciplinæ, illæ aut sunt, Arithmetica, Geometria, Astrologia, Musicaq; inter has aut etiam ipsas facilitate est Arithmetica princeps, cum maximè nuda sit, atq; libera à materia. est ergo ipsa Arithmetica illis relijs facilior, ad cunctasq;

res magis communicans : secundo autem loco Geometria, deinde Astronomia, postremo uerò loco Musica succedit. Neq; uerò fallere quenq; debet, eas ipsas scientias ante omnia à sapientibus disci debere, exercitationis, atq; assuefactionis causa. nam earum intelligibilia, ut plurimum nō sunt intenta, & proposita à natura, & ideo tractatur in eis de infinito. Tandem earum intelligibilia sunt omnino imperfecta, cum nō in suis proprijs subiectis deprehendantur, sed imaginatione quadam, ac fictione concipiūtur. Ob idq; bifariam Plato rerum intellectū partitus est, ac priorē sanè ualidum ipsum, atq; potētem, intelligentiam appellat earum rerum, quæ ueræ sunt : secundum uerò cognitionem nominat, quæ est simulachrorum, imaginumq; rerum existentium intelligentia (seu intellectus) : atq; ea ipsa notitia scientias illas mathematicas completitur, putatq; ipse similem quandam rationem esse intellectui rerum cum sensu. nam, quemadmodum ex sensilibus nonnulla per suam essentiam nonnulla per simulachra (seu phantasmata) & species apprehenduntur : multorum siquidē umbras, atq; simulachra, siue colores assequimur sensu tantūmodo. eadem quidem est in intelligibilius ratio. Porro, cum ipsarum mathematicarum scibilia (ut diximus) sint infinita, earumq; subiecta quoq; ignota, de quibus
quidem

57
eas ipsas uniuerſas in ſingulis inueniri par ſit, ſiue in
aliquibus tantum: at ſingulis quidem mortalibus uni
uerſæ comprehendi non poſſunt, uerum poſſunt ea-
rum nonnullæ in aliquo, & illo quidem diuino homi-
num genere inueniri. Verum ex moralibus uirtuti-
bus nonnullæ poſſunt eſſe omnibus communes, inter
quas eſt temperantia: & quidem propterea, hominum
genera ex uirtutum generibus digerenda ſunt, ut
inferius, minusq; perfectum præſtantioris gratia ſit.
nam qua ratione uirtutum ordo in unico homine di-
ſtinctus eſt, atq; diſpoſitus, eadē in multis quoq; ho-
minibus diſponetur. quod quidem ei rationi conſen-
taneum eſt, quæ homines multos omnibus uirtutibus
præditos ad meliorem humanitatis conditionē, coire
in unum coegit. Nam ſi ſinguli adipiſci potuiſſent
uniuerſas uirtutes, non ſolum oporteret, ut unusquisq;
in ſeipſo, & imperantem haberet, & obſequentem
conditionem, & uelut dominum, & ſeruum: ſed, &
iſta natura aliquid ſuperuacaneum feciſſet, cum oēs
ad dominandum parati, aptiq; eſſent: id quod ſanē
eſſe nequit. neceſſe enim eſt dominum non. carere
ſeruo, qui dominiū admittat, atq; obſequatur. Et per
fectiones eæ uniuerſæ, ut uno in homine aggregen-
tur, id admodum difficile eſt, nec niſi portento quo-
dam, prodigioq; ſit. Contingit uerò frequentiffimè,

H

ut aliud ad alias uirtutes genus hominum aptum sit,
atq; aspiret: idq; facile patebit, si in singulorum na-
turam intueamur.

POSTEA QVAM quid humanæ perfectio-
nes, quid animi uirtutes essent dictum est, declarati-
etiam est, alias aliarum gratia uirtutes, & uideri, &
esse, adeò ut una afferri possit, ad quā ceteræ omnes,
ut ad finem dirigantur, neq; ob aliam quācunq; rem
sint, ipsa autē illa propter seipsam, non propter aliā:
eāq; perfectio summa hominis, atq; suprema fæli-
citas, de qua nobis proposita est inquisitio. Dicen-
dum ergo imprimis est, Artificia ob necessitatem
primū inuenta fuisse, propter inopiam scilicet, quæ
in statu humano inest: nec cōmodè tamen homo ci-
tra illas, aut uiuere, aut agere possit, nihilosecius
quā non potuerunt infinita propè animantia sine
proprijs quibusdam, & habitibus & affectibus natu-
ralibus, necnon operibus reperiri: quemadmodum fi-
guræ illæ sexangulares, & fauos struentibus api-
bus, & texentibus araneis, familiares sunt. Et uerò
illa speculandi pars, uidetur equidem ex naturæ dis-
ciplina intuentibus, homini non inesse propter ne-
cessitatem, sed melioris cuiusdam conditionis, atq;
angustioris status gratia: & quidem, quod in ipso
est huiusmodi, ut propter excellentiam, atq; di-

gnitatem insit, præstantius haud dubiè est, atq;
dignius his omnibus quæ necessitas, & indigen-
tia inuenerunt. Pars igitur rationis, quæ effectrix,
uel utiq; artifex est, ob speculandi commoditatem
est adinuenta: id, quod res ipsa manifestissimè
comprobat. Quis enim nescit artes huiusmodi, &
opificia causa operum, in quibus uersantur, esse
adinuenta? ipsaq; opera, ob rerum uarietatem? sed
homo ipse qua ratione his in artibus uersatur, quasi
se alieno addicit, atq; quibus suppeditat necessa-
ria, ij reuera domini sunt: non autem propter
aliud quis iure dominus est, quàm propter eum ani-
mi affectum, quo melior, ac præstantior existit
eo, qui seruitutem admisit. Affectus uerò ille, quo
quis præstat inter cæteros maxime, ea pars est ani-
mæ, quæ contemplatur, atq; speculatur. Neq; ali-
ter quàm hæc rationis pars contemplatiua, al-
teri actiuæ dominetur eadem in anima, Dominus
quoq; erit, qui est ad scientias speculatiuas para-
tus illi, cuius in suo ortu naturæ satisfactum est, ut
artificij cuiusdam tantummodò aptitudinem sortitus
sit: & huiusmodi quidem uiri natura serui sunt, ac do-
minatui alieno obnoxij. eadem est istarum inter se
animæ partiū ratio, quæ domini, atq; serui inter ipsos.
Quam dubitari possit, qua de re omnes illæ artes,

H ij

quæ in agenda re aliqua, aut faciendâ uersantur, ad
unam quâdam artem, uelut principem, quæ admini-
strandæ Reipub. ars est, redigantur, cum prius osten-
sum sit, hanc ipsam artem ad speculandum excogi-
tatam esse. Scientiæ igitur speculatrices ad agendû
præparât, iuuantq;. Neq; ulla inter has ipsas, & artes,
quæ agunt, efficiuntq; differentia est, quàm quòd illæ
effectrices artes inferiores superioribus illis infer-
uiunt, in suo administrando proposito: speculatiuæ
uerò scientiæ illis etiam artibus authoritatem ac do-
minium præstant, ad exitum, & finem suum adiuuan-
tes, ac disponentes, ueluti in reliquis artibus princi-
pibus, quæ inferioribus uim tribuunt; ducendo ad
suum cuiusq; finem: uelut agricultura quidem prin-
ceps, ac præcipua ad particularem sibi subiectam se
habet. Sic igitur speculatiuarum scientiarum, & ar-
tium effectricium eadem esse uidentur partes: neq;
ulla, nisi ex dignitate, & ignobilitate differētia es-
set. In qua sententia non pauci nostris temporibus
philosophi permanent, qui in his rebus contemplan-
dis leuiter, atq; ociosè uersati, sunt sine ullo naturalis
seriei respectû, ac artificiosæ doctrinæ cōsideratio-
ne. Nos autem dicimus scientias speculatrices con-
templari quidem, idq; imprimis de natura philoso-
phiam, & de diuinis rebus (quâ Metaphysicâ uocât).

Nec sanè illæ, quæ contemplantur, ad operationem aliquam, aut actum referuntur, nec uoluntas quicq̃ ad ea constituenda proficit, aut ualet: idq̃; per se notum est, ei præsertim, qui in his ipsis scientiis exercitatus sit. Si igitur nihil nos ad subiecti earum scientiarum statum, atq; substantiam conferamus, consequens est eas ipsas non esse ad agendum paratas, aut operandum præcipuè, sed neq; hominem per eas ipsas primo proposito alij cuiuspiam inservire: insunt illatamen homini propter melius, atq; præstantius quiddam, cum alioqui inesse eas frustra, aut temerè, esset per absurdum. Sed ne esse quidem hoc pacto possent, & ex his quidem, quæ nunc dicturi sumus, id manifestius apparebit. Est certè enim in prima philosophia statutum, res omnes bifariam partitas esse, ut aliæ sensu, aliæ intellectu comprehenderentur: idq̃; quod intellectu percipitur, principium quoddam esse ei rei, quæ sensibus est subiecta: finemq; & formam, & causam effectricem, & siquid eius in scientiis speculatiuis agitur, in ipso genere intelligendi contineri: propositumq; hominis, atq; institutum, quatenus est ipse res naturalis ad illam intelligibilium rerum naturam, quoad potest, ascendere laboret, & contendat. eoq; intelligi potest, eandem esse rationem huius naturæ humanæ intelligibilis, ad ea, quæ in homine sunt, tum

H ij

anima, tū corporis, quæ est ipsius naturæ simpliciter
intelligibilis ad eā, quæ sensibilis est. Eadē similiter
est rō, & proportio ipsius naturæ intelligibilis, qua-
tenus uolūtate acquisita est, ad reliquas res uolunta-
rias oīno. Sic igitur dominatur quidē rebus uolunta-
rijs, quæadmodū & ipsa natura intelligibilis ipsi sen-
sibili, rebusq; ex uolūtate nostra pendentibus princi-
pia, quibus cōstent, præstat: quæadmodum, et ipsa in-
telligibilis natura ipsi sensibili essentiā, ac consisten-
tiā præstat, nō tamē ita, ut illa intelligibilis huic sen-
sili inseruiat. probatū iam est uerū, quod ita cōsequēs
sit, & uelut necessariò subsequatur. Scientiæ ergo spe-
culatiuæ non parū ad agendū iuuāt, ac necessariæ
sunt ipsis rebus agendis eo modo, quo dictum est, na-
turam intelligibilem esse necessariam ipsi sensibili:
huiusq; ipsius partis, quæ ad intelligēdum parata est,
principatus, in reliquas omnes partes Reipubl. nihil
omnino differt, ab intelligibilis naturæ dominatu,
quo sensilibus rebus imperat. Ex dictis ergo uideri
potest, artes ipsas actiuas, siue uires, & facultates
quædam sint, siue opificia quædam principalia, ac
alijs præfecta, siue subministrantia, & inseruientia
alijs, illas quidem omnes ob contemplatiuas scien-
tias excogitatas esse, atq; inuentas. Nonnulli tamen
de his agendi artibus contraria senserunt his, quæ

de speculandi scientijs sunt opinati: eorumq; sententiam oīno destruunt, cū credant ipsi quicquid in his artibus intellectu tractatur, nō præcipuo, ac primo proposito ad sua opera dirigi, uel propter illa inueniri, sed taliū oīum intentiōem esse, res rectē discernere, & cognoscere: & operatiōes, ac opera (seu operata, ut aiūt) quæ ex huiuscemodi artibus proueniunt, nō ex primo proposito, sed, ueluti quid consequens sint: ut in motu celestiu corporū perspicuū est. Itaq; hac rōne artes ipsæ operariæ, seu actiuæ essent oīno uirtutes. qđ quidē maximē de illis artibus suspicādū esset, quæ rōne amplius utūtur: & ppter illos habitus acq̃sitos ex huiuscemodi artibus, indirēti sunt, ut credāt aliqui, eos, qui in aliqua una harū artiu uersati sunt, ita demū affectos esse, ut sibi persuadēt rerū se omnium notitiam amplexos esse. Et certē quidem id uidemus in sua arte medicis accidere. Quāq; uerum profectō est, in illis ipsis artibus, siquid est intellectui referendum, id præcipuē ad actionem, & opus ipsum dirigi: in eisq; , si contingat aliquid contemplari, illud quidem non nisi per accidens fiet. Si igitur id ipsum finem artis esse constituamus, is ipse finis alterius profectō generis erit: ac nomen quidem, quo artes appellabuntur, æquiuocū erit, quale hoc in noīe Musica, quiddam est. dicitur enim quandoq; de arte

ipsa, quæ in actu, atq; opere quodam exteriori consistit: neq; nõ de ea quandoq; quæ contemplatur, atq; speculatur.

VIRTUTES etiã num excogitatiuæ, atq; inuentiuæ manifestissimè ob contemplatiuas extitisse uidentur? siquidem ipsæ sunt propter artes illas agendi, uel frequentius, uel præstantius. Artes autem istæ (ut iam supra diximus) sunt propter speculationem rerum institutæ: neminem enim latet excogitatiuas illas ad ratioem artium diuidi. Et quæadmodum una quædã ars absolutè princeps reliquarum artium existit, ipsa autem est Reip. administrandæ: ita etiam reperitur uirtus quædam excogitatiua princeps, & illa quidẽ est, qua illius principis artis actiones in materias inueniuntur, & diriguntur.

AD hæc, uirtutes morales uidentur quoq; propter intelligibilium speculationem esse. idq; primò ex eo, quod in scientia naturali declaratum fuit, præclare ostenditur: nempe concupiscentiam, atq; appetitum in duo diuidi genera, quorum alterum ex imaginatione, alterum ex cogitatione, & ratione emanat. Quæ igitur concupiscentia imaginaria est, impropria omnino est homini, sed animantibus, quatenus sunt tantum animãtia, propria quidem est. Posterior autem, quam cogitatione, & ratiocinatione agi di-

ximus, homini profectò propria est, & sua, neq; cuiq;
 alijs, quàm homini talis attribuitur. Neq; uirtutes mo-
 rales quicq; aliud sunt, quàm, ut hæc pars cõcupiscēs,
 quæ in nobis est id cupiat, quod ipsa cogitatio, atq;
 ratio fieri debere iudicauerit: nec non, & modum, &
 tempus, atq; locum ipsa statuerit, & præfixerit. &
 planum quidem est, ac manifestum, opus huiusmodi
 à nulla alia animi parte procedere, quàm ab ipsa con-
 templatiua. Quocirca hæc pars concupiscibilis, si di-
 gnitatem, ac uirtutem à ratione accipit, ratio pro-
 pterea ipsa, dignitate, & uirtute insignior appare-
 bit, præstantiorq;, atq; electior. hæc uerò in parte non
 pauca cum homine animantia participant, ut in ue-
 recundia Leo: quæ certè affectio humana est, quate-
 nus à ratione, & cogitatione, seu opinione existit.
 etenim propter quod unūquodq; tale, & illud magis
 (ut aiunt) Porro his uirtutibus homo instructus quo-
 dam modo ad inseruiendum alijs uidebitur. exempli
 gratia, Iustitia ipsa non nisi propter actiones exer-
 cetur: Temperantia, ob uoluptates, quæ honesta, &
 egregia acta impediunt: Fortitudo, propter res for-
 midabiles, ac molestantes: Liberalitas propter opes,
 & pecunias reperitur. At uerò scientia illa contem-
 platiua non instruit hominem, ut alijs subiiciatur, &
 seruiat, neq; puto quenq; hoc latere. Superiores præ-

13
terea omnes illæ uirtutes multò magis ad materiæ naturã spectant: nec possunt sine corpore ipso, si neq; instrumentis, ac rebus exterioribus consistere. quis enim liberalis nummis non indiget, ad ipsa liberalitatis officia exequenda? Quis item iustus, iisdem ad iustitiã ipsius munera non utitur? Fortis quoq; uigore, ac robore corporis indiget.

SCIENTIÆ autem speculatrice sunt maxime à materiæ consortio liberæ, atq; solutæ, ita certè, ut quoquomodo eas perpetuas esse oportere credatur. Et est quidem iam alibi ostensum, ea præstantissima esse, quæ longissimè à materia absunt. Verum enim genus hoc moralium uirtutum in comparatione facultatis speculandi, atq; perfectionis, uelut primordium est quoddam, ac gradus: necessarius ad finem obtinendum, sine quo obtineri non potest: Et ob hoc multis uidetur, huiuscemodi perfectionem esse finem remotum, cum sit remotæ illi perfectioni proxima. Ex his ergo, quæ diximus, clarum esse potest, humanas uirtutes quatuor generibus contineri, quibus certè finis, propter quem sunt, est ipsa contemplatio. At uerò an morales uirtutes sint ob actiuas illas artes, an è diuerso, an pars uirtutum illarum propter artes, rursumq; pars artium propter uirtutes, hoc quidem inuestigatione indignum non sit.

Verum nemo ambigit, quin uirtus illa inter omnes
 morales princeps, sit necessario ui excogitatiuæ (seu
 industriæ) principi adiuncta: et si uirtus illa prin-
 ceps, eam habeat rationem ad uim excogitandi prin-
 cipem, quam potentia, seu uis ipsa excogitandi ad
 artem principem, erit profectò, & illa propter istam
 artem principem: idemq; fiet in reliquis artibus non
 habentibus aliquod genus huius uirtutis. hac enim
 ratione, & respectu se habebit ad illas artes practi-
 cas, ueluti præparamentum, & præludium: & licet
 per eas illæ acquirantur, id quidē non sit nisi, ut eius-
 modi artis actio perfectior, & laudabilior redda-
 tur. & hoc ex sese satis perspicuum est. At uerò
 utrumcunq; sit, seu illæ artes propter uirtutes, seu
 uirtutes propter artes, utraq; simul contemplatiuæ
 facultatis gratia sunt. Quodq; de ratione, ac com-
 paratione istarum perfectionum humanarum inter
 se diximus, constat citra ulla controuersiam apud
 Peripateticos. At quoniam hæc speculandi pars non
 inest nobis statim à uitæ initio in sua ultima perfe-
 ctione, & actu, immò potentia nobis inest: & in
 naturalis scientia iam declaratum est, omnia, qua-
 cunq; habent suæ essentiae mixtam, adiunctamq; po-
 tentiam, ea tum summè perfici, cum citra potentiam

illam penitus actus ille syncerus reperitur. Eiusmodi
uerò, & perfectionem, & actum adsciscere, nostri
quidem arbitri, ac officij est. si quidem id ipsum ele-
ctione maximè, & uoluptate comparatur, quod na-
tura minimè nobis sua sponte elargiri ualet. Et ac igitur
perfectio, ad quam totis uiribus contendimus, &
cum qua uniti maximè perficimur, quidnam sit qua-
rendum est: utrum scilicet sit aliquid scientiarum spe-
culatiuarum, an ipsa aliqua dignitas præstantior per
illas: & si nihil illarum sit, utrum illud in nobis ipsis
existat, an quod extra nos per se ipsum consiet.

Ad quam sanè quæstionem assumendum est, quòd
qui putat speculatrices scientias illas quidem æter-
nas, & nobis actu inesse, humiditatis uerò cuiusdam
puerilis caligine immergi: qui sic ergo opinatur, ui-
detur quidem ipse accipere eas ipsas quodammodo
habere esse in potentia, siue fuerint illæ formæ sepa-
ratæ, quas Plato posuit: siue hoc quaecumq; est, sit
intellectus agens, aut quiuis alius dignitate isto in-
ferior. planumq; esse potest, humanam perfectionem
hoc modo, etsi non uoluntate acquiri, cum iam ipsa
ante uoluntatem insit homini, uoluntatem tamen ni-
hilominus habere in eius perfectionis definitione lo-
cum: qua pacto definitionem quoq; ipsa summarum
quarumq; perfectionum ingreditur, secundum quem

modum præludium ingreditur definitionem finis. Et si dicatur quidem id, quod uoluntate nos adipiscimur, scilicet quod acquirimus de perfectionibus illis ultimis, quantum natura nobis comparare concessit, talē perfectionem nos acquirere ea ratione, ac respectu, propter quem sumus quicquid sumus: scire quidem debes, quod si huiusmodi habitus ad uoluntatem referatur, eamq; admittat, aliter hic, quā illic uoluntatem accipi debere: cum ipsa uoluntas non ingreditur in rationem, seu naturam eius, quod substantiam nostram, atq; essentiam præstat, facit tamen ipsa uoluntas ad eam ratioem, qua intellectus agens est nobis perfectio. Eis uerò, qui speculatiuas scientias non æternas esse putant, uerum censent eas esse summam, ac ultimam perfectionem, uidebitur certè ipsammet perfectionē humanam uoluntatē præstare. ET uerò, qui illas ipsas scientias speculatrices æternas esse non credunt, sed humanam perfectionē esse cognitionem intelligentiarum separatarū à materia, ijs quidem duplex perfectionis genus statuendum est. nempe, ut & prima, & ultima sit: & prima quidem seipsam adipiscatur, secunda uerò adiumento quodā, atq; aliena ope comparetur. sed qui hoc exquisitè scire cupit, ad naturæ scientiam se conferre oportet. Redeamus igitur undè sumus digressi, procedamusq;

in tractatione eorum, quæ Plato de principis eru-
ditione differuit. Plato itaq; genus hoc hominum,
ut sunt scientes, & intelligētes uulgo imperito, atq;
rudi comparat: dicitq; uulgus simile esse his, qui à
pueris in specu educati, nunq̃q; egressi sunt, ni-
hilominus aspicere ipsi satagunt, quicquid in spelun-
ca appareat, nunq̃ tamen faciem ad ingressum spe-
luncæ conuertunt: & in illo ingressu sunt imagines
omnium generum animantium, seu statuae: à tergo
etiam earum est ignis, ita, ut ex illis statuīs nihil
aliud quàm umbras in concauo speluncæ repræsen-
tatas ex aduerso illi cernere possint: & certè rerum
omnium nihil præter umbram percipere poterunt,
quæ se illis aduersa in spelunca obtulit, opinabūturq;
præterea res ueras ab umbris nihil omnino differen-
tes esse, atq; id de uulgo ipso dictum. Sapientes uerò
n̄ sunt, qui illo ex antro egressi in uero lumine, atq;
fulgore uersati sunt, uerè res ipsas ad solis splendo-
rem, atq; lucem inspicientes. Tum quemadmodum
nemo statim quàm est à spelunca illa egressus, si se
uero lumini, atq; soli offerat, possit eum insuetum
splendorem sustinere, atq; intueri quicq̃: sic homines
huiuscemodi, qui sunt ad sapientiam parati se habe-
bunt, si protinus conentur aggredi ad contem-
planda ea, quæ intellectu à materia agrè abstra-

quidem primus contemplatur Philosophus (qui metaphysicus nuncupatur): idcirco Plato eas minore dignitate censet, ad præstandam humanam perfectionem, quàm cæteras speculandi scientias: dicitq; earum principia incognita esse, fines etiamnum incognitos, atq; consequenter, quæ inter principia, & finem intercedūt esse ignota. Cum igitur mathematicæ scientiæ non primo proposito, nec per se ad humanam perfectionem excogitatae sint, ut naturalis, & supernaturalis scientia: quanq̃ hoc in genere etiã mathematicæ illæ inter se differunt, ut in his uidere est mathematicis, à quibus duæ illæ, physica scilicet, & metaphysica scientia, aliqua principia ad suam cōtemplationē mutuuntur, ueluti hæc diuina sciētia ab astronomia numerum motuū accipit. nec solum hæc differentia in illarum generibus deprehenditur, sed etiam in partibus unius, & eiusdem scientiæ. Manifestissimè igitur posset colligi ex hoc, maximam illarum disciplinarum utilitatem, amplissimumq; atq; dignissimum propositum, non esse ad exercitationē, adaptationemq; intellectus, ad duas illas ultimas scientias adipiscendas. Neq; etiam dici potest, harum mathematicarum scientiarum institutum, ad opus, aut actionem esse, quanq̃ in singularibus earum inspicienti uideatur ab his aliquid agi. id quod ex vulga

non pauci in Geometria, & Musica opinantur: cum
ea res, de quibus ipsi cura quædam instituta est,
atq; tractatio, sint, & naturæ, & arti communes.
Triangulus nanq; æquilaterus (exempli causa) quod
necessariò tres lineas habet, ex duobus centris cir-
culorum æqualium exeuntes: quarum duæ, quæ supra
basim existunt cõcurrunt insuper punctum interse-
cantem utrũq; circulum. Id quidem neq; ligneo, neq;
æneo, nec cuiusvis alterius materiæ circulo proprium
est, neq; artificiali cuiq; quin commune est omnino
hoc ipsum, & naturalibus, & artificialibus. Ad hæc
singula quædã eorum, quæ à Mathematicis tractan-
tur, in materia posita esse uidetur. Si igitur hæc ipsa
ab illis disciplinis ita tractarentur, ut quæ materiæ
inessent, horum quatuor requirerentur causæ, scili-
cet efficiens, finalis, materialis, formalis. Cum ergo
sit manifestissimum disciplinas eas de forma tantũ-
modò quærere, manifestum igitur est singula, quæ
tractant huiusmodi scientias, si in opus transeũt,
indigere tunc, dum in actionem ueniunt, alia qua-
dam ulteriori notitia, quàm, quæ ab his disciplinis
tradita est. si quispiam enim ligneum sit triangu-
lum æqualium laterum confecturus, ad id, quod mo-
lietur non sufficiet id, quod ab Euclide in elemen-
torum suorum principio de ratione trianguli æqui-

lateri est ostēsum, nisi ad id ars quoq; fabrilis lignaria adhibeatur. neq; de hoc ambiget quisq;, qui in his scientiis exercitatus fuerit, cum per se illis sit manifestissimum. Atq; his in hunc modum disceptatis, apparet eos, qui huiusmodi scientias mathematicas prosequuntur, primum quidem ac proprium propositum habere, consuetudinem: quanq; ad hanc etiam accedat (ut inquit ille) cognitio quādam rerum necessariorum his operibus, quæ quisq; sibi proposuit, atq; sequutus est. Nam, cum sint custodes, cognitione non parum immemorum, & mensurarum indigent: idq; propter ordines hominum ad pugnam instruendos, atq; aciei figuras, & formas idoneas, necnon mensuras, atq; modos ponendorum castrorum. Indigent etiamnum temporum, & mensium, dierumq; cognitione nauigatores, nec per deserta tantum loca, atq; solitudinem iter facientes, uerum etiam hi, qui Camelis præfecti sunt. Musica præterea ea, quæ in agendo uersatur, eis est pernecessaria, cum ob alia, tum quòd ipsi eam in ciuitate instituerunt.

HAEC igitur est Platonis sententia, de institutorum illorum primordio: quæ idcirco illi talis est, quoniam ars logica tpe illius non erat. postea uerò q̄

est præceptionibus, & regulis nunc tradita, melius
est ab ea istorum disciplinam, atq; eruditionem inci-
pi: moxq; ut erit tradita, ad Arithmetica transire,
deincepsq; ad Geometria, Musica, Perspectiuā,
ad eamq; artem, quæ de ratione ponderum disserit,
ad Physicam, postremoq; ad Metaphysicam. Enim-
uerò, cum inter se ueteres diu, multumq; dubitaue-
rint, utrum Logicam prius, an Mathematicas artes
aggredi oporteret: ex hisq; nonnulli Dialecticam
excogitatā arbitrentur, ut, & roboraret intellectū,
& ab errore retraheret, idq; ita in interioribus ac re-
conditis scientijs, quas tractare ipsa cogitur, cuius-
modi sunt, & de natura, & de his, quæ naturam trā-
scendunt. Neq; Mathematicæ scientiæ ob facultatē,
& perspicuitatem Dialectica egerent, imprimis cū
non sint admodum cum materia confusæ, atq; inuo-
lutæ. Sed hoc, si ita est, & non sit sanè Logica ad ar-
tes mathematicas adipiscendas necessaria, si tamen
post eas acquisitas accedat, erit illa sine dubio ad
præstantiam hominis, ac meliorem quandam condi-
tionem. At, cum ad doctrinam huiusmodi hominū
nihil non egregium, atq; excellens perquiramus, nō
erit profectō alienum eos a disputandi arte incipe-
re. Plato uerò hos institui debere censuit facultate
musica, ut decimum, & sextum annum, aut decimū,

Et septimum attigerint: neq; id etiam prius q̃ prauis,
 qui iam dicti sunt, moribus purgati sint. Tum etiam
 equestri exercitatiōe ad uigesimum usq; annum utā-
 tur, atq; iam inde superiore seruato ordine ad Philo-
 sophiam addiscēdam se conferant. ante quam etatē
 Plato eos sapientiam attentare minimē permittit,
 propterea quidem quòd eorum opinio, atq; iudicium
 nondum sit ad tantam rem idoneum, nec ratio qui-
 dem firma, & constans. Accedit ad hæc, quòd qui
 præmatura etate fabulis, atq; figmentis enutriti
 sunt poeticis, illi legum constitutiones quantum pos-
 sunt sugillant, atq; abrogant, & ita maximè dum
 apud uulgus ratioibus suis infringere leges, atq; sta-
 tuta pertentabunt. Neq; (ut inquit ille) per fabulas il-
 las, & fictas, quibus sunt imbuti, oratiōes aliter affi-
 ciuntur, q̃ qui, quos prius parētes esse putauerat, adul-
 tus, ac iam grandior, ualidiorq; solūm putatiuos in-
 telligit, & se non legitimum illis, sed falsò creditum
 filium, aliosq; sibi esse parentes ueros. siquidem quis
 eum tunc non autemet exuturum filij animum, o-
 mnemq; reuerētiam, quam antea habuerat erga fal-
 sos illos parentes, ita ut eò res redeat, ut plerunq; ab
 illo isti contēnantur, & negligentur. Similiter quoq;
 his accidere solet, qui à parētib; ante maturā eta-
 tem disciplinis huiusmodi committuntur. nam quæ in

illis solertia est, atq; libertas, leges rationibus suis
eludere cupiunt, & ueluti dilacerare, ut ludentes ca-
tuli solent eorum, qui ad se propinquant uestes dila-
cerare. Id quod etiam tu in his facile philosophis esse
anima duertes, qui in his nostris Rebus pu. uersantur:
quibus ipsis nihil certè dānosius esse potest. At uerò
Platonica Reipub. sapientes futuri, iam inde ex quo
sapientiam erūt aggressi, illam percurrere, atq; per-
legere scientiam non intermittent ad quintum, &
tricesimum usq; annum: & tum deinde rei militaris,
& bellicæ administratio eis committetur, idq; con-
tinuatis annis quindecim, ut tandem quinquagenarij
ad magistratum Reiq; pub. administrationem apti
sint, atq; imperent. ad quod munus cū per ætatis im-
becillitatem erunt inutiles, in beatorū (ut inquit Pla-
to) insulas transmittantur. Intelligit autem (ut opi-
nor) per insulas, contemplationem formæ boni, quod
ipsum uerè esse credatur. quòd si aliquis forrè crede-
ret reperiri humanum bonum per se existens, necnō
aliarum uirtutum usum eius ipsius contemplationem
impedire: propterea (mea quidem sententia) Plato
nō. perperam uoluerit, ut Philosophi illi ad boni illius
cuiusq; considerationem in extrema sua ætate segre-
gentur. Quin etiam inquit, cæteros quosdam dies à
ciuib; reliquis designatos habere debere, per quos,

Eorum concelebrentur uirtutes, atq; res gesta, et
 his sacra fiant, honoresq; habeantur, quales apud ru-
 sticos daemionibus praestari solent. Eadem est mulierum,
 quae ad honores, atq; administrationem facta sunt, et
 educatio, et reuerentia, cultusq; cum iam dixerimus,
 mulieribus cum uiris omnia officiorum genera com-
 municata esse. Plato autem huius ciuitatis admini-
 strationem optimam existimat, etiam si plures, quam
 unus, huiusmodi Philosophi in hac Repub. potentiam
 naeti fuerint. Hac ut Plato explicuit, modum ipse
 examinat, quo possit facillime, atq; optime hac Res-
 pub. constitui. Prius siquidem ipse huius Reipub. sta-
 tum ita deniq; optimum praedixerat, si sapiens eius-
 modi filius fuerit Regis: uel forte imperium illi alijs
 rationibus deferri debere, siue propter studij, atq;
 ingenij magnitudinem, seu quod multitudine, atq;
 dignitate cognatorum polleat, uel gloria, pote-
 stateq; huiusmodi alijs inter omnes praestet. Quod
 si contingit hoc modo Rempubl. constitui, id
 agatur imprimis, ut qui in ciuitate decem an-
 nos continuos plus minus exegerint, in agros
 transmittantur: istorum autem filij omni deligen-
 tia ea educatione, quam descripsimus, instituan-
 tur. Hoc enim modo hac, de qua nitimur ciui-
 tas ocysime, facillimeq; , atq; optime exorietur.

Nec tu dubites, quin modus hic à Platone commo-
moratus, & optimus existat. Ciuitas nihilominus hæc
potest alio modo condi, sed non nisi lōgissimo tem-
poris tractu: scilicet si accidat, ut his ciuitatibus ma-
gno successu temporis ac diuturno, Reges sint opti-
mi, qui non ciuitates istas subinde mutare, atq; corri-
gere desinant, quousq; tandem ad optimum genus
Reipub. res perducatur. Quæ ipsa immutatio utroq;
istorum generum fiet: nanq; , & populi actionibus,
atq; consuetudine, & ipsorum certè opinione cōmu-
tata: eritq; , tum faciliior, tum difficilior, prout tem-
porum processu leges uniuscuiusq; temporis ratione
habita diuersæ ferentur, uidelicet aliæ, dum à perfe-
ctione Reipub. multum aberunt, aliæ, dum proprius
Reipub. perfectæ accedent. Atq; (ut summatim rem
cōprehendam) facilius est ad probatas actiones hac
tempestate inducere, quàm ad opiniones probas, atq;
optimas. cuius rei tibi facillimè fides fiet, Rebuspub.
quæ nunc extant perpensis. Quod ipsum non fugiet
eum, qui sapientiam omnibus partibus obtinuerit: &
propterea quòd non rectas opiniones habeant, eas à
recto peruertere, ac rui. Respub. autem, quæ operibus
tantum præstant, sacerdotiæ denominari solent, cu-
iusmodi olim à Persis antiquis (ut fertur) usurpata
fuit. Hæc autem omnia sunt, quæ circa Reipub. in-

stitutionem, & quasi ortum præclarissimè scilicet, ac de eius ordine, deq; constitutione legum Plato descriuit, quæ, quàm potuimus breuissimè à nobis sunt explicata. Atq; superesse tandem uidetur adhuc, ut de ciuitatibus non perfectis quidem illis, sed aberrantibus à ueritate dicamus, quo pacto scilicet dignosci debeāt, ac quomodo perfecta illa in istas degeneret, neq; non istæ inter se quo pacto commutentur. Neq; uerò eorum, qui perfectam illam Rempub. spectant parum interest scire, qua ratione prauæ istæ incipiant, & procedant ad summam usq; insaniam, quàmq; id facili, & q̃ optimè fieri contingat. etenim medico quidem satis esse debere uidetur, ita ueneni notitiam percepisse, ut eius naturā agnoscat, & ita uenenum esse intelligat, ut ab eo cauere possit, etiam si nihil de apparando illo, atq; componendo, & utendo unq̃ fuerit sollicitus. Neq; alia certè Philosopho debet esse insanarum, & errantium ciuitatum cura, quàm ut, & illas cognoscat, & quæ mala perfectæ ciuitati ab eis euenire soleant, intelligat. Quocirca in hoc tantum Plato elaborauit, ut significaret, quonam modo præstans illa Respub. in istas prauas, & uitiosas uerteretur; ampliusq; istæ inter se quam permutationis rationem haberent, &

quam inter sese similitudinem, atq; uarietatem,
quidq; eis omnibus soleat accidere. qui
certè nostri sermonis finis erit,
ut Tertium inde tractatum
partis huius ingre-
diamur.

TRACTA

T V S T E R -

T I V S.



A M V E R O,
postq̃ absoluit Plato sermo-
nem, quē de optima consti-
tutione Reipub. instituerat,
refert se ad id, quod ex ea,
quam nunc tractamus sciē-
tia supererat. nempe de ci-
uitatibus aberrantibus dis-

serere ingreditur, quarum simplicia tantūmodò ge-
nera commemorat, tum quo pacto inter se commu-
tantur, tum quantum sint optimo Reipu. statui simi-
les, quantumq̃ sibi inuicem: neq; nō docet, qui maxi-
mè status optimæ constitutæ ciuitati aduersentur: ac
tum ostendit, quanam ciuitatis administratio inter
optimam hanc, corruptissimam, uitiosissimamq̃, illam
Reipub. institutionem intercedat, ut solent media
quædam inter duas extremitates incurrere: ut etiam

inter nonnulla alia contraria interueniūt plura media, atq; diuersa, exempli gratia, albo nigrum opponitur, & inter utrūq; plura genera interiecta ordine quodam, atq; ratione, prout albo alia, alia nigra propiora sunt, ac magis specie coniuncta: ita sanē consequēs uidebitur, duorum extremorum, quæ maximè inuicem opposita sunt, nullā mutuò posse transmutationem esse. nisi transmutatio illa per media ipsa ordine, atq; serie incedat, ita ut primum ad proximum, deindeq; ad id, quod illud ipsum consequitur, subindeq; ad reliqua deinceps, donec ad extremum alterum perueniatur. Idq; latius explicabimus tum, cum ad uerba Platonis deuentum erit: comparabimusq; eos inter se, qui harum ciuitatū cuiq; præfecti sunt: atq; etiam quam quisq; uoluptatem ex administratione capiat, expendemus: eoq; modo summam rerum necessariarum, quæ hac in parte Platonis uerba continent collegerimus, ac singula horum ipsorum explanabimus. Et Plato quidem cōstitutiones simplices, quibus in uniuersum ciuitates conduntur, atq; formātur, quinq; esse censuit. Primam quoq; omnium optimam illam, de qua adhuc uerba à nobis facta sunt, Proximā huic ambitiosam, Tertiā, quæ hōminum dominatu continetur, Quartam potentiā certè quæstuosam, qui principatus uitiosus admodū est.

70
Quinto, eoq; postremo loco est tyrānica dominatio.
Quod si optimum genus illud Reipub. in potentiā re-
giam, & administrationem optimatum diuidas, sic
principatum quidem sex uidebuntur esse genera.
Etenim qui hanc optimam ciuitatis gubernationem
nactus, quinq; his instrumētis paratus, & ornatus sit,
quæ sunt sapientia intelligendi, facultas consumma-
tissima, & exactissima, opulentia quantum satis est,
sentētia, seu imaginatiua uis, omni in re optima, per-
seuerandi deniq; firmitas, atq; cōstantia: addere etiā
necesse est, ut in corpore nihil sit qđ illi ad usum, atq;
cōtinuationē uirtutis, & actionum obsit. Qui igitur
ita instructus est planē, atq; ornatus, Rex est; eiusq;
etiam administratio regia. Quod fortē, si hæc supe-
riora ornamenta, atq; instrumenta nō in uno aliquo,
uerum in cōtū, ac multitudine quadam certā, ita ut
aliquis unus ad finem rerum sapiētiam præstet, alius
exactam intelligentiam eius, quod ad finem maxi-
mē confert, alius satis opis, satisq; facultatum. exhi-
beat, coniūciendi alius, atq; sentiendi, seu imaginā-
di præstantiam habeat, facultatem, uimq; perseuerā-
di, constantiamq; rebus agitandis adhibeat aliquis
alius, simulq; sese omnes inuicem adiuuēt, ut ista ad-
ministratio rerū optima, atq; tutela exoriat: talis
certē principatus penes delectos quosdam erit, uoca-

biturq; optimatum, & egregiorum ciuium admini-
stratio. Præterea etiam hac in Rep. contingere po-
teſt, ut princeps ſit aliquis unus, qui uſq; ad dignita-
tem regiam non peruenit, ſed tantum ſe legibus
exercuerit, quas primus inſtituerit legiſlator: perſpi-
cacitatemq; conſciendi, atq; intelligendi adhibue-
rit, ad id etiam ex legibus eliciendum, quod non ab
illo conditore legis ſatis diſertè expreſſum eſt, po-
tiſſimumq; in contractibus, ſeu ſanctionibus, cauſisq;
priuatis, & iuribus, cuius certa ſciētiae genus eſt ea,
quæ apud nos ars iudicandi nuncupatur: inſuper etiã
ille habebit ad perpetuanda inſtituta facultatem, &
potētiam, is inq; rex legum appellabitur. Neq; id ferè
contingit, ut duo ſcilicet iſta nouiſſima in quempia
unum cōcurrant: quin potius in diuerſis ſemper ſunt
illæ duæ facultates, continuandi ſcilicet, & iudican-
di. Neceſſariò uni cum altera rerum dominium com-
municabitur. id, quod nos in cōpluribus Mahomet-
tanorum regnis intuemur.

VERVM, cum præter cæteras adminiſtratio
quædam rerum ſit uoluptuoſa planè, atq; illecebris
aſtricta, cuius ſpeciem quicumq; profeſſi ſunt dele-
ctatione omnia, & uoluptate metiuntur, eorumq;
ſinis propoſitus delectatio tantum eſt: cui guberna-
tioni, ſi illam addideris, quæ ex concuſſu hominum

necessitate cogente simul coeuntium constat, iam genera octo Rerumpub. effecta erunt. de præstantissima autem abundè dictum esse uidetur.

NUNC igitur de ambitiosa. Et quidem ciuitates ambitiosæ sunt ille potissimum, quarum impri-
mis ciues ualent, qui maximè inter cæteros honori-
bus producuntur. Atq; honor quidem uerus homini
maximè ab homine contingit, ei scilicet, qui cum
perfectionis alicuius opinione polleat, alterius ani-
mum, iudiciūq; quodāmodò obnoxium habet, atq;
obsequens. Præter hoc alterum etiam honoris genus
tritum quidem satis reperitur, atq; uulgare: cum sci-
licet honor ipse non alterius obsequio tali, aut iudi-
cio profiscitur, ac nisi ob remunerationem quan-
dam, uel honoris, uel muneris cuiuscunq;, aut uti-
litis, adhibito quodāmodò paritatis æquili-
brio, uel saltem quantum fieri potest: A Equitas
ipsa in eo genere desiderari maximè solet. qui
honor circunforaneus, atq; in publico frequens di-
ci potest. Neq; illud primum honoris genus fit
propter excessum rerum illarum, quibus honor
debetur. Quod genus honoris ambitiosæ huic
potissimum expetendum est: & ideo quosdam,
quasi ordines, gradusq; ciuium retinet. neq; mini-
mum hoc ipso optimam Rempubli. imitatur: à qua

tamē hactenus discrepat hac etiam in parte, quòd in illa uirtutem honor consequitur, & res eas, quæ sine dubio dignissimæ sunt, ita sanè, ut non per se, honor perfectæ Reipub. sit propositus, uerùm annexus uirtuti, atq; comes. Hæc uerò ambitiosa honorem planè per se ipsum cōsectatur, qui honor his ex rebus emanat, quæ prima specie, & uelut uno aspectu honore dignæ censebuntur. sunt autem eæ potissimùm, opes, generis claritas, delectationis etiā alæ, copia fortunæ, ita ut non planè necessaria desint, sed tantùm suppetat, quantum necessitati satis est, fortunarum, aut alijs opē ferat. His rebus iam dictis, uidetur tamen nemini magis deberi honorem, quàm qui dominium, ac potentiam, ac uictoriam semper desiderare uidetur, nunquàmq; alijs subijci. quæ sanè omnia honore primo digna esse censentur: & qui huiusmodi dotibus ornati sunt, alios magnitudine quadam animi antecellere uidentur, ac magni animi apud homines habētur, eò præsertim, si addatur facultas quædam dominandi, ac robur, puniendiq; & remunerandi. quæ certè facultas, & potentia cum robore corporis, tum animi etiam ui, atq; neruis quibusdam consistit, exterioribusq; alijs quibusdam cōmodis. Quocirca, qui tales (ut diximus) erunt, ciuitatibus istiusmodi maximè regēdis apti erunt, tantum q̄ honoris consequentur.

consequentur, quantum superiorum rerum, quæ honori à pluribus tribuuntur, habuerint: ita ut qui non uidebitur tanto honore dignus, ut sit unus uniuersorum princeps, possit nihilominus pro merito dominique particulam accipere, ut aliqua in re dominetur, in aliqua uerò alia alij sit obnoxius. Propter quod de Almanfore Abuhamari filio memoriæ traditum est, eum conciliabula, & nuptias solitum frequentare: & aiebat, quicumque se principem fidelium profitetur præcipiat mihi, ut illi subijciar, uilissimumque me habeam, & putem: sic enim honoratior inter illos ero. nemo enim potest animam honorare, nisi eam demittat, & subijciar.

I A M uerò in hoc ciuitatis genere non postremus est locus uestibus nitidis, ac splendidis, quales byssinæ sunt, & purpureæ, Regibus usurpatæ propterea: neque etiam parum est in aurea confidētem cathedra conspici. Sunt enim hæc certè, quæ primo intuitu speciem quādam uirtutis, aut scientiæ præferre uideantur: superioraque illa omnia qualiacunque ornamenta, in quęcunque fuerint congesta, huic maxime dominium deferri debet: idque, si præterea uelut facultatem, atque artem habuerit in diuidēdis honoribus distributiendisque beneficijs æqualitatis obseruandæ, quæ ipsa in hac Repub. iustitia existit. Sanè quidem hic

K

ambitiosæ ciuitatis status, præter optimos illos, quos diximus, præstantissimus uidebitur. in eo enim iudicium quoddam est, atq; contemplatio eius, quod prima apparentia, primoq; aspectu speciem alicuius uirtutis præferat, aut actionis honestæ, & pulchræ. Necnon hoc ipso in statu, qui uersantur eas, in primis actiones sequuntur, quæ gloriam in posterum, ac laudem efficiant, ut eorum neq; mors, neq; uita sine honore esse possit. Ergo hic ciuium talium concursus ambitiosus quidem erit, honorisq; appetentior: qui tamen perrarò in populo rudi, ac simplici inuenietur, ideoq; non est in promptu incidere in similem ciuitatem, est tamen apud nos quidem illa frequentissima.

NUNC uerò de uitiosa illa, quam quæstuosam nominauimus, in qua principes certè sunt eiusmodi, ut de quæstu præcipua illis sit cura, & supra quam certè necessitas, ususq; ipse postulet, non ut aliena quædam hac sumptuum parsimonia (seu illiberalitate) assequantur. Et opum certè, aut etiam diuitiarum duo genera sunt, ut alterum natura ipsa sit, alterum constitutione, & usu. Natura quidem opes dici possunt, quæ necessitati humanæ, atq; indigentie succurrunt: qualia sunt, & facultates aliæ, tum indumenta, tum ædes ad habitandum, aliq; paranda,

quibus commodius uiuat, atq; beatius. Instrumenta
 etiam artium, quæ homini subsidio sunt. Materie
 etiam, ex quibus conficiuntur illa. Opes uerò,
 quæ non natura, sed ex usu, & impositione qua-
 dam inueniuntur, nummi, aut quæcunq; uice eorum
 usurpantur. quæ, etsi necessitati humanæ propriè nō
 opitulantur, ob id enim ubiq; in usu non sunt, ciuita-
 tibus tamen eò conferunt, ut commodius conuentus
 fiant, circaq; res agendas, atq; communicandas mo-
 dus, atq; mediū facilius adhibeatur: proptereaq; nū-
 mi ipsi, uelut signa quædam rerum omnium precium,
 & ualorem repræsentant, ut cum quis aliquam rem
 affectat, eiusq; ualorem cognouerit, quod quibus num-
 mis emat, cognoscere sit in promptu. Itaq; uelut com-
 munis omnium mensura rerum numisma est, qua illæ
 inter se commutentur, atq; alienentur: eaq; ratione,
 uelut anima opum oīum existimetur in primis, cū ui-
 etui humano ad cuiusuis generis cōmercia utilis nū-
 mus sit. est enim quasi rerum oīum facultatē potentia
 cōprehendens, & facillimè cū quibusuis rebus permu-
 tabilis. Illorum igitur hominum princeps est, qui
 reliquis est ditior, & potentior: cui, si accedat, ut ra-
 tionē gubernandi calleat, qua scilicet rectè illis, qui-
 bus dominatur facultates impatiat, seruetq;, profectò

dubium non est, quin tali in ciuitate dominus esse
beat.

INTER cætera uerò necessaria, quibus diuitiæ
acquiruntur, sunt maximè agricultura, & loca pas-
cua, atq; uenatio: deinde mercatura, & stipendia, &
reliqua id genus. & is, inq, status quæstuaris dici-
tur. Causa autem, ob quam hoc genus maximè etiam
paucorum dominiū appelletur, est, quòd, cum ipsi opu-
lentiam quærant, atq; diuitias, necesse est eos paucos
esse, maiorem uerò ciuium partem paupertate premi,
ut posterius amplius explicabitur.

POPVLARIS uerò ciuitatis status ille est,
in quo omnes, cum sint liberi, unicuiq; penes se sit
uitæ, & instituti sui arbitrium, ac rei eius perse-
quendæ, ad quam animus, uoluntasq; inclinabit.
proptereaq; in hac Republi. comprehendetur uelut
summa quædam omnium institutorum, proposito-
rumq;, quæ in superioribus illis existunt: utpote,
cum in hac sint, qui ambitione ducantur: alij, qui
re pecuniaria, atq; quæstu: alij, qui tyrannidem sibi, et
principatum proposuerint. nec est quo minus inter
istos sit, qui propria uirtute ad quoddam optimum
uitæ genus excitetur, eoq; delectetur. Exorien-
tur itaq; hac in ciuitate omnium artium, omnium

officiorum, habituumq; genera. Et sanè inepta non erit, ut ex ea oriri possit optima illa, & perfectissima Respub. neq; non quævis ex reliquis alijs administrationis forma. ac uidetur nullum hic esse dominium, nisi in illos, qui sua sponte inseruiendi, seu obediendi conditione susceperunt, aut propter primas leges. Neq; enim uerisimile est hac in ciuitate licere omnia, cum certè in tanta licentia cohiberi non possint cædes, rapinæq; mutuae: cum præsertim eorum scelerum uoluptas quædam nō paucis mortalium innata sit. Ergo dubium non est, quin hic quoq; prima quædam instituta ciues obseruent: quæ sunt, ut quem quis in principio, statim scilicet q̄ est condita ciuitas, locum sibi delegerit ad habitandum, cum cum reliquis commoditatibus, neq; non prædia, & agros, et alia ad uictum, & alimenta attinentia, quæ occuparit, iure retineat. Secunda quoq; instituta sunt, quæ in commercijs emptionum, & uenditionum contractibus seruētur. Possunt etiam tertia accedere, ad mores componendos, & regendos, similiaq; eius generis informanda. Neminem autem ignorare arbitror, hoc in populari statu ante oīa rem cuiusq; propriam, atq; familiarem curare, adeo ut id unum sit huius generis ciuitatis propositum, scilicet Domestica primò curare, ciuilia uerò propter domestica. & ideo est

K ij

uerè œconomica: contrā autem res se habet in opti-
ma illa Repub. In populari itaq; Repub. liberum est
unicuiq;, quatenus possit rem suam, & diuitias præ-
cipuè quærere, augere, atq; tractare. Eiusmodi igitur
certè sunt nostræ tempestatis ciuitates, scilicet
populares: quibus is maximè, ac facillimè dominatur,
qui sua opera unicuiq; id, quod cōcupiscit, & quo de-
lectatur asferre possit, simulq; tueri. Vulgus autem
hanc Rempub. inter cæteras alijs dominari putant,
utpote in qua unusquisq; prima specie putet liberta-
tem sibi deberi. Neq; temere credi potest hanc esse
primam, ac præcipuam omnium ciuitatum, quæ urgē-
te necessitate orta sunt. Siquidem mortales, postq̃q̃
sibi necessarium est nati sunt, tūc demum de uolup-
tate, & delitijs cogitant: ut non malè à necessitate
ipsa status huiusmodi popularis profectus uideatur.
& concursus quidem talis hominum per accidens,
& casu quidem factus uidebitur. Imperium ipsum
quoq; quasi fortuitum est, cum nullo uno fine propo-
sito ipsi congregati sint. Hoc tempore similiter apud
plures Regum Mahomettanorum sunt eiusmodi ho-
minum congregationes, quæ œconomia, potiusq; ci-
uitatis speciem referant: tametsi ex omnibus legibus
eam retinent, quæ prima illa instituta superius dicta
seruat. Neq; dubium est, quin opes huius Reipub. oēs

quidem priuatæ sint, ac domesticæ: propter quod ne-
 cesse est aliquando, ut ex proprijs facultatibus & do-
 mesticis iam accumulatis aliquid expendere, uelut ad
 milites mercede conducendos: ob quod, & tributa, et
 indiæiones imponentur. Tandem in duo hominũ ge-
 nera ciuitas distinguitur, alterũ ut plebs nominetur,
 alterum primates. Quales olim ciuitates in Persia
 erant: hodieq; durant apud nos non dissimiles illis, in
 quibus plebs ipsa imbecillior potentioribus pro præ-
 da est, quousq; interdum ea uolentia, iniuriaq; tyrā-
 nidem inducat, quemadmodum hac tempestate, &
 hac nostra Repub. oriri uidetur. Crescit autem apud
 uulgus, ut plurimum amor nummi, præsertim quum
 illæ primæ leges sint apud eos, & ipsæ populares, ut
 scilicet quisq; sponte se pro Repub. bello exponat,
 & pugnet: quo pacto neq; cogentur ipsi suas facul-
 tates ad bellum gerendum infumere, quæ lex haud
 dubiè tam diu durabit, quàm diu ñ, quibus est impo-
 sita, necessitate illa, quæ eos in ciuitatem coegit, etiã
 cõpellentur uictũ sibi ui, atq; rapto acquirere. Quòd
 si fortè per ocium, uel corruptam, & uitiosam educa-
 tionem uoluptates obrepserint, fient continuò imbel-
 les, & effeminati: ac principes quidem eorũ ad bella
 gerenda tributa illis imponere cogentur. quibus impo-
 nendis, si nõ illi æquitate utantur, eosq; ui subijcere

28
audeant, haud dubiè id populo graue, & intolerabile uidebitur, ita ut consilium ineat ipse exigendorū principum, & cōtrā illi aduersus populum ui, atq; iniuria nitendo tyrannidem quādam instituant: propterea q; uideri possit hæc ciuitas tyrannicæ Reipub. maximè aduersa. Pecuniæ uerò ciuiles, quæ primò in gente huiusmodi existunt, non Reipubl. gratia, sed familiaris, ac priuatæ potius sunt: transferuntur enim in domos primatum. & propterea hac tempestate administratio sacerdotum est merè tyrannica. Hætenus igitur de populari statu, atq; his, quæ illum consequuntur, dictum sit.

T Y R A N N I S autem Respubli. reuera est, cuius omnes ciues eandem curam, idemq; propositum, quod & ipse tyrannus, habent: quod quidem nihil aliud est, quàm ut suum ipsius tyranni finem sibi destinatum assequatur. tale autem est cupiditas per uim, ac tyrannidem solùm dominari, aut gloriæ, aut opulentiæ, aut uoluptatis, aut omnium istorum simul. Manifestum autem est huiuscemodi ciues nihil aliud curare, nullumq; alium consecrari finem, quàm ut tyranno obediant, & imperata eius faciant, nihil admodum seruis dissimiles, immò uerò serui potius: quorū conuentus omnibus in rebus ma-

ximam optimæ ciuitati habet diſſimilitudinem. Illic enim in perfectâ ſcilicet ciuitate, hoc uel publicum eſt propoſitum, ut ex omnibus ciuitatibus tātum ſibi quisq; felicitàtis uendicet, quantum eius natura dignitatis, atq; uirtutis poteſt accipere. cuius quaſi exēpla omnes artes, omniaq; probè, & benè inſtituta regna imitātur. eſt enim his quoq; conſtitutum, publicæ utilitati conſulere in artibus, exempli gratia in Medicina. An non eſt medico propoſitum principiū curare ægri tudines, non ſeipſum tantummodo? In arte gubernandi, an nō præcipua gubernatori ipſi cura eſt, de uectorum ſalute nō ſua tantum ipſius? Contra uerò in tyranno eſt. pro ſe enim tantum elaborans nullam ciuibus aut honorum, aut boni cuiuſq; particulam impendit: quin potius ea imperare nō deſiſtit, quæ non illis, ſed quæ ſibi maximè uſui ſint, his non alia utens ratione quàm ſeruis. Neq; certè ambigi poteſt hunc Reipubli. ſtatum omni genere iniquitatis, & iniuriæ affluere. neq; enim, ut in hac ciuitate fit, uniuſcuiusq; artes, atq; ſtudia proprium magis, quàm publicum compendium ſequi debent, immò idipſum maximè: idq; ex ſeſe ſatis clarum eſt.

IN hac certè tyrannide ſingularum domorū cura, ac ciuium labores, opificum etiam, & aliorum unius

tantum domus, tyrannica scilicet felicitati, & perfectioni laborat, supra quod habet etiam unusquisque proprium sibi ad optimam sui conditionem propositum. Similiter in illa perfecta omnium civium, atque generum propositum est, & proprium cuiusque, & certe ad unius quasi dominij beatitudinem commune. Quae in re tyrannica Reipub. perfecta quodammodo est similis. enimvero tamen in utraque omnia civium genera ad unum quiddam contendunt, atque connitantur: utrobique tamen differentia est. nam in optima illa, singula, & civium, & artificum genera praestitutum sibi, ac proprium, congruumque finem (ille autem est suae cuiusque beatitudo) persequuntur. Praeterea tamen, cum accadat, ut illud istorum propositum Regis summum bonum respiciat, videbitur esse civium ille finis propter regis felicitatem quaesitus, sequi vicissim, & Rex, & populus iuvabunt ad communem quandam beatitudinem consequendam: in quo, & populus Regi ad quaerendam sapientiam illi sine dubio familiare utilis est, ac Rex vicissim populo ad perfectionem populi ipsius quam plurimum inserviet: nisi gubernare, ac regere id malis in rege, inservire. At vero in tyrannide res longe alia est. nihil enim tyrannus populi causa, sed sua ipsius omnia facit. Neque ab hac similitudine diversum ea, quae inter tyrannicam hanc ci-

uitatem, & sacerdotum gubernationem intercedit: eoq; perfacilis est istius sacerdotica in illam tyrannicam transmutatio. id quod nunc nostris in ciuitatibus est frequētatum, atq; adeo sacerdotij professio tyrannicis flagitijs deformatur.

AD HÆC tyrannus nonnullos habeat confcios, & adiutores oportet, ut postea horum ope inuitis ciuibus dominetur: ñ tamen, quos uelut tyranni socios diximus, accidit nonnunq̃, ut dominatione tyrannica non utantur, neq; fruantur, interdumq; contrā, utroq; tamen modorum in uniuersum ciuitas tyrānica appellatur. Nam etsi contingat illos tyrannidem arripere, eiusq; dignitatē exercere, ea non uno modo, neq; æqualiter utentur, sed erit, & dissimilitudo, & inæqualitas pro modo, atq; ratioe uniuscuiusq; eorum dominiij, uel ptātis, Quod certe genus multorum tyrannidis cum aliās facillimum inuentu sit, tum frequentissimū est in ipsis tyrānidis initijs: & hoc pacto certè exercent illi in suos populares tyrannidem. quanq̃ fieri etiam potest, ut ciues ipsi nonnunq̃ cum tyranno conspirent, illisq; auxilientur ad tyrannidem, non in se, sed in alios, exterosq; populos constituendam. Quare distincti etiam inter se gradibus erunt, & diuersis insigniantur dignitatibus, ut quisq; ingenio,

prudētia, aut quacūq; alia re ad salutē publicam, & tyrannidis tutelam pollebit. Tyrannus autem ipse erit ac princeps istorum omnium, qui inter omnes superioribus illis dotibus & instrumentis præstabit. hæc tēnus autem de tyrannide, & eius partibus.

CIVITATES uerò, quæ uoluptatibus & cupiditatibus deditæ sunt, in quibus potissimum ciues ad sensuum oblectamenta, & illecebras, libidinesq; tum cibi, tum potus, tum ueneris persequuntur, non aliter quàm ciuitates ui, atq; necessitate effectæ ciuib; constant, res sibi tantum necessarias proponentibus: quæ his maximè rebus quærentur, aut agricultura, aut uenatione, aut rapto. & agricultura quidem magis est homini naturalis, ad acquirenda necessaria. Verum iam satis dictum esse uideatur ad singularum istarum ciuitatum notitiam, iuxta primum, & præcipuum propositum huius scientiæ, quarum omnium uarietas diuersitati morum animi respondet. Numerus etiam, atq; causa ab his ipsis moribus quos diximus ducitur. namq; pars ipsa irascendi honorem quidem, atq; amplitudinem ambit: quæ ipsa, si nimia est, in tyrannicam uolentiam conuertitur. Iam uerò uoluptatum, & opum libido eius sunt partis, quam concupiscentiam dicimus. Ex illa animæ ui

ambitiosa ciuitas, ac tyrannis educitur, ex hac uoluptarius, hinc inde quæstuaris status: popularis autem uidetur quasi ex diuersis, confusisq; moribus atq; affectionibus exprimi, his scilicet, qui singulis quibusq; à natura impressi sunt, & desiderio quodam rei cuiuslibet, atq; cōditionis. Quòd si animæ partes ita à se inuicem separarentur, soluereturq; ut nō inferior superiori, digniori indignior subijceretur, eiusq; causa esset, quemadmodum à nonnullis existimatum est: tunc dicendum foret, omnes hominum cōcursus libera, & populari ciuitate cōtineri debere. At uerò, si reliquas oēs animæ partes iracundiæ morē gerere æquum esset, omnium mortalium, aut ambitiosæ ciuitates, aut tyrannicæ. Si concupiscentia princeps esset, esset quoq; optimum, hominum congregationes, aut quæstu, aut uoluptate obtineri. At enim, cum in naturali philosophia, tum in hac ciuili, rem ostendimus aliter omnino se habere: rationemq; eam esse, quæ iure reliquis animæ partibus dominetur: eoq; efficitur, ut res illa publica, cui eadem ratio dominatur, optima sit.

POST QVAM autem singularum istarum ciuitatum fines exposuimus, nunc deueniendum esse arbitror ad ea, quæ Plato de mutua earum inter se transmutatione, necnon comparatione edidit. At

primū quidem binas inter se confert, deinde plures,
quousq; tandem omnes inuicem comparet. similiter
quoq; in harum ciuitatum principibus factitauit, sci-
licet inter duos principes illarum duarum, postremo
inter ipsos omnes comparet. Cū id sit in Rebusp. ma-
nifestius, quā in ipsis moribus, ueluti iustitia ipsa:
quæ in ciuitate sanè manifestior est, quā in una
anima, similiterq; & iniustitia.

DICENDVM igitur est ciuitatem illam opti-
mam, si quando contingat constitui, tametsi difficile,
nihilosecius corrumpi, atq; desinere oportere. quic-
quid etenim gignitur, ut in physis probatum est,
atq; etiam rationibus demonstratum, id corruptio-
ni obnoxium esse necesse est. Nec dubiū esse potest,
quin eius Reipu. interitus, ex ipso genere illi domi-
nante profiscatur: quando scilicet ipsum corrup-
pi, ac degenerare mixto inter se, confusoq; auro, &
argento contigerit. Quandoquidem, si Reipub. hu-
ius principes non diligentem operam adhibuerint,
ut similes uiri, & fœminæ commisceantur, nascetur
ex ea negligentia proles uaria quidem, ac dissimilis
inter se, & suorum etiam parentum. quæ ipsa, si non
ex genere custodum tollatur, transferaturq; in aliud
genus, ex ea sine dubio mali semper exorientur, qui
à toto sui instituti genere, ac præceptiōe, qua imbuti

fuerint, discedent. Musicam despicient, gymnastica
 una utantur, qua pars illa irascendi propria maximè
 roboretur, & coaugescat, cupiditas etiam promouea-
 tur. Hoc certè hominum genus, si quādo inter impe-
 rantes oriatur, atq; generi eorum optimo inseratur,
 attrahet unusquisq; istorum alium similē sibi, ac ue-
 lut comparem, moribusq; suis, tanq̃ contagine inqui-
 nabit: eritq; totum ipsum genus æneum, atq; ferreū,
 omni cura propensum ad rem augendam, diuitiasq;
 congerendas. Alterum uerò ad uirtutes, quas supra
 commemorauimus, maximè aspirabit, ac conabitur.
 eaq; morum inter se distractio, cum aliquātisper du-
 rauerit, in medium aliquid delabetur, ac defluet. Id
 autem erit, quod inter optimam administrationem,
 & quæstuarium interuenit. Sicq; opes comparabūt,
 regiones subigent, & territoria suis finibus adiciēt:
 hæc q; ipsi in usum proprium, sibiq; ac suis reponūt.
 Ex his præterea, quæ ipsi custodes acquisierint, illis
 id impartient, quantum satis est ad uictum, & ne-
 cessaria cætera, illis ipsis hac in parte haud secus
 atq; seruis abutentes, quos in amicos olim, & liberos
 habuerant: dominiumq; rerum ui quadam, & bel-
 lica potentia, & ipsa etiam gloriæ, atq; dignita-
 tis cupiditate arripiunt. quo pacto sanè media uide-
 bitur effecta ciuitas inter quæstuariā, ubi paucorum

est dominatio, & optimam, perfectissimamq; illam.
nam qua ratione genus illud ciuium, quod cum illis
bellorum, & periculorum est particeps, nihil ex omni
quæstu, nihil ex omni arte emolumenti requirat, ci-
uitatis optimæ quoddam specimen est. At enim qua-
tenus principes ipsi non ex optimis, quales antea de-
scripsimus sunt, uerum iam non obscure ad iracundiæ
dominium, & tyrannicam potestatem declinant: est
certè hac de causa non proba planè, nec benè insti-
tuta ciuitas, quò magis mixta quodamodò ex bona,
malaq;. Atq; hæc est illa potentia, in quam primum
(ut Plato censet) tanq; in proximam ea optima de-
generat, & permutatur. siquidem honoris, ac domi-
ni cupiditas maximè inter omnes affectus proborū
alioqui & egregiorum animos occupat: ob idq; non-
nullorum eruditorum uirorum sententia est, Gloriæ
amorem id esse, quod maximè in dominio amicorum
expetitur, idq; primum eligi post sapientiam. Est
enim honor uelut quædam umbra, ipsi sapientiæ con-
iuncta, ac comes, propemodumq; proxima: ob quæ ho-
norem probi et ad illud dominandi genus cōuertan-
tur. Et propterea sanè rarò, quicunq; sunt uirtutibus
præditi, si diu in uirtutibus ipsis stabiles sint, possunt
umbra carere, famæq; sibi conciliandæ cupiditate.
Quòd si honoris cupiditas usq; ad tyrannidis cōcu-
piscenciam

piscentiā abundauerit, tunc nō minus hæc ciuitas, in
 qua optimū genus existit, distabit à uera dominādi
 facultate, quā deprauatū, & uitiosum illud genus,
 quod tyranni dominiū acceptat, uel quod in eo oria-
 tur, qui ita se habeat. Simile quoq; est uno in homine
 negotiū, scilicet de generatiōis alicuius, qui optimæ
 Reipub. similis est. Idq; est quod Plato sentit de op-
 timæ Reipub. permutatione, necnon etiam optimi
 uiri, id est Philosophi: qui ipse nonnunq; ex Philosopho
 ambitiosus fit, & ambitiosæ ciuitati similis, qui qui-
 dem felicitatem ipsam in honore consistere contē-
 dit, & asserit.

A C talis certè (inquit) qui summum in honore bo-
 num cōstituit, auidè gymnasticam sequitur, & præ-
 das non dissimiles rapinæ amat, negligit musicam,
 dominium atq; tyrannidem concupiscit: neq; tamen
 eò se dominari debere arbitratur, quòd, uel dicto, uel
 nutui audientes parere uelit, uerū propter suam in
 rebus bellicis excellentiam.

S V B I V N G I T V R præterea, cum ipsum q̄ diu
 iuuenis erit, pecunias contempturum: quarum amor
 processu temporis, atq; perfectæ ætatis subinde se
 inferet. nam, ut cum perfectæ, ac integræ naturæ nō
 sit, exitu ipso tandem rei nihil erit auaræ dissimilis,
 cum ab optimo custode iam aberit tantū certè, ut

18
à musicarum persuasionum obsequio sit diuersus, atq;
remotus: quibus si anima iam inde à suo exortu ad-
hæserit, per totam uitam, sine dubio uirtutem perse-
quetur. & talis igitur est honoris, & gloriæ asser-
tor. Atq; quo pacto ex optimo, & perfecto uiro talis
effici possit, quæri potest. Tunc maximè certè, cum
tenera quis ætate optimi alioqui patris filius, in malè
instituta ciuitate educatus sit: in qua pater quidem
ipse nullis muneribus, nullis officijs præesse uelit.
Quemadmodum solent uiri boni, atq; integri se
gerere in malè institutis ciuitatibus & prauis. Filius
ipse, quanq̃ ita affecto patre, matrem audiat de uiro
suo conquerentem, tanq̃ ignauo, & languido, nul-
liusq; inter magnates numeri, proptereaq; ipsam
etiam sine dignitate, sine ulla honoris specie abie-
ctam uiuere: ad hæc molestè ferentem, & in re ac-
cumulanda nimis sit remissus, nimisq; negligens. sic
igitur filium mater admonet, tanq̃ natus sit ab ho-
mine parum humani ingenij particeps, parumq; acri-
ad rem, gloriamq; & parum strenuo: nonnullaq; alia
suggerit, quæ solent mulieres contemnendis uiris
suis usurpare. Adde, quòd serui, sociq; atq; impi-
mis coniunctissimi quiq; ex domesticis, atq; fami-
liaribus eadem illi affirmant: ac si quem uiderint in pa-
trem ipsius inirium quãdoq; aut petulantem, aut re-

tinentem iniuste pecunias, adulescenti filio paternæ
 iuriæ uindictam omni ratione commendant, ut pro-
 caces illi, & iniusti dent pœnas: quæ iniuriæ, cuius
 authores fuerunt, comparatæ duplæ esse uideantur:
 & hortantur etiam, ne ulla in re sit non ualidior,
 promptiorq; patre. Quod præterea, si accedat, ut
 uideat in ea ciuitate eos, qui utuntur proprio, & pri-
 uato officio, humiles haberi, & uelut insani essent,
 omnino inhonoratos esse: contra, qui, neq; iure do-
 minentur, neq; suum exequantur officium, laudari
 ab oïbus, & principes inter cæteros, primi; uocita-
 ri. Consequens ergo certè erit, ut & adolescens filius
 seruet probam illam, quam ex educatione, admoni-
 tioneq; paterna consequutus est naturam, rationalem
 uirtutem scilicet: de super hanc irascendi, & concu-
 piscendi uis accrescat, uelut in qua aliena institutiõe
 semper promotus sit. Atq; ita à diuersis in duo il-
 la superiora diuersa etiam distraetus, in medium
 quiddam deducetur, scilicet, quod inter eximiam
 uoluptatum cupiditatem, & maximum uirtutis amo-
 rem, intercedat: quo modo se oïno ad hanc partem me-
 diæ, uidelicet ad ambitionis, & honoris amoris trāsfe-
 ret, atq; impellet. Est. n. quoq; in aîa pars hæc, ut sæ-
 pius diximus, maximè proxima ei, quæ ad uirtutem du-
 cit: ex quo necesse est, ut isle, & gloriæ sit auidior, et

magna aggrediatur, atq; efficiat. Hic igitur modus est, & uelut norma designandi adolescentis, qui sine rerū gloria, & honoribus demetitur: ac exposita ratio, qua se ab optima natura, & perfectissima disiungit. quæ omnia etiam sunt in ciuitate ambitiosa similia, similiterq; ipsa ab optima ciuitate degenerat. Quæ omnia, ut à Platone de ambitiosa, & optimi Repub. deq; optimo, & ambitioso uiro dicta sunt, uidere est in antiqua illa Arabum Reipu. administratione, quæ haud dubiè optimam Platonis Rempubl. imitari putabat: tū sequuta est mox, illius ipsius Mahuicæ temporibus, in ambitiosam commutatio, quæ adhuc per insulas nostras durare uidetur.

POST hæc autem Plato de transmutatione huius ciuitatis inquit, in quānam ipsa ciuitas formam, in quod hominum genus uir ambitiosus transeat. Tum demum in hanc uenit sententiam, ut sæpius ambigua Respub. in dominationem paucorum conuertatur: in qua ipsa (ut iam diximus) diuites sunt illi, penes quos rerum est administratio, nihilq; pauperes in eo dominio communicant. In hunc modum fit, Cū scilicet lapsu temporis diuturno in ambitiosa ciuitate principes similes uixerint, & quasi sensum aliquem induerint eius utilitatis, quæ à pecunijs, atq; diuitijs percipitur, & demum pulchro, & honesto utile

præposuerint, itaq; recesserint à uirtute longius: uno
 interiecto gradu priore ambitionis, ad extremumq;
 illi nephario honore pecunias, diuitiasq; celebrabūt.
 Fortasseq;, quod dicit Plato uerum id uidebitur, si
 diligentius ciuitates ambitiosas perscrutabimur, &
 uelut transmutationis earum normam: genus tamen
 hoc, quod paucorum dominationis est, idē certē ab-
 iectissimum est, & uilissimum, neq; diu consistere po-
 test, leui quacūq; causa, siue interna, siue externa sit,
 corruptibile. Errorq; in eo ipso primus est, ut non ei
 potissimum dominium deferatur, qui, & uti optime, et
 consistere in eo diutissime possit, uerū enim solæ hic
 spectantur diuitiæ: non aliter certē, neq; minus ab-
 surdē, quā si quis ditiores deligendos nauibus gu-
 bernatores uelit, neq; admittendum nautam peritissi-
 mum, qui uerē nauta sit: sic etiam in hoc principatu
 pauperē non ferunt, ob egestatem. & quēadmodum,
 qui huiusmodi nautam elegerit, perniciem, ac exi-
 tium naui, uectoribusq; omnibus quæret: ita, & de
 ipsa, ac Repu. res se habet. Ad hæc, ciuitas huiusmo-
 di non una planē, sed uelut bipartita in tenues, &
 opulentos uidebitur. nanq; diuites illi, cum congre-
 gandis opibus, tum auarē etiam, & sordidē continē-
 dis pauperes à se auertunt, & remanent ipsi diuites.
 Est adhuc ciuitas hæc pessimē affecta, quod ad ge-

28
rēdum bellū nullo modo idonea est, cum oīno princi-
pibus unū de duobus necesse sit: aut enim multis uti
militibus, quod fieri non pōt: eos enim armatos non
parū, immō q̄ plurimūm formidabūt. qua ratione etiā
hac ciuitas paucorū dominiij appellatur. Adde etiā,
q̄ neq; plures milites mercede, utpote auari, & tena-
ces cōducent; sed uel ut ipsimet sint milites, uel ipso-
rum q̄ pauci. quod si accadat, necesse erit, ut fugiāt in
prælijs. Quod certē aī aduertere in multis populis li-
cet, qui quietē, & pacatē uixerint, siquādo ipsis cum
pauperiore gente bellū cooriatur. Estq; in eadē Rep.
error nō minimus, quā superius uituperauit, ut idē
uaria officia, uariasq; artes homo exerceat: ut idem,
& terrā colat, ac pecunias, opesq; accumulet. Qua
etiā in ciuitate Principes nasci tales malorū, omniū
est grauissimū. nunq̄ enim illi regimen ipsum ciuita-
tis peruertere desistent, atq; ad id potissimū cōpa-
rare, quod, & uoluptati sibi sit, & quæstui. Ac ex
legibus quidē huic ciuitati impositis illa est, ut nul-
lius imperio sint subditi sacerdotes: præterea oībus
ut liceat cui uelint sua erogare, oībusq; data ab alijs
possidere legitimū sit, similesq; eius generis leges.
quæ causa est, ut multi in hac ciuitate mendici con-
uersentur, & pauperes, diuitibus certē quasi infestis
stimulis perpetuò molesti, qui diuites numero quidem

multò pauciores sunt. Quæ in re eadem sunt huius ciuitatis incōmoda, quæ in examine apū permixti fuci inferunt, comedentes quidē mel, at neq; colligentes quicq; neq; adferentes: sicq; ab ysdē fucis nō alio morbo totū examen apum afficitur, q̄ hæc ciuitas à prodigis, & maleficis. neq; enim dubiū est, quin in illa ciuitate, ubi mendici cōplures sint, ibi, & fures esse, & latrōes, & oīs generis scelerū authores: proptereaq; eam ipsam infinitis propè malorum generibus affligi. Atq; hæc iniquitas, iniustitia, error, quæ oīa paucorū dominationē consequuntur, in ambitiosa ciuitate nusq; cōparent. quocirca ea ipsa ciuitati optimæ propior est, hæc uerò ab eadē remotior, pro magnitudine, atq; uarietate errorū, qui in ipsa conspiciuntur. His itaq; expositis, quæ de ciuitatis ambitiosa in hæc postremā transitu, deq; & genere, & numero errorū, qui in hoc paucorū principatu accidunt, dicta sunt. sequitur, ut de uiro eius ipsius paucorum dominationis simili disputetur: tum in qua potissimū ciuitate sit, tum, aut quo modo, aut in quam transmutetur.

AMBITIOSVS itaq; pater, si filiū imitatorē sui habeat, ac fortē ei filio cōtigerit, ut pauper efficiatur à calūniatoribus scilicet delatus, atq; accusatus, ex bellica aliqua expeditiōe, uel magistratu quopiā p ipsū actō, sicq; necessitate coactus ad lucrū se, & quæstū

cōferat, paupertatē multò minus pati, q̃ mortē consti-
tuens, adeò ut deposita omni ambitioe, de congerē-
da tantum pecunia cogitet, ut fieri solet: in hūc tā-
dem modū ex ambizioso, pecuniæ cupidus efficitur,
tumq; omnino similis est quæstuosæ ciuitati, quem-
admodum, quem supra descripsimus ambitiosum, si-
milem esse ambitiosæ ciuitati diximus: estq; , & aua-
rior, & parcior, neq; illis uoluptatibus ciuilibus nisi
necessarijs, indulgens: quæ certè abstinentia ex uir-
tute non proficiscitur. quicquid enim ex cupiditate
diminuit, in aliam cupiditatem transmittetur, quam
maximè persequitur: ut est amor pecuniæ, & auari-
tiæ. Ergo uiri hmoi, si à quæstu, & alienarū rerū ac-
quisitioe prohibebūtur, nō amplius se à uoluptatibus
minimè necessarijs cōtinebunt. Ea demū in hac parte
rerū summa est, ut auaritia (sicut dictum est) sit cor-
ruptioni, atq; interitui perfacilè exposita . Ac, ut bre-
uius dicatur, ambitiosus ille manifestè in uirum uo-
luptatibus deditum transit, siue uoluptatem intelli-
gas pecuniarum oblectamentum, seu alias cuiusmo-
di generis illecebras. Quod idem de ciuitate ambi-
tiosa intelligendū, ut eandem rationē habeat ad uo-
luptatem, quam ambitiosus homo ad uoluptariū: sunt
enim eiusdem generis ciuitas quæstuaria, & uolup-
tuosa. Nec alia sanè ratio est, quæ haec tenus (ut uidi-

mus) tot labefactauit Reges, ut sit pro exēplo nunc eorum principatus, quos coniuratos uocāt. Nanq; & ij primū legitimam ciuitatem imitati, q̄diu eorum princeps uixit: mox regnante eius filio ambitiosæ se dediderunt, ita tamen, ut pecuniæ etiam admisceretur cupiditas: tum demum res tota ætate nepotis in uoluptariam ciuitatem abiit, ita ut à nullo uoluptatum genere abstineretur: eoq; pacto ciuitas ipsa funditus tempore suo deleteretur, cum eo tempore infesta illi dominatio, atq; inimica esset, quæ legitimæ Reip. legali est similis. Hic est igitur modus, quo uir ambitiosus in lucri, atq; pecuniæ cupidum trāsīt: hæc q; est differentia, quæ inter illos ordines, & dignitates intercedit. nec enim obscurū esse potest, quæstuarium ambitioso uiliorem esse, atq; deteriorem, quod ipsum ad gradum, atq; ordinem istorum attinet. quocirca hic locus est maximè idoneus inquirendi, quamnam in Rempub. ex se ipsa, quæstuaria ciuitas transeat.

PLATO autem hanc ipsam, in populare statum permutari censet: ac uirum quæstuarium in eum, qui sit populari naturæ similis permutari. Eo autē modo hæc ipsa fit permutatio, scilicet quòd, cum in paucorum dominio quæstus pecuniarius solus sit, qui maximè desideretur, ideo coguntur primū leges imponere, quæ huic proposito utiles sint. Qua de causa

primum eorū institutum est, ut cuilibet adolescēti sit liberū res suas, atq; pecunias in quāuis cupiditatem, aut libidinē insumere: eōq; pacto ad id tandē deuenitur, ut illorū facultates oēs distrahantur. fieri enim non pōt, ut hac in ciuitate simul gradu primo honorū opes collocatæ sint, & ad temperantiam factæ leges condantur per aliquā necessitatē: q̄q̄ quæ proxima cōsequetur lex, à uirtute oīno aliena nō sit. At uerò cū, & sumptus, & uoluptates liberæ sint, necesse est nō paucos etiam, ex generosissimis quibusq;, pauperes fieri: & cū eorū multitudo quotidie in hac ciuitate augeatur, parcos illos, & auaros maximo in odio, maximaq; inuidia, atq; detestatiōe apud eos esse par est, quoniam ipsi paupertatis, atq; indigentiae eorū causa sunt. Hinc certē multæ, ac uariæ ī hac ciuitate leges exorientur inquit: & diuites quidem certē, ut qui præter accumulationē rei nihil aliud curent, seip̄os molles plus nimio, atq; delicatos efficiant. Multiplicatis uerò huiuscemodi pauperibus in ciuitate, ut solent inter examina apum fuci nonnunq̄ frequentiores exoriri, dū se diuitibus cōparant, siue in re militari, siue in domesticis, urbanisq; negotijs. quæ cōione ciuitatis cogūtur ipsi obire: tūc se ualidiores, robustioresq; oī in re delicatis illis agnoscūt, necnō illos uituperātes, diuitem eo mō, & esse, & fieri probosum pu-

tāt, & de decorū. Itaq; Resp. hmōi haud dissimilis est
 ualetudinario corpori, & morboſo, quod nimia quaq;
 ex cā extrinsecus incurrēte in morbos incidit: sic q-
 dem, & hāc ciuitas, siquā habeat aliā aduersariam,
 praesertim popularē, iñ, quos suprà diximus fuci popu-
 lari ciuitati aduersus suos opē ferēt, simulq; in diui-
 tes illos cōiurabūt, ut eos, & uita, & fortunis spoliēt,
 aut in exiliū pellant, aut redigāt in seruitutem. Nec
 secus uerò q̄ corpus ipsum in sese, quasi dissidentibus
 partibus & laborare, & cōmutari pōt: ita quoq; hāc
 ciuitas intestino malo agitata, ac secū ipsa discordās
 periclitari sanē, ac trāsire in popularē poterit. Quod
 tum accidet, dū pauperes cōtra diuites coniurari eos
 ipsos subigent, ex quibus partim necabūt, partim in
 exilium mittent: non aliter q̄ in his, quae nunc stant
 ciuitatibus, aduersus opulentos pauperiores armari,
 atq; congregari uidemus. Tū demū igitur constituto
 in ciuitate pauperū impio, eò res redierit, ut oēs sint
 ex aequo liberi, nimiaq; libertate oībus oīa licita sint.
 cuiusmodi certē imperiū casu quodā, & fortuna cōti-
 nebitur, in quo oīa sint hominū genera cōfusa, nemo
 dignitate, aut honore praestet, lex oībus aequabilis,
 utpote qua, nec dignitas ulla, nec probitas excellat.
 Nec est status hic popularis uersicolori pallio, atq; de-
 picto dissimilis, quo, uelut speciosissimo ppter colorū

uarietatem imprimis, & mulieres, & pueri delecten-
tur: ita hunc quoq; popularem statum multiformem
imprimis, & uarium prima specie non pauci pulcher-
rimum esse arbitrantur. at nihil est profectò prima
huius Reipub. species, quippe, cum ipsa sit adeò cor-
ruptioni, atq; internicioni obnoxia, si non uirtute ali-
qua, aut honore fulciatur, ut in his præsentibus ciui-
tatibus ac prioribus etiam popularibus perspicuū est.
Ex quo tamen genere optima Respu. exoritur, & re-
liquæ nihilominus. in eo nanq; in potentia reperiun-
tur, cum in hac Repub. omnes animi mores reperiā-
tur. uidetur enim primas ciuitates, quas natura pro-
tulit, necessitatem ipsam oīno coegisse: statimq; sunt
populares consecutæ, ex quibus uelut fontibus reli-
quæ omnes in suo genere emanarunt, ac, uelut cor-
riuatæ sunt. proptereaq; Plato dicebat hoc ciuitatis
genus sapientibus curæ esse debere, ut ex quo genus
optimum, ac ciuitati optimæ maximè correspondēs
eligi posset. Veluti si quis horreum omni genere rerū
abundans instituat, ex hisq; rebus alias uænundet,
alias, quæ sibi placuerint in suū usum religat. Inquit
præterea ille, hanc ciuitatem, cum nullis rebus utili-
bus, siue bellicis, siue domesticis muneribus ciuēs
astringantur, interire facillimè. nam, & hic cernere
est sceleratos, atq; capitali supplicio dignissimos, hu-

iani, atq; diuini iuris contemptores. Hic etiam nulla
cura est, nulla ratio earum rerum, quas in consti-
tendo optimo ciuitatis genere opportunas esse, &
necessarias diximus. Quo errore hæc ciuitas nō pa-
rim ab optimo statu recedet, & si quis eā subito uo-
ptariæ, ac delitijs fluenti ciuitati, aut non dissimi-
lem, aut eandem fortasse existimet. Verūm hætenus
de permutatione quæstuariæ ciuitatis in popularem,
deq; popularis ipsius differentia, atq; cōparatione ad
optimam, atq; ambitiosam.

N V N C uerò est consequēs de homine popularis
ciuitatis simili, eiusq; mutatiōe disputare. De eo itaq;
dicendum est, talem uirum hoc in statu ex eo fieri po-
pularem, qui prius oligarchiæ similis fuerat, uelut ex
paucorū dominatu ciuitas nascitur popularis. siqui-
dem hic ob eruditionis, & rectæ institutionis penu-
riam, quæ in paucorum administratione est: propter
ignauorum præterea, & ociosorū copiam, quanq̃ ab
eo natus sit, qui inter principes ipsius oligarchiæ sit,
neq; desistat filium suum ad suos mores, genusq; do-
minij, & uitæ attrahere, nihilominus aliena, & ex-
tera admonitione, tum ad absolutā libertatem, tum
ad uoluptates reuocatum. cuiusmodi interpellatio li-
bertatis, atq; uoluptatum ualuerit, atq; durauerit di-
utius, proculdubio in oēm cupiditatem, libertatemq;

72
licentiosam se dedit, super necessarias etiam uoluptates, quas, uelut à patre iam antea suppeditatas acceperat. Non necessariarum uerò, ac superuacuarum illecebrarum maior cura est, ad quas per necessaria illas cupiditates transitus est. Eas autem intelligo, quibus ad uitam necessariò indigemus, sicuti, & potus aquæ, & cibi est desiderium: quorù alterum humiditatem corporibus necessariam conseruat, alterum uerò penetrare facit, & trāsmittit in corpus id, quod restaret, quod iam corpori decessit, ac dissolutū est. Sic ergo iuuenis ille non necessarijs tantum uoluptatibus addictus est, quinimò, & cupiditatibus alijs, ut quæq; ueniunt in mentem: adeò, ut nonnunq̃ ita se uino ingurgitet, ut ebrius planè, ac mentis impositus efficiatur: tantum interdum aquæ hauariat, ut eius frigiditate, naturæ temperamentum obruatur: sæpe numero in exercitationibus gymnasticis, se quolibet genere pugnae exerceat: aliàs, & uita, & instituto sit non dissimilis illis, qui philosophiam profitentur: contra aliàs omni in re agenda socors penitus, atq; iners appareat. ac (ne pluribus) eius mores planè sint inconditi, atq; indefiniti: huiusq; uitæ institutum nimis delicatum, ac liberum nuncupabitur. Quod re uera ab humano proposito alienissimum uideri potest. siquidem homo, cum unicum si-

nem spectet, debet eius quoque consuetudo uitæ, seu operatio in certa, ac determinata esse institutione. Iuuenis igitur, qui ad hunc, quem paulò antè diximus, modum affectus fuerit, omnino Reipub. populari similis erit. qui, si ita se habere ponatur; erit eadem istius ad reliqua genera comparatio, quæ Reipub. popularis ad reliquas ciuitates. Atque hic locus se offert quidem maximè idoneus, ad despicendum, in quod ciuitatis genus populus transferatur, Et quæ illius ipsius commutata uis sit: in quem denique uirum popularis iste transeat: ac eius ipsius, qui ex populari exoritur, quis dignitatis gradus, quæ amplitudo, quæ felicitas.

H A N C igitur popularem gubernationem maxima ex parte in tyrannidem deficere Plato arbitratus est. siquidem enim ex populari statu ea ratione tyrannicus exoritur, qua popularis ipse ex paucorum potentia. Non enim aliter ex paucorum administratione exit popularis gubernatio, quam propter inexplebilem diuitiarum, atque excessiuum quæstus appetitum: qua ex cupidine populares ipsi non pauci necessitate ipsa fiunt pauperes, scilicet quos, uelut inter apum examina, fucis similes esse ostendimus. Eadem quoque causa est, quæ popularem statum in tyrannicam dominationem

conuertit, ſcilicet inſatiabilis, & libertatis, & orige-
næ licentiæ amor quicquid enim exceſſu, atq; ſuper-
abundãtia obruitur, neceſſe eſt in diuerſum penitus
contrariũ abeat: neq; hoc in his, quæ uoluntate agũ-
tur, uerũ etiam in naturalibus uidere eſt. Sic igitur
libertas ſumma cauſa eſt, ut fuci illi in ciuitate oo-
riantur, non diſſimiles his fucis, quos in potetia pau-
corum naſci diximus: quanq̃ hic tamen iſtorum non
paulò maior copia eſt. illic enim in paucorum domi-
natu, principes ignauos huiusmodi homines, ac de-
ſides, ac uoluptatibus diſſuentes non amant, ſed ne
tolerant quidem, quin potius omni opere oppugnant,
atq; affligunt. qua ratione in ſtatum eum tandem ter-
minatur, ac deficit illa ciuitas, qui quaſtuariũ inter,
& tyrannicum mediũ eſt, popularis quidem ipſe, de
quo nunc agitur. Ac in eo quidem, non ut illic iner-
tes, atq; pigri odioſi ſunt, aut graues, uerũ omnibus
accepti, & inter cæteros honorati maximè, habitiq;
penè principum, atq; dominorum loco. Eſt enim huius
ciuitatis, uel natura, uel conditio, ut cum libertas pu-
blicum inuaſerit, demum in ſingulas familias, in ſin-
gulas domos ſe inferat: atq; eòuſq; permisceat oĩa, ut
filiorum cum parētibus, ſeruorum cum dominis, mul-
lierum cum uiris grauis, atq; conditio par ſit, & la-
befactatæ leges, & proculcatæ, ut nullius in ſe do-
minium

minium agnoscant: atq; breuiter, nihil præter abso-
 lutam, plenamq; omnino libertatem, aut uelint, aut
 sustineant, ac ut singuli quidem, uelut omnium rerum
 pro libidine domini sint, quando scilicet, & quomo-
 do libeat. Quæ necessitas certè incredibilem pesti-
 mi fucorum generis multitudinem asferet, haud se-
 cus, quàm aduersa corporis ualetudo uitiosorum hu-
 morum, uelut pituitæ, bilisq; & flauæ, & atræ copiã
 sufficit: sic sanè populus, hoc fucorum genere supra
 modum pullulante, & grassante, transit in tyranni-
 cam administrationem. Quocirca omni cura cauere
 legistatores debent, ne genus hoc fucorum pestilens
 ciuitatibus oboriat: ac penitus diligentius ab il-
 lis agi debet, quàm à medicis, ne humores nocui in
 corporibus exoriantur. Ac, si quando hoc genus
 incipere, atq; enasci animaduernerint, radicitus il-
 lud, ac funditus excidant, & extra ciuitatem ipsam
 prouinciant: quemadmodum pituitam quoq; de corpo-
 re humano, & utrâq; bilem medicus educit, prouincitq;.
 Quam non paulò minor, ut in re etiam grauiore le-
 gumlatorum, atq; principū, quàm medicorum cura,
 & obseruatio esse debet. Nemo enim hac in ciuitate
 nasci uidetur, qui cupiditatibus possit, & illecebris
 imperare. Verum enimuero (ut Plato etiam inquit) ho-
 minum tria sunt genera in hac ciuitate nascentium,

M

quorum maximè ortus ad transmutationem ipsius in tyrannidem conducit. horum primū est genus fucorum, quales iam antè descripsimus: qui uidelicet per omnem licentiam, atq; libidinem se libertate explēt, cui generi hac in ciuitate laus est maxima, honorq; præcipuus expositus. Alterum est, idq; turpissimum, quod soli auaritiæ, soli quæstui, rei; conquirendæ studet, & ex talibus maximam mellis copiam exprimit. Tertium uerò, ac postremum genus eorum est, quorum cura duntaxat in suis commodis uersatur, suntq; reliquorum penitus utilitatis negligētes, neq; pecuniosi tamen admodum, neq; opulenti. Atq; hac in ciuitate illud genus opulentum reliquis illis duobus uelut prædæ, rapinæq; exponitur: si quidem illa hoc secundum quoad possunt fortunis omnibus atq; facultatibus spoliāt. Alterum quidem libertatis, atq; licentiæ cupiditate ductum: alterum ea ratione potissimum, quòd summam sibi dignitatem opibus, atq; copia consistare arbitratur. Et re uera primorum illorum dignitas consistit, quatenus popularis administratio producit: idq; facultatibus, quas illi utcūq; quæsierunt, & deprædati sunt inter plebem disperrendis. Itaq; (ut inquit) post iniurias huiusmodi, & rapinas consequens est, ut in hac ciuitate litigia, cōtentiones, accusationesq; nascantur. Ac populus quidem

ipse in unū aliquē conuerteretur, ac spectabit, qui inter eos, quos libertati, & cupiditati deditos diximus excellet: huicq; fortunas suas oēs, uelut præsidio rerū suarum, ac propugnaculo committet, illiq; omnia necessaria suppeditabit, extolletq; in summā dignitatem. Qui uir nihilominus tandem adeo libertati publicæ infensus, atq; hostis efficietur, & propriè pedentim tantum erogabit, ut tandem populum maxima ex parte sibi subiiciat: eaq; ratione, & naturam, & officium tyranni ipse obeat. Iam enim inde à principio domini sui officijs, operibusq; tyrannicis continenter se exercens, eò tandem peruenit, ut uerè tyrannus effectus sit. Principio enim populum planè sibi subditum, ac obnoxium arbitratui sui nactus, seu corripere quempiam, seu persequi, seu necare libeat, uelut contra odiosum hostem fieri solet, id quomodocunq; facere non desinit: atq; ita nonnullorum hominum auxilio contra alios ad tyrannidem arripiendam utitur, ob generum hominum diuersitatem, ut diximus, quæ in ciuitate reperiuntur, & præsertim contra opulentos, qui certè populo sunt maximè odio. Neq; cessat exitia, ac cædes, crudelitatemq; exequi, quousq; sit maximè ciuium parti detestabilis, uicissimq; ipse princeps odiosus: itaq; cogitur necessitate tyrannicum imperium instituire,

M ij

ne alioqui à coniuratis contra eum in ciuitate inimi-
cis interimatur. cuius quidē rei exemplar quoddā est
Cordubensium ciuitatis status: qui, cum quingentis
annis à populo administrata fuerit, post hoc tempus
per quadraginta annos iam transmutata est in tyrā-
nidem. Quibus uerò gradibus tyrannus huiusmodi
ad eam seuitiæ, atq; crudelitatis rationem progre-
diatur, & quò eius tandem dominium, ac principa-
tus eum deferat, quid, quātumq; ab eo damni ciuitas
ferat, quantum ipse etiam à seipso, ratione quidē, atq;
inductione ostenditur. Principio enim homo is salu-
tatiōibus facilis, ac more etiam ipso populo gratus,
omnes quodāmodò in officio retinere uidetur, ita ut
eum non tyrannum, sed mansuetum, ac iustum esse
ducāt, quasi qui æquitati, & rectitudini studeat, præ-
sertim inter eos ciues, quibus cum pecunias, & bona
cætera partitur: ut nihil aliud quàm multitudinem,
atq; ciuium cœtum curare, & regere appareat. Iam
uerò, cum hostium externorum partem sibi pace, ac
foedere adianxerit, partem sustulerit bello, partem
quomodocunq; repreßerit: cum pacatè possit uiuere,
nihilominus noua semper bella sollicitat, ut ea ratiōe
facilius ciuium suorum imperio abutatur. Ipsi enim
bellicis sumptibus exhausti, minus resistere illi, aut
insidiari possunt: quippe, cum rebus necessarijs quæ-

rendis, ac quotidiano uicui comparando astringatur. Quale certè quiddā nostratibus accidit, qui celebris illius uiri Ihanicæ filij imperio adhæserunt. At ille præterea putabit esse in populo nonnullos, quos ipse timere deberet, eosq; potissimū, qui inter cæteros ditissimi, ac potentissimi sunt: utiturq; oī arte, & industria ad illorum exterminationem, & interitum, ita ut eos trucidandos hostibus per occasionē subiiciat, in pugnamq; eos mittat. Sic enim necesse est, eum odio habere similes sibi uiros, qui certè apud eum auctoritate, atq; officio plurimū poterant. Et certè his, quæ diximus, agendis non minima inimicitiarum aduersus eum causa contrahitur. Ex quo cōsequens quoq; est, eum id tota opera agere, ut hmoi uiros potentes, potentiaq; & magnanimitate ceteris præstantes è medio tollat, atq; ita sibi ciuitatem subiuger: neq; hæc agens, cogitansq; cessat; quousq; ab hoc hominum genere ciuitatem purgauerit. Sanè quidem purgatio ea est ei cōtraria omnino, qua medici curandis corporibus, & sapientes in conseruandis optimis Rebus pub. utuntur. siquidem ij, quod deterrimum est eniciunt: tyrannus contra, quod optimū est extrudit. Itaq; tyrannum tandem, aut non uiuere omnino necesse est: aut, si uiuat, cū improbis, ac maleficis, & capiti suo infensis uitā degere. Neq; dubiū

M ij

est, quin quò infensiores sibi ciues reddiderit, eò plu-
ribus quoq; ac fidelioribus ad custodiam satellitibus
indigeat: quos certè sibi exteros, ac pessimos quoq;
ex omni gentium, ac populorum colluie merce-
de comparabit. ij inquam erunt sui amici fidelissi-
mi, qui illos priores, à quibus iste fuit cōstitutus prin-
ceps populi, maximè infestabunt, & affligent. Eò de-
niq; res flagiti, atq; de decoris prorumpet, ut, cum ad
exercitus alimoniam, atq; stipendium, rerū copia de-
sit, ad sacras, siquæ in ciuitate occurrant, opes uio-
landas, diripiendasq; conuertatur: nec minus eorum
facultatibus, ac fortunis abstinebit, qui ipsum domi-
num constituerunt. Quæ iniuria, si diutius exer-
ceatur, eumq; cognouerit huiusmodi populus præter
opinionem, quam de ipso, dum rerum dominium tra-
deret, concepisset (neq; enim eum aliam ob causam
rebus administrandis imposuit, quàm ut à diuitibus
qui, & maximi, & optimi uidebantur, liberaretur),
nec certè ulterius insolēs, ac proteruum istius domi-
nium feret, conabiturq; oppressorum ciuium, omni-
busq; fortunis exturbatorum multitudo illum ex ci-
uitate detrudere: ille contrà, ut potentior astrictiori
seruituti subijciet, arma auferens, & alia ferè liber-
tatis instrumenta. neq; aliter, aut maiore successu hic
sub hoc tyranno seruitutem cōmutauerit, quàm qui

fumum fugientes imprudenter se in flammam coni-
ciunt, ac minus periculum uitantes, in deterius atq;
crudelius malum incidūt. Ille siquidem eo tyrannum
sibi dominum constituerat, ut leuem aliquorum ser-
uitutem effugeret, uerū enim in duriores, minusq;
tolerabilem incurrit. Neq; uerò tyrannica hæc ini-
quitas ratione tantū, ac sermonibus cognita est his
nostris temporibus, quinimmò cum ipso sensu, tum
etiam multorū experientia, & testimonio. Itaq; hæc
nobis dictum sit, popularis Respubl. qualiter in
tyrannicam conuertatur: quæ inibi ciuium, & fortu-
na, & conditio sit.

N V N C de uiro ipso moris, animiq; tyrannici di-
cendum, quo pacto uidelicet ex populari illo in na-
turam, ingeniumq; tyranni desciscat: quærendumq;
hic uir, cuius uitæ censendus sit, miseræne, & infæ-
licis, cuiusmodi Respub. illa est, quæ tali opprimitur
dominio. Itaq; cum Plato eum uirum descripserit, ut
cupiditatibus minimè necessarijs obsequentem, aut
addictum melius, dicamus ipsum ideo Platonem sta-
tim ab his cupiditatibus exprimendis, indicandisq;
incipere: moxq; ipse reuertetur ad explicandam ra-
tionem, qua ex populari ille tyrānus efficiatur: dein-
de quā miser sit, quā infelix, & quātum cum ci-
uitate tyrannide oppressa similitudinis habeat.

M iiij

NON necessarias ergo cupiditates asserit, quæ in somno excitantur, atq; cōmouentur. per eas autem feram illam, ac brutam partem intelligit, quæ rationali dormiente maxime excitatur, tanq̃ sopito, atq; somno oppresso domino. Pars etenim illa fera, atq; inhumana in somno, dū uelut a rationis dominio libera est, ab omniq; cogitatione, nulloq; respectu cohibita, nihil est certè tā nefarium, quod timore ullo, aut religione exhorreat: quæ duo inter uigilandum non paucos affectus continere solent inhonestos, & uoluptates nefarias.

P A R T E igitur rationali labefactata, aut impedita, leges omnes, ac institutiones rectæ maxima ex parte depereunt: aut, siquid fortè supererit, hoc non nisi minimū quiddam, ac debilissimum esse pōt. quòd si homo diligentem rationis illius curam susceperit, nihil tale, quale nunc dicebamus patietur in somno: quin etiam pars illa rationalis per somnum id, quod, uelut per maximas uigilias aget, adeò ut nihil contra leges, contra æquum, & bonum concipiatur, aut cogitetur. Ideoq; hunc, qui rationem curat, uirum, diuino: alterum, qui eius ipsius negligens est, fero, ac bestiali homini comparat.

E A igitur parte cupiditatum minus necessariarū explicata, ad eam rationem se refert, qua tyrānicus

uir cōficiatur ex populari: sicq; inquit, popularem eū
 esse, qui ab ætatis initio ea sit affectione imbutus, ut
 nihil uoluptatis non necessaria requirat, neq; quicq;
 magis, quàm quæstus copiam, ac lucri. Verùm enim-
 uerò, cū hic iuuenis inter eos uersatus sit, qui se totos
 libidinibus, ac supuacuis illecebris tradiderūt, sitq;
 natura illis cōpositiore, atq; meliore, paterq; ipsius, q̃
 potest maximè ad suū uiuendi institutū adducat, cō-
 trā perditū illi ad uitam maximè frugalitati contra-
 riam retrahāt: ita sanè eum ipsum necesse est in di-
 uersa tractum, mediam quandā moris utriusq; affe-
 ctioem nancisci, moderatè quidem, ut ipse putat il-
 lorum utrunq; sequutum: ut certè, neq; non illiberè
 omnino, neq; dissolutè uiuendo, ex paucorum poten-
 tiæ simili in popularem commutetur.

IN QUIT rursus Plato, popularis hmōi uiri,
 iam ætate prouectioris filium esse ponamus, qui à te-
 neris unguiculis patrijs sub moribus educatus, in eā
 sortē incidat, quam parenti ipsius cōtigisse diximus,
 uidelicet ut sollicitetur ab his, qui legis, ac morū trās-
 gressiōnē suadere soleāt, ac ad integrā libertatē tra-
 hant, concurrente ex altera parte omni studio, atq;
 opera ipsius genitoris, ut huiusmodi uoluptates oriā-
 tar in eo: accedat quòd, uel affines, uel domestici, fa-
 miliaresq; nōnulli id, quod in patre non fuit, eius cu-

piditatibus obsecundent, ita sanè citra controuersia uehementius, ac præter modum in uoluptates huiusmodi se dabit non modicè, ut de patre diximus. ipse enim non habet è diuerso, qui se in alterum extremū retrahat: nec certè ei contingit in quoscunq; incur-rere, à quibus ulla opéra reprimatur, quin potius omnes, quibus occurrit offēdit authores libidinis suæ, atq; uoluptatis, qui eum etiam ad dominandum inui-tent, incendantq; omni studio. quibus certè rebus fu-cum peiorem, ac deteriorem fieri planū est ijs, à qui-bus solēt apum examina uexari. Ipse siquidem, dum se in uoluptates deuoluit supuacaneas, ut sunt ebrie-tas, unguentorum, ac rerum odoratarum inane stu-dium, & quod breuius dicatur, cuiuscunq; generis sint oblectamenta, ac maximæ consuetæ hominibus uoluptates: dum igitur in eas se præcipitat, & immergit, quasi ex seipso, idest, à ratione, & mente exce-dit: atq; ita extra se positus cupiditatibus illis agi-tatus, stimulatusq; fucis quidē etiam ipsis, furit pla-nè, ac summè perturbatus in insaniā, ac dementiā quā-dam demoniacā conuertitur, qua etiānum percitus, si quas sanas intus opiniōes, aut uoluptates frugales reliquas offenderit, euellit penitus, atq; abiicit. Ergo tyrannus hmōi (eum aut̃ intelligo, qui præstantioris aīæ partis prorsus est negligēs,) furioso, atq; ebrio

intellectus, ac mētis oppressu persimilis est. Ac sanē in hunc modū furiosus nō tantū ad imperiū hominū aspirabit, sed deorum etiā immortalium dominiū, si possēt, sibi acquirere conaretur. Et in hunc quidem modū tyrannus nō perperā descriptus sit: nec quæ à nobis cōmemorata est eius ex populari cōmutatio cōtraria uidetur, aut aliena. erit aut qualis à nobis descriptus est, tum maximè, quādo, uel natura ipsa, uel studijs in eū concurrant oīa, quæ à nobis enumerata sunt. Hæc aut ut sunt à Platone explicata, mox describere incipit, huius ipsius uiri, de quo dicimus, quæ rō sit uitæ, qui mores, quæ cōsuetudo. ubi certè illū inter uoluptatū oīum abundantiam, & aculeū debacchari ostēdit, ad uoluptates oīa cōposita, ut sunt deambulationes, porticus, balneæ, spatia, gymnasia, theatra, & (ne multis) indulgere quidē oībus quæ amorē istum impudentē, uenerē, atq; immoderatū confirmant: q̄ amor in ipso maximè uiget, habetq; in reliquis animi partibus dominiū, ac regit, ut nauē gubernator ad libitū regere solet. Ac uir equidē talis, nunquam asciscendi nouas uoluptates, ac prioribus adiungēdi desistit: quin nouæ in eo quotidie libidines oriūtur, ut quod in arboribus alienigenæ germina pullulent, & alia id genus. Quibus oībus non sine ingenti sumptu obtemperari poterit. ac demū sit quāuis opulentus,

Et locuples, nihilominus omne confestim patrimoniū
prodiget: moxq; cū præsenti semptu indigeat, neces-
se erit pecunias fœnori accipere, & multa necessaria
ab alijs mendicare: cumq; semper ulterius instantes
cupiditates incitent, ad ea etiam, quæ assequi nō pos-
sit, & præsertim amor ille insolens uenerens urgeat,
qui reliquis cupiditatibus ipse imperatur: eò usque
(quæadmodum inquit Plato) ut nihil sit, quod concu-
piscere ille nō audeat, nec se coerceat, adeò ut, & co-
lūborum educatione oblectari etiam non negligat.
Qua de re unum de duobus illi accidere, necesse est,
aut eum quæcunq; desiderat ratione qualicunq; usur-
pare: aut ingēti tristitia, immanibusq; doloribus af-
fici, haud minoribus certè, quàm quibus uel parturiēs
mulier. uel quiuis ægrotus maximè cruciatur. quòd si
partē patrimoniū cōcessam iam sibi à parētibus pro-
degerit, amplius ei siquid supererit efflagitare, & in-
uoluptates inhonestas erogare nō uerebitur: quòd si
minimè illi assensi fuerint, ad blāditiās primū, mox
ad furtā, postremò ad uim, ac paternæ pietatis uiola-
tiōem se cōferet. cui impietati aliquantò obstinacius,
si se parentes opposuerint, aduersus eos ipsos tyrannū,
omnis officiū immemor aget: ut neq; tandem, si
res ita tulerit, paterna cæde absteineat nefarias ma-
nus. quod genus flagitiū passim nos p̄ ciuitates no-

stras uidimus contingere . Ad hæc , tyrannicus ille
 filius, si cuius non necessarij amore captus sit, ac eo-
 rum maximè, qui delinquentem eum, & adiuuant, &
 celant : illi certè uidebitur non iniquum esse eorum
 gratia amicos ipsos necessarios explodere, maiores
 scilicet suos, auos: parentesq; eorum ipsorū, quos mi-
 nus necessarios amat nimium arbitrio, ac libidini sub-
 iiciat. Atq; ea demum eorum fortuna est, quibus aut
 natura, aut moribus filius tyrannus efficitur . Con-
 sumptis deniq; ac profusis parentum facultatibus, cū
 nihil ipse tantum consequi possit, quò magnitudinem
 cupiditatum expleat, sacra, ac templa tandem diri-
 piet, infestsq; itineribus uiatores, quot incident spo-
 liabit, prædas undecumq; poterit ager: ac deinceps
 omni temporis processu magis, magisq; adaugebun-
 tur cupiditates, maximeq; imperator ille reliquarum
 amor uenerereus, inhonestus dominabitur: adeo ut, quæ
 usq; à tempore pueritiæ, dum sub legibus paternis
 institueretur, bonæ opinioes supererant, penitus euel-
 lantur. Erat autem à principio in populari instituto;
 ac uita educatus: nunc uerò interuentu tot furiosarū
 libidinum, talis est uigilans (ut Plato inquit) qualis
 olim dormiens erat, nullius rei abstinens, nulla reli-
 gione, nullo cuiusq; rei timore deterritus . Quoties
 ergo aliquot tales i ciuitate populari fuci, seu coorti

sunt, seu aliunde confluxerint, qui inter cæteros potentia, atq; facultatibus ad uoluptates præualeat à reliquis tyrannus constituitur omnium, ac dominus, idq; imprudentis populi consensu, & auxilio. Sic autem constitutus, uelut superius patrem sibi, ac matrē subiecit, sic hic quoq; & patriam suam, ac omnium maiorum suorum matrem ciuitatem, toto conatu subiget. Si uerò pauci in ciuitate faci tales existāt, quos probi ciues increpent, tunc potentissimum sibi ducem ex suo corpore constituunt, aut foris bellum gerunt, aut domi omne genus flagitiorum exercent, parietes fodiunt, ad cædes, ad rapinas cōuertuntur.

Q V I C V N Q V E præterea tyrannus est, hac quidem natura est, ut nullum ipse ciuium uerè diligat, neq; ipsi inter sese diligere studeant. Quocirca administratio ipsa tyrannica iniqua est, & iniustissima, cum sit maximè contraria ei ciuitati, quam nos superius primam, atq; optimam descripsimus, à qua hæc plurimum, uelut pessima distat. Est quidem certè regnum omnium statuum beatissimum, atq; optimum. Idcirco, cum non aliter ciuitas à ciuitate, quam uir à uiro discrepet, consequens est, ut nemo, neq; rege sit optimo beatior, neq; tyranno miserior esse possit. Et si ciuitatis ad aliam ciuitatem collatio clarior sit, quam uiri alicuius ad alterum, nihilominus

tamen, si utroque; una, atque eadem comparatio est, ex illa ciuitatum inter se, etiam hæc uirorum comparatio clara fiet. ita enim, dum quæ ciuitatis propria sunt natura, & quæ præterea accidunt, cognouerimus, facile erit uiri quoque similis iudicium ferre.

ATQVI nihil est manifestius, quam tyrannicam ciuitatem maximè omnium seruitute opprimi, atque à libertate abesse quāplurimum: sic quoque certissimū est tyranni ipsius animū omni seruitute, atque indignitate opprimi, utpote in quo pars ipsa uilissima, ac foedissima dominium obtineat, reliquis, quæ præstantiores sunt, seruientibus. Serua insuper ciuitas, uelut alieni iuris, minimè id, quod uult, aut cupit, potest agere: aut fortè, si agat id, minimum quidem, ac nullius momenti esse necesse est. Tyrannorum similiter animus, uelut durè, & miserè seruiens, semper lamentatione, semper mœrore, semper tristitia, ac rerum omnium inopia laborat. Etenim ciuitates tyranno subditas inopes quidem esse, neque unquam necessarijs affluentibus esse constat: ita quoque tyrannicus animus ubique inops, ubique famelicus, atque indigens. & quemadmodum, ut inquit Plato, ciuitas, quæ sub tyrannide est, omnia formidat: sic tyrannus ipse nunquam esse sibi in tuto uidetur. Et quemadmodum illic frequentiores querimonie, frequentiores fletus,

ac gemitus, quàm usq̃ gentium esse solent: sic nemo cupidinibus magis pñciosis, magisq̃ luētiosis, quàm tyrannus afficitur. In eumq̃ morē Plato ciuitatibus ipsis uiros illarum aßimiles cōparat. & quandoquidē (ut dictum est) similitudo, quæ inter optimam, & tyrannicam intercedit, apertior est, quàm quæ inter similes illis uiros: ob id, uelut exēplo tyranni ipsius naturam, atq̃ conditionem exposuit. Etenim tēporibus illius magno in honore, & frequenti usu erat imperiū tyrannicum: quod etiam erat poetarum carminibus decantatum, & celebratum, quasi liberum quoddam, ac legitimū dominium iustumq̃; esset. Ipse quoq̃; poetas nō paucos in his nostris ciuitatibus natos cognoui, qui hoc dominiū genus optimam esse putarent, & in primis requirerent, utpote in quo suam quandam dignitatem, auctoritatemq̃; retinerent.

DICIT præterea Plato, nihil obscurum esse tyrannum se erga ciues ita gerere, qualiter erga seruos dominum: ut scilicet opulentum quēpiam esse fingamus, & mancipijs in primis eum abundare. quæ ideo non sunt formidabilia isti, quia fretus sit reliquis ciuibus suis, quos duplo plures, quàm seruos, eosq̃; liberos omnes habet. Quod si seorsum ab alijs ciuibus cum uxore, ac liberis, facultatibusq̃; omnibus inter tot seruos habitaret: tunc, utpote ubi nullū à liberis hominibus

hominibus auxilium præsens, præptumq; esset, illum
 nonne par fuerit de se in primis, de uxore, de liberis
 timere? deq; rebus suis omnibus, tanq̃ omnia illa ob
 seruos uersentur in discrimen? Ac tandem quid fa-
 ceret aliud, nisi nonnullis ex seruis ipsis adblandire-
 tur, ac polliceretur quāplurima, cogetur tandem oēs,
 uel aliquos seruos claudere, eorumq; aliquos quādoq;
 ipse uinculis ligare, multaq; illis necessaria parare,
 ac nulla apparente ratione ad id cogente, numerare.
 Et certè eo se modo gerere cogitur, coq; discrimine,
 ac timore uiuere, nisi se cum suis omnibus perire ma-
 lit. Age uerò, alios circumqua; mortales proximos
 illi circundemus, qui haudqua; patiantur alterum al-
 teri dominari, quanta cum inopia, quanta angustia
 rerum, & difficultate astrictum putabimus, qui, ue-
 lut carcere quodam clausus est? Hæc planè conditio
 est ipsius tyranni, taliq; carcere perpetuò coercetur,
 semper fame, semper timore uexatus, nunq̃ sibi im-
 perans, nunq̃ usq; eò compos sui, ut egredi usq̃ liceat,
 nec respicere quidem quod placeat liberū est: uerūm
 ita inclusus muliebre uerius uitam agit, q̃ uirilem.
 Hæc inter cætera huius uiri mala, hoc minimum est,
 quòd, cum sibi ipsi imperare non queat, alijs dominari
 enititur. quod perinde est, ac si imbecilli quis, atq;
 ægro corpore, suæ ualitudinis, & salutis negligens,

N

72
alienæ sanitatis satagere incipiat. Qua dere quis omnium, quaeso, grauiori seruituti illigatus est, quam tyrannus? cuius appetitus, atq; libidines nulla industria, nullæ opes implere ualeant, semper in mœrore, semper in angustia, semper in desiderio, quo ipso animus maximè inops existit, exinde inuidus, iniustus, omnis amicitiae expers. illos siquidem affectus, cū iam antea accepisset, tunc multo magis ex obtentu tyrannidis adeptus est: ex quo etiam est consequens, infortunatum eum esse, & infœlicem. Adde etiam, q̃ qui, aut fortuna, aut casu in sublime euehūtur, sæpe numero miserabili ruina in infima recidunt: quod adeò sua sponte conspicuum est, non ratione tantum, uerum etiam sensu. Atq; adeò in huius sermonis compendio, & ciuitatum superiorum ordo, & earum ipsarum fœlicitatis, infœlicitatisq; gradus, ac series, necnon eorum, qui in his ipsis dominantur, conditio manifesta est: ita ut beatissimus oīum sit probus rex, miserrimus, ac detestatissimus tyrānus. Atq; hæcenus de ciuitatū illarū natura, & mutatione inter se, hominumq; etiam similium à Platone disputatum est.

POTEST autem aduersus ea, quæ diximus opponi, ut si uerum sit, quod à Platone dictum est, scilicet harum ciuitatum eam esse rationem, ut alia alij cōtraria sit, quemadmodum inter se optima ciuitas,

E tyrannica sunt contraria: quoniam inter talia contraria mediū intercedere necesse esse, uideatur uelle harum ciuitatum inter sese commutationem non nisi ordine fieri. quod tamen hic non ita est, cum non per media commutatio fiat, ut à natura fieri solet. Natura etenim ipsa non, nisi per media, quæ intercurrunt contraria, aut conciliat, aut permutat.

ENIM VERO res ipsæ, de quibus tractatur, uoluptatis sunt tantum non naturæ: unde quodammodo his ipsis in ciuitatibus etiam singulis oīum, quas descripsimus naturæ cōprehenduntur, ea scilicet facultate, ut quæuis in aliā quālibet transferri possit, atque mutari. Dicimusque hanc qualemcumque ciuitatū transmutationem à Platone positā, ita non intelligendā esse, tanquā oīno necessaria sit, uerum tantummodo, quod ita frequentius accidat. cuius rei causa est, quoniā, si in ciuitate quis ab ineunte uita instituatur illius ipsius ciuitatis moribus, tametsi natura ipsa sit maxime legibus illis cōtrarius, nihilominus tāta institutiōis illius, atque educationis uis est, ut imbutus ipse ciuitatis moribus à natura sua, ciuitati illi contraria, recedat maxima ex parte: ita ut, siquid à ciuitatis moribus discrepet, nō eo usque tamē, ut nō possit ad illius ciuitatis mores trāsferri. quæ ipsa et est causa, quod nulla sit tam praua, tam peruersa hominis natura, quæ institutiōe

N h

non possit ad humanas uirtutes formari. Nonnunquam
uerò, rarò admodum tamen, id prohiberi potest: quod
quidem in prima huius scientiæ parte iam probatum
est. ibi etiam comprobatum est, uiam ad actiuas uir-
tutes assequendas unam, consuetudinem scilicet, esse:
quemadmodum ad speculatiuas scientias doctrinam
ipsam, seu disciplinam. Ergo homo, si in mores alios,
quàm quibus imbutus est redigetur, hoc nisi consue-
tutine, legibus, atq; institutis uariatis fieri non pòt.
At uerò in Repub. præsertim quidem in optima illa,
non statim leges, consuetudinesq; mutantur, ob usum
scilicet diutinum uirtutis, moresq; ipsos optimos, cõ-
firmatosq; in quibus sunt ciues exercitati, atq; institu-
ti: immò uerò dum mutantur, sensum id fit, nec nisi in
similiores, ac propiores primum transeunt: ac ita ne-
cesse est affectus ipsos, atq; habitudines, seruato de-
inceps ordine subinde immutari, quousq; ad supremam
corruptionem peruentum sit, in qua, uelut in extre-
mo omnium graduum pessimi, & perditissimi mores
insunt. Exẽplum autem horum omnium facile est ex
his moribus colligere, qui haud ita pridem apud nos
cœpere, & iam annum quadragessimum progressi, in
primisq; per potentissimos quosq; ex quo enim status
ambiciosus irrepfit, in quo enutriti illi sunt, iam, et si
in paucissimis eorũ, optimæ ciuitatis mores, ac studia

remanserint, præsertim in uiro uirtute institutorum
legalium prædito. Deniq; cum superiora illa Plato
absoluit, cupiditates quidem ipsas inter se ita cõpa-
rat, ut palàm sit, quæ quæq; istorum consequatur:
quæ sanè comparatio sic absolutior est, & plenior.

Q V I B V S explicatis demum ipsius de partibus
huius scientiæ necessarijs sermo terminatur, quod
nos declarare in animo habuimus. Itaq; inquit Plato
cum uires, (seu mores) animæ tribus uideantur com-
prehendi generibus, quot sunt etiam ciuitatũ distin-
cta inter se genera, prima est pars animæ, qua homo
sapientiam amat, & affectat. Secunda, qua finem di-
ligit, partim moderatè, ut ambitiosus: partim nimiũ,
& in excessu, ut tyrannus. Tertia additur, quæ con-
cupiscentiæ est, utilitatem maximè affectans. Volup-
tatum idcirco genera tria esse necesse est, quæ uni-
cuiq; horum correspondent: cum nemo ambigat ipsas
uoluptates, ueluti quandam umbram corpus insequen-
tem, eas illa insequi. Hic autem Plato, ad harum uo-
luptatum indagationem, quæ uidelicet earũ eligibi-
lior sit, utitur argumentatiõe topica. Ita enim inquit,
si ex istis tribus hominum generibus unumquemuis
interroges, quæ uoluptas illarum trium dulcissima
esset? equidem suam quisq; duabus reliquis antepo-
net. Deinde subdit ipse insignem quẽdam locum, qui

N in

in secundo Topicorum libro ab Aristotele explicatus est, dicitq; in hūc modum, Delectum, atq; iudiciū sapientis ceterorum sententia uerius esse, atq; præstantius. Idq; sic probat, quòd duo præstantissima ad iudicandum, ac examinandum instrumēta penes sapientem solum sint, ea autem experientia, & ratio appellantur. ergo philosopho in diiudicandis, delendisq; uoluptatibus, tum ratione, tum experientia credendum est. Et experientia sanè uoluptatum, quam iam inde à pueritia sumpsit dotatus est, reliqui duo nullam omnino sapientiæ experientiam, nullam uoluptatis illius sensum perceperunt: atq; id de experientia. De ratione. quis omnium tādē ratione, nisi Philosophus res inspicit? nam uulgus ipsum quo tandem modo oblectamenta maxime percipit, nisi cum doloris aliquid contrarij sustinet? ut ægrotos tandem ita sanitatem laudare uidemus, ut nihil dulcius, nihil amabilius esse fateantur: ut sanitatis ipsius sensum, tum demum habere uideantur, dum morbo aliquo laborant. Similiter opulentiæ summæ sunt in paupertate extrema laudes: & tamen nihilomags necesse est rebus suauibus per se, ut tales sint, aliquid contrarium, atq; molestum antecedere, uelut palam in uidēdi, audiēdiq; sensu, ac ceteris fieri uidemus: & multò etiā præstantiora ea delectamenta putanda

sunt, quæ ipsa, ut sentiantur contrario aliquo præcedente non indigent. Hunc uerò sermōem aliquantò prolixius Plato extrahit, id tantū ut probet quantū ignorantia omnes homines, præter Philosophum, uel ipsis in uoluptatibus æstimandis hallucinantur, quantumq; ea in parte cæteris philosophi præstet. Verū ea ratio, qua utitur nihil habet cū demonstratiōe cōe, ob idq; est à nobis magna ex parte prætermis-
 sa: Et tantū ex rationibus ipsius exponendū accepimus, quantū nobis demonstratiōis speciem hēre uidebatur. EST enim post aliquod interuallū, hac ratione usus, fames, Et sitis, quemadmodum corporalis habitudinis quædam exinanitiones sunt: ita ignorantia, atq; imprudentia sunt quædam animi uacuitas, Et inani-
 tio. Neq; aliter animi peritia, atq; intelligentia replētur, quam alimentis corpora reficiuntur. Ea autē meritò præstantior, atq; solidior repletio est, quæ ex eo quod præstantius est, Et melius conficitur: id enim quod ita præstat aliquantò uerius, aliquantò maius esse uidetur. Atqui res ipsæ tantò excellētiores sunt, ac uerioris, puriorisq; substantiæ, quò magis ad res appropinquant, quæ sunt æternæ, infinitæ, immortalisq; ueritatis, Et perpetuò manēt: contrā de his, quæ maximè distāt sentiendū est. qua rōne id, quo animæ defectus, Et uacūū illud qualecunq; est, expletur, mul-

5
tò uerius quidē est, & melius, q̄ id, quod corporis eua-
cuatiōi summittitur. Neq; id sanē iniuria, cum anima
ipsa sit æternarum rerum substantiæ multò magis
cognata, multò magis propinqua, quàm corpus, eò
ipso quòd illi ad cognitionem, atq; uoluptatem sub-
iectum est, æterno atq; immortalī. nam hic in anima
repletionem sapientiam intelligimus, atq; cognitio-
nem.

AD hæc, quò quid uerius est, quò præstantius, atq;
durabilius quid est, eò huius ipsius uoluptas est opta-
bilior, siue de intellectus delectatione intelligamus,
siue de alia quauis. Iam uerò aliæ omnes delectatio-
nes momentaneæ sunt, & quasi puncto temporis cor-
rumpuntur, propterea quòd sunt contrarijs suis ubiq;
permixtæ: intellectus uoluptas nihil, quod usq; sibi
aduersetur reperit, eaq; ratione, aut æterna est, aut,
si fortè intereat, non ex contrario id fit, sed ex ua-
riatione quadam, ac mutatione, quæ ei oboritur. Hæc
autem Platonis ratio omnino (ita me Deus amet) de-
monstratiua est.

DICIT præterea uoluptates ipsius intellectus ideo
pro maiori parte præstatiores reddi, quia intellectus
eas efficit. id uerò quod est cā, ut aliquid sit præstans
bonum, id ipsum quidem longè præstantius erit, &
melius. consequens ergo est, ut iudex (scilicet intel-

lectus) adipiscatur, & cognoscat maximè, atq; optimè omnes uoluptates: hoc autem uerum est. At ratio illa, qua utitur, scilicet quod id, quod est causa ut aliquid sit præstans, illud idem præstantius erit, probabilis quidem ratio est, & famosa, nõ demonstratiua, ut Galenus putabat, dialecticæ imperitia deceptus: qui has omnes Platonis rationes demonstratiuas esse asserit, cum una tantum, quam ostendimus, demonstratiua sit inter omnes, quibus comparandis, diiudicandisq; inter se uoluptatibus utitur.

DEVS tibi optimus maximus uitam diu proferat, ac honorem, uir præstantissime. Hac uerò est disputationum ad scientiam huius ciuilis disciplinæ spectantium summa, earumq; necessarium in hac parte explicanda, quam tres nostri compendij partes Platonice Reipub. attributæ sunt complexæ. Idq; totum in quam potuimus breuissimam orationem contulimus, quod nobis tēporis quoq; facultas fuit angustissima. Idq; meo iudicio sumus assequuti, uerumq; Platonici sensus intellectum, uestro in primis auxilio, quorum hac in arte sotietas, ubicumq; opus erat, fuit mihi (ut semper aliàs) peropportuna. Neq; enim hac solum in re, uestra fuit mihi opera utilis: ne id quidē

adiumento uestro, sine studio mihi usq̃ constitisset.
Quod autem uos intelligere uelim uiri præstantis-
simi, quorum splendorem, ac gloriam deus q̃longissi-
mè proroget: decimus Platonis liber huic ciuili, quã
tractamus disciplinã nihil admodum conferat. Quid
poeticæ primordia ad hanc ipsam possint cõducere,
quibus neq; finis ullus constat, neq; per ipsa ueram
adipiscimur scientiam? idq; iam alibi, & hic lucidius
explicatum est. Mox paulò ille suasorias inductiões
ac rationes locis quibusdam probabilibus depromp-
tas subdidit, quibus animam immortalem esse proba-
ret. Et infert deinde fabulam, quæ designata eorum
animis loca describat, quorum in gustus, ac tactu
reliquorumq; sensuum illecebris, dum uiuerent spe-
ctabilis fuit continentia. Rursum ubi uoluptatiorum
ubi flagitiosorum animæ, ubi fraudes, ubi scelera pu-
niatur. Enimuerò iam nos antea sæpius prædiximus
istiusmodi fabulas non esse alicuius momenti. His. n.
quæcunq; uidentur uirtutes cõparari, aut ueræ uirtu-
tes non sunt, aut si uirtutes dici debēt, uirtutis ipsius
nomen æquiuocum esse oportebit. Adde etiam, quòd
hmoi figmenta q̃maximè à cõi ratione absunt: quòd
iam satis à nobis dictum esse arbitror, quo loco de
toto imitandi genere diximus. Etenim Platonem
uideri eam fictam, fabulosamq; rationem ingerere,

quæ tamen nihil ad humanam probitatem necessa-
 ria sit: neq; uerò ita utilis, ut facilius ad uirtutem mor-
 talibus iter aperiat. Quippe quòd homines non pau-
 cos cognoscimus, qui suis ipsi legibus, atq; moribus
 freti expertes planè, & rudes istarū fictionum, nihil
 uirtute, nihil uitæ instituto professoribus taliū histo-
 riarum concesserint. Sunt tandem hoc in genere
 (fatcor) ueteres illi inter se conflictati: sed in eo etiā
 anxie (nec mirum) & perplexè Plato uersatus est. At
 uerò, neq; primo Reipub. libro rem, nisi localibus ar-
 gumentis agit haud unq̃, nisi ubi fortè accidat ra-
 tionibus demonstratiuis usus: & idem ipse facit in
 secundi libri præfatione, qua de re nihil eorum pro-
 fus attigimus.

¶ FINIS.

The first of these is the fact that the
 the second is the fact that the
 the third is the fact that the
 the fourth is the fact that the
 the fifth is the fact that the
 the sixth is the fact that the
 the seventh is the fact that the
 the eighth is the fact that the
 the ninth is the fact that the
 the tenth is the fact that the
 the eleventh is the fact that the
 the twelfth is the fact that the
 the thirteenth is the fact that the
 the fourteenth is the fact that the
 the fifteenth is the fact that the
 the sixteenth is the fact that the
 the seventeenth is the fact that the
 the eighteenth is the fact that the
 the nineteenth is the fact that the
 the twentieth is the fact that the
 the twenty-first is the fact that the
 the twenty-second is the fact that the
 the twenty-third is the fact that the
 the twenty-fourth is the fact that the
 the twenty-fifth is the fact that the
 the twenty-sixth is the fact that the
 the twenty-seventh is the fact that the
 the twenty-eighth is the fact that the
 the twenty-ninth is the fact that the
 the thirtieth is the fact that the
 the thirty-first is the fact that the
 the thirty-second is the fact that the
 the thirty-third is the fact that the
 the thirty-fourth is the fact that the
 the thirty-fifth is the fact that the
 the thirty-sixth is the fact that the
 the thirty-seventh is the fact that the
 the thirty-eighth is the fact that the
 the thirty-ninth is the fact that the
 the fortieth is the fact that the
 the forty-first is the fact that the
 the forty-second is the fact that the
 the forty-third is the fact that the
 the forty-fourth is the fact that the
 the forty-fifth is the fact that the
 the forty-sixth is the fact that the
 the forty-seventh is the fact that the
 the forty-eighth is the fact that the
 the forty-ninth is the fact that the
 the fiftieth is the fact that the
 the fifty-first is the fact that the
 the fifty-second is the fact that the
 the fifty-third is the fact that the
 the fifty-fourth is the fact that the
 the fifty-fifth is the fact that the
 the fifty-sixth is the fact that the
 the fifty-seventh is the fact that the
 the fifty-eighth is the fact that the
 the fifty-ninth is the fact that the
 the sixtieth is the fact that the
 the sixty-first is the fact that the
 the sixty-second is the fact that the
 the sixty-third is the fact that the
 the sixty-fourth is the fact that the
 the sixty-fifth is the fact that the
 the sixty-sixth is the fact that the
 the sixty-seventh is the fact that the
 the sixty-eighth is the fact that the
 the sixty-ninth is the fact that the
 the seventieth is the fact that the
 the seventy-first is the fact that the
 the seventy-second is the fact that the
 the seventy-third is the fact that the
 the seventy-fourth is the fact that the
 the seventy-fifth is the fact that the
 the seventy-sixth is the fact that the
 the seventy-seventh is the fact that the
 the seventy-eighth is the fact that the
 the seventy-ninth is the fact that the
 the eightieth is the fact that the
 the eighty-first is the fact that the
 the eighty-second is the fact that the
 the eighty-third is the fact that the
 the eighty-fourth is the fact that the
 the eighty-fifth is the fact that the
 the eighty-sixth is the fact that the
 the eighty-seventh is the fact that the
 the eighty-eighth is the fact that the
 the eighty-ninth is the fact that the
 the ninetieth is the fact that the
 the ninety-first is the fact that the
 the ninety-second is the fact that the
 the ninety-third is the fact that the
 the ninety-fourth is the fact that the
 the ninety-fifth is the fact that the
 the ninety-sixth is the fact that the
 the ninety-seventh is the fact that the
 the ninety-eighth is the fact that the
 the ninety-ninth is the fact that the
 the hundredth is the fact that the

THE END

Errata insigniora, quæ Typographorum incuria ob-
repserunt: quorum prior numerus paginae fa-
ciem, posterior lineam signat.

B. i. 21. sin aut. B. ij. 2. 2. Gallis, alijsq; 19 uerum quan-
doq; 23. primis, si non B. iij. 1. 16. non inde est. 17. sed
cognit. 2. 2. deamet, & 3. oderit. 14. iugi exer. B. v.
1. 1. illiusq; præscriptum. 8. siqui idonei. 2. 3. quæ uerò
sunt. 4. Etantur. Ex his. 6. sa: falsa, ut. B. vi. 1. 19. erāt.
B. viij. 1. 4. ac siquid luctuosum ei con. C. ij. 1. 4. ebrios
nec deliros. 14. iuuat, assolita. 19. imitationis actio. C
ij. 1. 24. quisq; in. 2. 22. continere debet, cum. D. ij. 1.
11. custodem, bona. 2. 22. seu felices. 23. seiungitis. D
ij. 1. 10. aut expeditiss. 24. recipiant. D. vi. 2. 9. consti-
tuatur, D. vij. 1. 2. Qui. 3. uenire? 15. Misit me aiunt,
2. 5. comparatus est. 17. innouetur. D. viij. 1. 5. particu-
lares. 9. uita sequatur & appetat, quod simile. 2. 10. hu-
manum ani. E. 1. 1. à nobis. 7. minutulos illos. E. ij. 1.
23. poterit. E. iij. impulsus in. E. vij. 1. 6. sartoriaq; F. 2.
1. de hoc. F. ij. 1. 8. insolescente. F. iij. 1. 1. dicitq; 8. Rem
pub. counit. F. iij. 1. 21. gerenda sit. 24. deceatne. F.
vi. 1. 23. quisq; F. vij. 1. 10. atq; permanet. 2. 13. qua ad-
F. viij. 1. 20. enumeremus, G. ij. 2. 6. nolunt, ut. 18. ad-
uertetur, tamen in. 19. quiddam G. iij. 1. 25. instituatur
2. 22. tota se. G. vi. 2. 6. posse, cum per. G. viij. 2. 12. in-

digent, q̄. H. iij. 1. 15. persuadeant rerum. H. vi. 1. 14.
 utræq; 2. 24. quo pacto. H. vii. 1. 16. humana uoluntas
 præstare. H. viij. 1. 13. instituti sint. 2. 23. in intelligibi-
 libus. I. ij. 1. 11. parum numerorum, 2. 14. ob facili-
 tatem, I. iij. 2. 1. atq; acumen, leges. I. iij. 2. 14. dum
 propius. I. vi. 1. 18. hanc, & corrupt. 2. 23. quæ paucorū
 dominatu. I. viij. 1. 13. non ab alterius. 2. 9. delectatio-
 nes etiam, ludus aleæ, . K ij. 1. 1. uiuatur, atq; 5. sunt
 nūmi, 2. 2. debeat. K. iij. 1. 2. aliquando ex propr. 2. 8.
 familiares, ac. 18. nus finem. K. v. 2. 22. rege appellare,
 q̄ inferu. K. vi. 1. 8. :ijs tamen, 22. liq; auxil. 2. 8. ciues
 sensuum K. vii. 2. 5. omnes comparat. L. 2. 25. iniu-
 rium. L. ij. 1. 2. iniuriæ uindict. 2. 10. qui haud. 11. puta-
 bant: . L. iij. 1. 20. ipsa Repub. 2. 12. non minor, quā
 L. iij. 1. 20. in quem, 2. 11. transmittet, quam maximè
 uelut præstantiorem perseq. L. v. 1. 5. imitati sunt, L.
 vi. 1. 2. quod minima. 13. coniurare eos. L. vii. 1. 24. uo-
 luptatum cū ual. L. viij. 1. 8. ad dispiciend. M. ij. 2. 9.
 eū deferat, . M. vi. 1. 23. ut in arboribus alia atq; alia
 germina pullulant: N. iij. 2. 5. ipso, quod illi. N. v. 1.
 5. & celebris, non. 12. est sententiarum ad. 14. necessa-
 riarum.

Reliqua si quæ sunt, facile æquus

¶ Impressum Roma in Campo Flora, per M. Valerium
Doric. & Ludovicum Fratres Brixianos.

Anno Domini,


M. D. XXXIX.



BIBLIOTECA N. A. Z.
ROMA
VITTORIO EMANUELE.

in Campo Flora, per M. Valerium
Fratres Brixianos
no Domini,

D. XXXIX.



CA. 18. 7
MA
MAWELL.